

**SIXTH LEGISLATIVE ASSEMBLY OF MIZORAM
(FIFTH SESSION)**

LIST OF BUSINESS

FOR FOURTH SITTING ON MONDAY, THE 22nd MARCH, 2010
(Time 10:30 AM to 1:00 PM and 2:00 PM to 4:00 PM)

MEMBER PRESENT

Pu R. Romawia, Speaker at the Chair, Deputy Speaker, 10 Ministers and 26 Members were present.

QUESTIONS

1. **QUESTIONS** entered in separate list to be asked and oral answers given.

LAYING OF PAPER

2. **Pu R. LALZIRLIANA** to lay on the Table of the House a copy each of the following.
 - (a) The Mizoram Private Security Agencies Rules, 2009.
 - (b) The Mizoram Grievance Redressal Rules, 2009.

**FINANCIAL BUSINESS
DISCUSSION AND VOTING ON SUPPLEMENTARY DEMAND FOR
GRANTS 2009-2010**

3. Discussion and Voting on Supplementary Demand for Grants for the year 2009-2010.

**LEGISLATIVE BUSINESS
Bills for introduction, consideration and passing**

4. **Pu R. LALZIRLIANA** to beg leave of the House to introduce "The Mizoram Appropriation (No.1) Bill, 2010".

*ALSO
to introduce the bill
to move that the Bill be taken into consideration
AND
to move that the Bill be passed.*

**FINANCIAL BUSINESS
GENERAL DISCUSSION ON THE BUDGET FOR THE YEAR 2010-2011.**

5. General Discussion on the Budget for the year 2010-2011 (to commence)

S P E A K E R : “A ram leh a felna chu zawng hmasa zawk rawh u, tichuan chung zawng zawng chu a pek belhchhah dawn che u nia”.

Mathaia. 6:33

Zawhna leh chhanna hunah kan kal nghal ang a, Starred Question No.21-na zawt turin Pu K. Liantlinga i lo sawm ang.

Pu K. LIANTLINGA : Pu Speaker, ka lawm e. Hon'ble Home Minister ka zawhna chu hei hi a ni. Mizoramah Security Commission hi din a ni tawh em ?

S P E A K E R : A chhang turin Pu R. Lalzirliana, Minister for Home Department i lo sawm ang.

Pu R. LALZIRLIANA, MINISTER: Pu Speaker, MLA zahawm tak, Pu K. Liantlinga zawhna chhanna chu – din a ni tawh e, tih a ni.

S P E A K E R : Zawhbelhna, Pu K. Liantlinga i lo sawm ang.

Pu K. LIANTLINGA : Pu Speaker, ka lawm e. Mizoramah Security Commission din a nih tawh chuan, tute nge member ni a, Chairman tunge tih kha ka zawhna pakhatna ni sela. Hetah hian Terms of Reference eng ang nge siam a nih tawh ? Terms of Reference kha min pe thei ang em ? tih a ni a. Tin, hemi chungchangah hian Security Commission hian Inter-State ah kan hnaih, entirnan – Manipur, Tripura, Assam te chungchangah leh Central ah hian engtiangin nge correspondence an neih dan kha min hrilhfiah thei em ? tih ka zawh belh a ni e.

S P E A K E R : A chhang turin Minister i lo ko ang.

Pu R. LALZIRLIANA, MINISTER: Pu Speaker, Security Commission hi kum 2006 khan din a ni tawh a. Tin, 2009-a sorkarna a inthlak takah khan din thar leh a ni a, chutah chuan Chairman hi Home Minister a ni a. Tin, member te chu – Lt. Col. Z.S. Zuala MLA, Pu C. Ramhluna MLA, Chief Secretary, Govt. of Mizoram, Pu Lalnggheta Sailo IPS (Rtd.), Pu F. Lalremsiama IPS (Rtd.), Pu Lalmalsawma Secretary, Home Department. DGP hi Ex-Officio Secretary a ni a, henge te hi Chairman leh member te chu an ni a. Security Commission hian Terms of Reference a nei a. Chutah chuan Police hmalakna te ti thuanawp leh ti

khaihlak thei zawnga sorkar atanga pressure a awm chuan he Commission hi an siamtha thei ang a. Tin India constitution leh dan dinglai hrang hrang duh dan anga tha taka hna an thawh reng theih nan kalphung mumal taka duan sak a ni bawk.

Tin, pahnihna ah chuan Police te hnathawh dan tur kalphung mumal duanchhuah piah lamah hlawhtling taka hlenchhuah a nih theihna turin, he Commission hian a enpui ang a, a venpui dawn a ni. Tanpuina tha zawkte an hmuh theihna tura kawhmuhtu tur a ni a. Tin, Police te performance a endikin a tul chuan Assembly-a pharh theih tur pawhin a rawn buatsaih thei a ni.

DGP thlan chungchangah te pawh hian an thu khawp mai a. A tul a nih chuan thurawn bakah recommendation te pawh an pe thei ang a. Tin, DGP hna chelh mektu pawh hi a diklo a nih chuan henge pawh hi an enpui thei vek dawn a ni. Tin, chutiang bawkin DGP chungah All India Service-ina discipline leh appeal eng eng emaw an siam, rule pek, lek a ni emaw, criminal case-a convict a ni emaw, corruption thubuaia thiam loh chantir a nihin emaw, thildang vanga hnathawk thei lo nia ngaih a nihin he Commission hian DGP dang la tur pawhin a ti thei a ni. Chulai chu kan han chhanna nise.

Tin, Inter-State ah kha chuan tunah hian kan la ti tir deuh bawk a, member te kan han ruat chhuah a gazette-ah te a lo chhuah hnu hian mumal taka meeting kan la nei hranpa lo a ni.

S P E A K E R : Zawhbelhna Pu K. Liantlinga i lo sawm ang.

Pu K. LIANTLINGA : Pu Speaker, ka lawm e. Tuna a'n sawiah khan a din kha 2006 daih mai kha niin a sawi a. Mizoram hi a din hma pawl kan ni mai thei a. Union Home Minister-in nikuma Chief Minister a kohhawm naah khan din tura tih a ni a, kan lo din tawh a nih chuan a lawmawm a. Amaherawhchu, Law & Order hi State-in a kenkawh a nih avangin, awlsam zawka Chief Minister/Home Minister-in sanction hran ngai lova thawk thei tura ruahman kha a ni a. Tahchuan, Zorzokima thih chungchang thuah te leh thil dang dangah te pawh kan Police te hian State dangah awlsam zawkin thil an man zung zung thei lo deuh niin ka hria a, thil zuk chhuina zung zung kha. Tin, Manipur ah te hel an han tlan luh a, buaina an han siam khan State danga an kal leh mai khan problem a tling a ni. Tin, tunah Assam ah te pawh, harsatna kan tawk a, khatiang kha a nih avangin kan rama State Security Commission hian State dang Security Commission nena relation tha tak leh agreement an siam a ngai a ni. Khatiang khan ruahmanna an siam tawh em? tih kha ka zawhbelhna a ni. Helai tak hi min la chhan fel loh avang khan ka'n zawt chiang duh bawk a ni e. Pu Speaker, ka lawm e.

S P E A K E R : Chhang turin Minister i lo sawm ang.

Pu R. LALZIRLIANA, MINISTER : Pu Speaker, ka sawiah khan ka chhang fel tho tawhin ka hria a. helaiah hian Committee mumal tak kan la neih loh bakah Inter-State te nen pheih chuan ram pumah pawh keimahni ah pawh Committee kan la neih loh lai chuan kan la ti lova. Amaherawhchu, hemi kan tih loh pawh hian kan Police te hian harsatna lutuk State dangah zu luh a, misual zu um emaw, khatiang khan kan tawng tehchiam lova. Mahse kan duh angin kan ram chhunga kan duh thala kan zu kal zar zar ang kha chu a ni lo deuh a. Man kan tum te pawh engemaw tia kan ramchhung ang thlapa zu man awl lo deuh te kha chu a awm chauh a ni a. Chuvangin State dangte nen hian kan relation hi a tha thawkhat a ni.

Engpawh nise, hemi Security Commission meeting puitling zawk an han neih hnuah chuan tuna kan member zahawm takin an han point out te pawh kha a pawimawh turah kan ngai a ni.

S P E A K E R : Tunah Starred Question No.22-na zawt turin Pu K. Lalrinthanga i lo sawm ang.

Pu K. LALRINTHANGA : Pu Speaker, ka lawm e. Minister zahawm tak Sericulture Department changtu chhan atan – Bilkhawthlir khua-a Sericulture ram Village Council in a lo pek tawh khu sorkarin engtia hman chhonzawm nge a tum ? tih ka zawt e.

S P E A K E R : Pu Lalrinthanga, MLA zawhna chhang turin Minister, Sericulture changtu Pu Nihar Kanti Chakma i lo sawm ang.

Pu NIHAR KANTI CHAKMA, MINISTER: Pu Speaker, member zahawm tak, Pu K. Lalrinthanga zawhna chhanna chu hetiang hi a ni. Bilkhawthlir-a Sericulture farm hi Sericulture Co-operative Society, Bilkhawthlir kutah kum 2003 khan hlan a ni a. Tunhnaiah an enkawl tha lo nia report dawn a nih avangin Sericulture Officer, Kolasib enfiah tir a nih hnuah Department-in lak let a tum a ni. Ka lawm e.

S P E A K E R : Zawhbelhna – Pu K. Lalrinthanga i lo sawm ang.

Pu K. LALRINTHANGA : Pu Speaker, khumi Sericulture ram khu kan Minister zahawm takina min chhan ang khan Co-operative Society hnenah hlan a ni a. An ruahman danah chuan Cocoon Silk pangang khawina atana ruahman ni awm tak a ni a. Ama'rawhchu, khulai hmunah khuan khatiang anga hmalakna kha awm ta lovin, Theihmu mulberry thingte pawh hmuh tur pakhat

mah a awm lova. Tun dinhmunah chuan khang Society-a mimal te te te khan Kuhva te, Oil palm te an ching ta mai mai a. Sericulture concern nilo hlein ka hria a. Silk pangang khawina tur atana an duan ang khan an thawk lo hlein ka hria a. Hetiang hian mimalin neih hlen tum angin hma an la niin a lang a. Chuvang chuan sorkar hian ram mamawhna tam tak a nei thin a. Bilkhawthlir ram angah te khuan, khu ram khu V/C ina an lo pek tawh a nih angin Sericulture Department-in a hman tangkai loh chuan V/C hnenah pe let lehin, Department dang mamawh tak takte tana hman tangkai theih tura lo vawnhim khu a tha hlein a lang a. Chutiang ang chuan min tih sak thei lawm ni ka'n ti a ni.

S P E A K E R : Chhang turin Minister i lo sawm ang. Chhan tur a awm leh awm loh pawh ka hre chiah lova.

Pu NIHAR KANTI CHAKMA, MINISTER: Pu Speaker, engpawh nise, he ram hi U.T. hun lai V/C in Sericulture kutah an dah a ni a. Member zahawm takina hetiang a'n sawi takah chuan ka lo enzui ang e. Public purpose atan erawh chuan V/C kuta dah pawh a pawl lem lovang a. Engpawh nise, hemi chungchang hi Session zawh hunah Department Official te pawh kan lo verify tir ang e, kan lo en ang e.

S P E A K E R : Zawhbelhna a awm lo maw? Hetiang hian Department thahnem ngai hian Society tena duh tak leh hmasawn tur anga ruahmanna an han neih hian an han pe a. Society ho hian an ti tha leh thei lova, Society member tu tu emaw hian insem an tum ringawt zel mai a. Tin, Industry Department pawn a tawng tho ang. Sericulture Department pawn a tawng tho ang. Hei hi ngaihtuah ngun a ngai khawp a ni. Tunah Starred Question No.23-naah kan kal ang a, a zawt turin Dr. R. Lalthangliana i lo sawm ang.

Dr. R. LALTHANGLIANA : Pu Speaker, ka Starred Question No.23-na Home Minister min chhan atan, sorkar hmasain Lunglei hmuna DIG Range a dah kha tunah entin nge sorkarin a kalpui zel tih ka zawt e.

S P E A K E R : A chhang turin Home Minister Pu R. Lalzirliana i lo sawm ang.

Pu R. LALZIRLIANA, MINISTER: Pu Speaker, Member zahawm tak Dr. R. Lalthangliana zawhna chhanna chu hei hi a ni. Lunglei hmuna DIG (Southern Range) post-a David Lalrinsanga P.S dah kha ni 31.8.2009 khan Delhi lamah sawn a ni a, chumi sawn a nih hnuah chuan DIG (SR) post chelhtu tur hi

ngaihtuah a la ni lo a ni. Helam atangin Northern Range changtu khan a hmui ta rih a ni.

SPEAKER : Le, zawhbelhna a awm maw ? Zawt turin Dr. R. Lalthangliana i lo sawm ang.

Dr. R. LALTHANGLIANA : Pu Speaker, Question hi kan kal chak ta riau va, kawng lehlamah chuan a lawmawm khawp mai a, chuang chuan a zawttu ka nihna angin han belh hlek duh ka nei a. Hei hi a pawimawh a, sorkar hmasa khan Southern District pathum – Saiha, Lawngtlai, Lunglei District MLA Constituency 12 lai a awm a. Tin, kan hriat angin International border sawlai sawn mi a dep vek bawk a. District Council pathum awmna a ni bawk a, a tulna kha a hriain khatiang khan a ti a. Engpawh nise, kan dah lo ang tih ang zawng chhanna kha a ni lo bawk a, ka'n zawhbelh duh lai a chu hei hi a pawimawh a, kan sorkar pawh hian ngai pawimawh se ka duh khawp mai a. Engtikah nge hei hi kan dah belh theih ang, tuna Pu David-a kal chhuak ta a hmun ruakah hian tih ka'n zawh belh duh mai a ni.

SPEAKER : A chhang turin Home Minister i lo sawm ang.

Pu R. LALZIRLIANA, MINISTER: Pu Speaker, a ni leh thla chiah tur chu kan sawi thei lo ang a. Engpawh nise, hemi DIG (Southern Range) hi IPS Cadre post tur nge ni ang a, MPS Cadre post tur tih pawh hi tihchian a lo la ni hranpa lova. Hengte hi enchian hmasak a tul hlein ka hria a.

Tin, dah loh lampang kha chu sorkar rilru a niin ka ring lova, Police kan indaih deuh hunah dah vat kan tum ang a. Saw mi S.P Office saw a luah man kuminah hian an san vak mai lehngal a. Chuvangin ngaihtuah naah chuan Southern Range Office tur te leh S.P Office te pawh hi in chhunfin a sum leh paite a awm chuan chutiang zawnga building mumal tak han sak chhoh te pawh kha kan duh hle a ni. Chutiang chuan sorkar hmasa khan a lo dah tawh angin dah chhunzawm zel tur chu a ni ang.

SPEAKER : Starred Question No.24-na zawt turin Pu Lalduhawma i lo sawm ang.

Pu LALDUHAWMA : Pu Speaker, Home Minister zahawm takin a chhan atan zawhna (a)-na Police Modernization Scheme-a sum hman dik loh chhui tura Commission din khan report a thehltu tawh em ?
(b) Eng action te nge lak ni tawh ? tih a ni e.

S P E A K E R : A chhang turin Pu R. Lalzirliana, Home Minister i lo sawm ang.

Pu R. LALZIRLIANA, MINISTER: Pu Speaker, member zahawm tak Aizawl West bialtu, Pu Lalduhawma zawhna chhanna kha hei hi a ni –

- (a) Police Modernization Scheme-a sum hman dikloh chhui tura din – Three men Inquiry Team te hian an report sorkarah an thehlut tawh e. tih a ni a.
- (b) Three men Inquiry Team in Police Modernization Scheme-a sum hman dikloh chungchanga mawhphurtu nia a hriat mi pahnih chungah dan angin ACB ah FIR thehluh a ni a. ACB pawh hian an man tawh a, mahse Court chuan Bail-in a chhuah leh a ni, tih hi kan chhan theih chu a ni e.

S P E A K E R : Zawhbelhna, Pu Lalduhawma i lo sawm ang.

Pu LALDUHAWMA : Pu Speaker, kan Home Minister zahawm tak hi ka bial lamah hian a chiang lo riau zel mai a. Kha, hna an lo thawk tawh a, a lawmawm a, zawh belh vak tur pawh a awm love. Amaherawhchu, remchang dang han la lawk ila.

Pu Speaker, hmanni lama zawhna ka zawh hoah khan document dil ka nei a, ‘Min pe thei em’? tia zawh ka nei hlawm a ni. ‘Thei e’ tiin min chhang a, min pe chuang hlawm silova. Hei hi Point of Order pawh a tlingin ka hria a. Kan kalphung a ni ngai lovin ka hria a. Industries Department-a ka zawhna te hi - “MoU signed a ni em? A awm em? A awm chuan a copy min pe thei em?” tih a ni a. Chhanna chu – “Awm e, pe thei e”, tih a ni a, min pe chuang silova. Heng hi a copy neih duha ngen ka ni a, mikhual neiha ‘Ar kha Ar kha’ tih chul a, talh si lo ang deuh chauh in ni. Chuvangin min ensure sak la ka duh khawp mai.

S P E A K E R : A lawmawm e. Member zahawm takin ram tana thil pawimawh an zawt a. Department-in ‘pe thei e’ kan tih chuan kan pe mai tur a ni a. Tah khan anmahni Dak lampang harsatna in nei a nih pawhin Member zahawm takte in pek theih thu in thlen tawh kha chu, hetah Assembly Secretariat-ah rawn dah ula, an Dak rualin kan Member zahawm tak kan lo hlan mai ang. Kha kha i hre tlang ang u aw.
Tunah Starred Question No.25-na zawt turin Pu K. Liantlinga i lo sawm ang.

Pu K. LIANTLINGA : Pu Speaker, ka lawm e. Starred Question No.25-na - Urban Development & Poverty Alleviation Minister zahawm tak ka zawhna chu hei hi a ni e. “Aizawl Development Authority Acts leh Rules Building Regulation te hi siamthat tumna a awm em?” tih kha ka zawhna a ni e.

S P E A K E R : A chhang turin Pu Zodintluanga, UD&PA Minister zahawm tak i lo sawm ang.

Pu ZODINTLUANGA, MINISTER: Pu Speaker, kan Member zahawm tak Aizawl South-I bialtu zawhna chhanna chu – Aizawl Development Authority Act hi tun dinhmunah chuan siamthat tumna a awm lova. Amaherawhchu, Building Regulation, kum 2008-a siam kha chu enawna siamthat tum mek a ni.

S P E A K E R : Zawhbelhna, Pu K. Liantlinga i lo sawm ang.

Pu K. LIANTLINGA : Pu Speaker, helai hi Aizawl Development Authority hian mipuiah harsatna a siam nasa hle mai a, stay ringawt pawh hi 567 vel an awm a. Tin, in sak lai hi chu 396 chauh a awm a ni, 1557 dil zingah. Chung avang chuan heng mipui harsatna awm avanga tuna dan siamthat tumna, a Act-ah te, a Rules-ah te pawh awm lova, Building Regulations chauh a nih kha chuan harsatna tam tak a awm thei a ni. Chuvang chuan a Act te nen pawh siamthat tumna hi awm se thain ka hre deuh a. Chubakah Building Regulation an siam tha dawn a nih chuan engtikah nge hei hi siam peih a ni ang? Tunah hian mipui za tel tak meuh meuh In leh lo din thei lovin an awm a. Heng an harsatna zawng zawng hi sorkar mawhphurhna a nih avangin, engtik hunah nge siamthat theih a nih ang? tih kha ka zawh belhna a ni e.

S P E A K E R : A chhang turin Minister i lo sawm ang.

Pu ZODINTLUANGA, MINISTER : Pu Speaker, Aizawl khawpui hi ruahmanna awm lova thang chho a ni a. A tir atangin building kan sak dan te, kawr kan siam dan te, kan tui paihna te hi a him lo a. Tin, khawpui rawn thang chho zel turah pawh a awm thei leh a huai deuhten public ram te an nek nasa em em a. Chuvang chuan ADA in Building Regulations hi nei tura ruahman a ni a. Ama’rawhchu, an han hmang chhin a, tuna kan Member zahawm tak sawi ang khan kha kan Building Regulation leh kan society-ina kan lo kalphung, ram kan lo inpek dan te, in leh lo a area kan inpek zau dante nen hian a inmil tawk lova, mi tam takin harsatna an neihte hi sorkarin a hria a. Chuvang chuan he dan hi tunah hian siamthat mek a ni a. Chu dan chu Aizawl

Development Authority-ah thehluh a ni ang a, chuta Authority-in tha a tih a, a siam zawh a, a passed tawh hnu chuan sorkar ah thlen a ni ang.

Pu C. RAMHLUNA : Pu speaker, LAD Minister zahawm tak chhan atan ka question chu hei hi a ni.

- (a) Thingtlang Lo neitute leh huan neitute hian Lo an hal zo tawh em ? Vawiinni angah hian.
- (b) An la hal zo lo a nih chuan hal phalna a hranpain pek tumna a awm thei ang em ?
- (c) Kumin chhunga ram tikang te hi hremna pek a la ni ang em ? tih ka zawt e.

SPEAKER : Chhang turin Pu P.C. Lalthanliana, Minister, Local Administration Department changtu i lo sawm ang.

Pu P.C. LALTHANLIANA, MINISTER: Pu Speaker, Pu C. Ramhluna, Member zahawm tak zawhna chhanna -

- (a) Tunah hal zo lo an awm hriat a ni lo.
- (b) Hal zo lo an awm a nih chuan phalna pek a la ni em ? tih a ni a. Chutiang an awm loh avangin chhan tul lovah ngai ta ila.
- (c) Kumin chhunga ram tikang tute hi hremna pek a ni ang em ? tih chhanna chu – man chhuah leh a haltu ngei te chu dan anga hrem an ni, tih chhanna a ni e.

SPEAKER : Zawhbelhna, Pu C. Ramhluna i lo sawm ang.

Pu C. RAMHLUNA : Pu speaker, hmanni lawkah ka bial lamah ka kal a, kawng dungah lo hal lo an la awm nual mai a, ruah te kha a lo sur a, an hal thei ta nge ka hre lova. Lo enzui atan a tha khawpin ka hria a. Tin, kumin ah hian kan hriat theih chinah kanghlum hi 8 (pariat) lai an awmin ka hria a. Hengte hi sorkarin a hria em ? A hria a nih chuan compensation te pek a tum em ? tih ka zawt duh a. Tin, a dang lehah chuan ram kang hi a nasa viau mai a, nikum ang em em nilo mahse, ram kang hi a tam viau mai a. Hemi ah hian a mawhphurtute hi hriat chhuah tumna a awm em ? tih te ka'n zawt a.

Tin, Mizoram Fire Prevention Rule, 2002 tih niin ka hre ta a. Kha miah khan V/C te hi collective fine pek theih an ni a, khang ram tikangtu khuate kha V/C te hnenah khan pek tumna a awm em? Pek nise a thain ka hria. A chhan chu mawh an phurhna kha anmahniah Rules-ah an dah si a. An mawhphurhna hlen thei lo khua te kha hrem deuh te pawh a tha lawm ni aw, ka ti a.

Tin, Village Development Fund te pawh hrek tumna a awm em? Khang ho kha nakin zela an fimkhurna tura tih a nih avangin, kha Dan kha lekkawh theih nise thain ka hria a. Kan sorkar hian lekkawh tumna a nei em? tih kha ka'n zawt a ni e.

S P E A K E R : A chhang turin Minister i lo sawm ang.

Pu P.C. LALTHANLIANA, MINISTER : Pu Speaker, Member zahawm takin a sawi ang khan, kan ram a rova, a bua tawh a, kangmei a chhuak nasa a. Chu chu sorkar in a hria a, engtin nge kan ziaawm ang tiin lo hal hun te kan han tidanglam a.

Amaherawhchu, kan lo neih dan te leh thlai kan chin dan te a zirin helai hi ngaihtuahna sen a tul hle mai a, duh angin ram kang hi a tih bo tak tak thei lova. Engpawh nise, ram kang avanga thi tam tak an awm a ni tih sorkar in a hria a, kan tuarpui em em a ni, tih he House kaltlang pawh hian Pu Speaker, nunna chan ta te tuarpuina ka'n sawi duh a.

Tin, compensation pek tumna a awm em? tih kha pek tumna a la awm lo. Tin, haltua rinhlelh hi hmun tam takah an awm a, tunah hian chhui mek a ni a. Hmun thenkhatah chuan man te pawh an ni a. Tin, bail-a chhuah leh rih te pawh an ni a. Tin, keimahni Department mai nilo, Forest Department lamte pawhin tunah hian an chhui mek a, rinhlelh hi khaw tam takah an awm a ni. Chung chhui hna chu thawh mek a ni.

Tin, Village Council te thuneihna chungchangah hian Rs.500.00 thleng chawitir theihna te a awm ve a, chung angte chu lekkawh turin kan V/C te hi hrih hriat vek an ni a. Khauh taka Sorkar Order pawh kengkawh tura hriattir an ni. Amaherawhchu, Village Council lam atangin action lak emaw, chawitir emaw report chiah kan dawng hran lova. Mahse, khawi khawiah emaw chuan an awm lovang tih kan sawi thei lova. Chutiang chu tuna kan dinhmun a ni e. Pu Speaker.

Pu R. SELTHUAMA : Pu Speaker, ka lawm e. Hei, ram a kang nasa hle a, kan ram hi a bua tawh a. Keini ram chauh pawh ni lo, ngawpui nei ram te pawh khawvelah a kang nasa a. Chuvang chuan ram kang hi kan la tuar zel dawn niin a lang a.

Kumin ah kan sorkarin lo hal hma ni sela ram a kang lo ang e, February thla chhunga hal tur, an han ti a, tah khan sawiselna a nasa viau a. Mahse, ruah sur hnuah, March thlaah an hal a. Ruah sur hnua lo hal hi chu a kang nasa duh bik a, mei a kal a. Chuvang chuan kanghlum te pawh an tam ta a. Hetiang hi a awm tawh loh nan kum thar lamah hian lo hi vat hma deuh hlekin, February thla chhunga hal tur hian kan mipuite a tih theih mai lawm ni ? Chutiang anga tih chuan lo kang tha tho siin mei a kal lo deuh ang a, kang mei nasa te hi kan pumpelh thei mai lawm ni, tih ka zawh belh e.

Pu P.C. LALTHANLIANA, MINISTER : Pu Speaker, tuna Member zahawm tak Pu Selthuama rawn sawi kha thil pawimawh tak a ni. Chuvangin, sorkar pawhin State level Fire Prevention Committee atangin chung ngaihtuahna hmang chuan rawtna a nei a, February thla chhunga lo hal kha kan han ti a ni a.

Amaherawhchu, hetiang a han sawn hma thut tur erawh chuan sorkar pawhin ngaihtuahna a hman hma a ngai a. Lo vattu ten an hal hma zawk theih nan lo an vah hma a tul a. Chuvang chuan sorkar pawhin ngun takin ngaihtuahna a hmang a. Thingtlang kuthnathawktuten kan tawrh loh theih ang ber bawk si leh kan ram kang chhe mek kan ven theihna leh kan pumpelh theihna tur hian tun kum lo kal turah hi chuan theih ang tawka ruahmanna tha siam a tum a ni tih kha ka chhanna ni mai teh se.

S P E A K E R : ‘Ni hlui’ kan ti a Mizovin, ruahin a la nan hma hian. Chutah chuan vah bak hi a kang vak duh lova. Ruah a rawn tlak tawh hi chuan ‘ni thar’ kan ti a, hnahtel ro kha a kawm tawh a, a rawn kir tawh a, thlawhmma ai ai hian vau ah hian mei hi a kal tawh a. Chuvangin ni hluia hal theih dan zawn hram hram a tha khawp a ni. Tunah Starred Question No.27-na zawt turin Pu B. Lalthlengliana i lo sawm ang.

Pu B. LALTHLENGLIANA : Pu Speaker, Home Minister zahawm tak chhan atan – Police Constable te Officer huana feh leh in saa chhawr thin kha tih reh a ni ta em? tih ka zawt e.

S P E A K E R : Chhang turin Home Minister Pu R. Lalzirliana i lo sawm ang.

Pu R. LALZIRLIANA, MINISTER : Pu Speaker, Member zahawm tak Pu B. Lalthlengliana zawhna chhanna chu hei hi a ni. Police Constable te Officer huana feh leh in saa chhawr thin kha a awm tawh love, tih a ni.

S P E A K E R : Zawhbelhna – Pu B. Lalthlengliana i lo sawm ang.

Pu B. LALTHLENGLIANA : Pu Speaker, kan Home Minister khan “A awm tawh love”, tiin chhang a. A nih leh khatiang kha hmuh awm ta sela action lak a ni ang em? tih ka’n zawt teh ang.

S P E A K E R : A chhang turin Home Minister i lo sawm ang.

Pu R. LALZIRLIANA, MINISTER: Pu Speaker, hei hi ti tawh lo tura tih a ni a. Chuvangin anmahni’n Orderly an nei thei a kan Police te hian. Chungah chuan an Orderly chhunga mite kha chu an duh anga an chhawr tura pek an ni a. Chuvangin hemi pawn lama lo la ruai lui an awm a nih chuan an chungchang ngaihtuah tur a ni a.

Mizo nunah (society) ah hian lo te kan nei a, han in khaichhuah ngai deuh te kan awm a. Tin, In te kan sa a, a lei han laih ni te, cement Slab han chhuna pa rual deuh lam han duh nite a awm thin a, heng ang nia an in ruai hi chu hriattiam turah kan ngai a. Chutiang ni lo, a thla a thla, a kum a kum te an in ruai a nih chuan an chungah action lak a ni ang.

Pu B. LALTHLENGLIANA : Kan Home Minister-in lawm te chu an ruai thei a ni a ti a, Officer te rank wise-in Orderly an neih zat min hrih thei em? Orderly an neih theih aia tam kha hmu ta ila, kan Home Minister hnenah hian thlen ta ila, action a la thei ang em? tih kha ka zawt duh a.

Tun hmaa helama an thut laia an ngaimawh em em kha, cement concrete sa a, a chhun nia thawkte kha ni thinin ka hria a. Vawinah erawh chuan kang ho kha chu ngaihnathiam an ni tih khan arawn chhang leh a.

Police Constable te, Officer In sa te pawh hi ngaihdamna sang tak nen a en chho zel dawn em ni? Tunah pawh hian a ni leh a thla nen, thlalak nen ka nei thlap a, nakinah kan la in hriattir ang a. Khatiang ka zawhna kha minrawn chhang leh turin ka ngen a ni.

S P E A K E R : Chhang turin Minister i lo sawm ang.

Pu R. LALZIRLIANA, MINISTER : Pu Speaker, kan ngaih pawimawh thin te minrawn ngaihpawimawh sak zel a, kan member puiten. I vei lama kan thut

lai chauh hian kan ngai pawimawh a ni lova. I ding lama kan thut ve hun hian nasa takin hna kan thawk a, kan Officer lian ber berte pawh explanation kan call a ni. Chutiang chuan hma hi kan la tawh a. I vei lama kan thut laia keini Congress ina kan ngaih pawimawh thin te kha hetiang ang nikhat kan zu in ruai te, nikhat kan in chhawr lawk ang chi kha kan ngaih pawimawh chu ni lovin tiin tuna ka sawi ang tho khan kan society-in kalphung kan nei a. Hetiang ang ni lo hian a permanent-a chhawr thin te hi a ni kan ti a. Chutiangah chuan a sawi pawh ka sawi chhuak a. Tin, inquiry pawh an la a, an chhawr ngei a ni tih sorkar hmasa khan inquiry latu te report pawh a hmu a ni. Amaherawhchu, Minister a thlen khan action lak lohvin a awm zel a. Chutiang ang chu an huanah permanent-in an riah tir a ni.

A bik takin sawi chhuak leh ta ila. Tawi ah te pheii chuan out-post an hawng a ni ringawt a. 6, 7 an awm kumtluan thak a ni ka ti a, a hmunah an kal a, a chiang a ni an ti a, chutiang te chu awmin ka hre tawh lova. Tin, Police hnaah hian training lai te pheii chu an routine-ah khan a tel hrim hrim a. Chungah chuan training lai te ramhnuai va sam ngawt thu a awm lova, an pute thlam lo va sam te pawh kha physical atana tihah khan a tul ve hrim hrim a. Tin, Public tan pawh khawimaw lai YMA ram hnim lo va sam pui te pawh kha a tel thei vek a ni. Chutiang chuan kan ngaih pawimawh hi vawiin thlengin kan la ngaipawimawh char char a. A ni leh thla chhawr chhunzawm zat ang a nih phawt chuan action lak lohvin kan chhuah miah lovang, tih Member zahawm tak kha kan hriattir leh duh a.

Tin, an entitlement kha chu DGP hian pali a nei thei a. Chutah chuan Head Constable 1 leh Constable 3. Tin, DIG atanga S.P te, Commandant te hian 3 an nei thei a. Additional S.P leh Deputy Commandant ten 2, SDPO in 2, Deputy S.P ten 1 an nei thei a ni. Chu chu ka chhanna a ni e.

S P E A K E R : Starred Question No.28-na zawt turin Pu Hmingdailova Kiangte i lo sawm ang.

Pu HMINGDAILOVA KHIANGTE : Pu Speaker, ka lawm e. Ka zawhna, Home Minister chhan atan - Engtikah nge Bukpui khuaah Police Outpost hawn theih a nih ang ? (Speaker: Chhang turin Home Minister i lo sawm ang.)

Pu R. LALZIRLIANA, MINISTER : Pu Speaker, Pu Hmingdailova Kiangte zawhna chhanna chu hei hi a ni e – Bukpui khua Police Outpost hawn hun tur hi hriat a la ni rih lo.

S P E A K E R : Zawhbelhna, Pu Hmingdailova Kiangte leh Pu Laldhawma. Pu Hmingdailova i lo ko hmasa ang.

Pu HMINGDAILOVA KHIANGTE: Pu Speaker, ka lawm e. Kan hriat angin Bukpui saw a mel zawnga a hlat vak loh aiin a pilril viau mai a. Tin, Serkhan, Bagha Road ina a kaltlang a ni a. Serkhan – Bagha Road hi nikum lamah a kawng chhiat zia kan sawi tawh a. Vawiin thlengin a la tha chuang lo naa motor a kal hram hram a. A kal hram hram hote kal chhan chu Silchar – Aizawl Highway Gate paltlang tur tam tak ang hi a awm ve loh avangin, Gate paltlang tur awm lo mahse thil thalo phur hote kalna hmun a nih avangin, Bukpui ah sawn Gate, Police Outpost a awm chuan Gate te pawh a awm turah ngai ila, tih kha a tul em em a ni tih ka sawi duh a. Thla hnih emaw kal ta ah pawh khan Silchar – Aizawl Highway-a kal duh lo, kal ngam lo motor engemaw zat man an ni a. Khangho phurh kha Fertilizer Champhai lama chho tur te a ni a. Chuvang chuan kan Minister zahawm tak hi, kan hawng lo ang tih a ni lo bawk a, a rang lama min hawnsak turin kan ngen a ni e. Ka lawm e. (Speaker : Pu Lalduhawma).

Pu LALDUHAWMA : Pu Speaker, keini lam bial Ramrikawn khu a buaithlak khawp mai a. Christmas dawn khan, “Beat Office tal min tihsak teh u” kan ti a, min rawn tihsak a, kan lawm khawp mai a. Amaherawhchu, kum thar tiak tuk khan min withdraw sak leh ta a. Outpost te hi chu kan duhthusam a ni a, mahse ka beisei ngam chiah lo a. Beat Office tal min pe leh thei ang em ? tih ka zawt duh a. V/C leh YMA ten a building tur engkim pawh an ruahman sa diam a, a harsa lo a. Khulai khu NEEPCO hmun a ni a, Vety Farm hmunpui a ni a, FCI hmunpui a ni bawk a. Industrial Growth Centre a awm a, Central Jail a awm a, University a awm a, Baptist Kohhran hmunpui a awm bawk a, Power Station a awm bawk a. FCI Godown phei khu chuan tunlai suahsualna tinreng mai hi a keng tel a ni. Chutiang chu a nih avangin Law and Order a buaithlak khawp mai, hnam dang pawh an tam a. Tah khuan Beat Office min dahsak ve leh thei ang em ? tih ka zawt e.

S P E A K E R : A chhang turin Minister Pu R. Lalzirliana i lo sawm ang.

Pu R. LALZIRLIANA, MINISTER: West – I bialtu zahawm takina a rawn zawhna kha – Luangmual ah khuan Outpost han sawn chhoh kan tum a, khulai, a thlang deuh ami kha. Amaherawhchu, a luah tute insawn chhuahna hun tlem pek a ngai a, khulaia kan tih hunah chuan tlemin kan zuk cover hneh deuh turah kan ngai a. Engpawhnise, Beat Office hi chu khatiang anga kan YMA leh V/C ten a inluah tur ber a free-a an lo pe thei a nih chuan a mihring lam kha chu harsa lutuk lo turah ngai ta ila, theihtawp kan rawn chhuah phawt ang a, kan lo en dawn nia.

Tin, Kawnpui, Tuirial bialtu zahawm tak, Pu Hmingdailova Khiangte han zawhbelhna leh ngenna kha tihhlawhtlin a chakawm khawp mai a. Khulai khu kawngpui awm thla ve a ni a. Zu leh thil dang suahsual rawngbawlna hi Bagha atang khuan a lo lut thei a, Checkgate awm lovin.

Chutah chuan Police/Home lam pawhin helai Outpost hawn hi kan duh a, Post create te kan han dil a, DP&AR lamin Post create kher lovin, Existing Staff ang hian in lo zu ti thei lawm ni, tiin phalna chu min pe a. Mahse Post create a awm loh chuan Police khulaia awm tur te kan indaih bik loh avangin kan han nawr chhonzawm zel ang a, tih theih ngei pawh kan la tum ang chu.

S P E A K E R : A lawmawm lam zel a ni e. Tunah Starred Question No-29-na zawt turin Pu K. Liantlinga i lo sawm ang.

Pu K. LIANTLINGA : Pu Speaker, ka lawm e. Law & Judicial Minister zahawm tak ka zawhna Starred Question No.29-na chu hei hi a ni e.

- (a) Kan sorkar Department hrang hrangte hian Dan, 'Bill' siam tur Law Department enfiah tura an thawn/thehluh pending engzat nge awm ?
- (b) A awm chuan a Dan hming leh Department hming min hrilh thei em ? tih a ni e.

S P E A K E R : Pu Lalsawta, Minister, Law & Judicial Department changtu i lo sawm ang.

Pu LALSAWTA, MINISTER : Pu Speaker, South-I bialtu zahawm tak, Pu K. Liantlinga zawhna chhanna chu – (a) Pahnih – Hetiang Bill hi kan nei a. 'The Money Lenders and Accredited Providers Bill, 2009' Finance Department Bill pakhatna a ni a. Pahnihna chu 'The Mizoram State Election Commission Bill, 2009' a ni e. (Speaker : Zawhbelhna Pu K. Liantlinga).

Pu K. LIANTLINGA : Pu Speaker, ka lawm e. Khang Bill te kha engvanga tuna la pending nge an nih ? tih kha ka zawhna pakhatna ni sela.

Tin, a pahnihna ah chuan, hetiang Bill 'vet' tura an rawn tih te hi Law Department hian hnawl theihna a nei em ? tih leh tih danglam theihna a nei em ? tih a ni.

Tin, a pathumna ah chuan Law Department hian Danpui leh State Act bakah hian in-contradict a nih loh chuan hnawl theihna a nei em ? tih a ni a. Palina ah chuan Taxi Aizawl khawpui chhungah a inchhawka tlantir a ni a, helai ah hian Labour Rules te a kalh em ? Labour Rules ah hian karkhat ah ni 6 hna an thawk ang a, nikhat chu an chawl ang tih Dan te pawh a awm a. Tunah hian an duh hun huna Taxi an tlan loh tir hian Driver te an duh anga tlan thei lova an awm hi Dan palzutna a ni em ? tih ka zawt a.

Tin, Motor Vehicle Act, 1988 leh Amendment 1989 hi STA-in a kalpui naah hian Motor neitute an duh hun huna an tlan phal leh phal loh theihna dan hi a awm em ? tih kha ka'n zawt duh a ni e. Ka lawm e.

S P E A K E R : Awle, Law Minister a ni bawk a, Motor chungchang te, Taxi chungchangah te khan kan kal ta a. Law Department lam hma tur a nih leh nih loh pheih chu ka hre lova. Engpawhnise, Minister-in a chhan theih chin chin han chhang sela, lo ko ang.

Pu LALSAWTA, MINISTER : Pu Speaker, dan pahnih Law Department-a la tang mek chungchanga a tan dan tlangpui chu hei hi a ni a. He dan pahniha a hmasa zawk, he dan hi Reserve Bank of India-in model bill a buatsaih lakchhawn a ni a. He Money Lenders and Accredited Providers Bill, 2008 hi Law and Judicial Department chuan a enfiah, a 'vet' tawh a. Chu chu nikum hmasa June, 2008 khan Council of Ministers meeting ah, August, ni 25, khami kum bawkin a principle-in a pawmpui a. Amaherawhchu, hremna dan thuah dan dinglai dang a awm ve nual avangin enkawpa belhchian deuh tha a tih avangin ennawn leh a ni a. Hemi chungchangah hian advice, thurawn pawh Finance Department-ah kum 2008 bawk, November ni 19 khan pek let leh a ni a. Chutichuan, Law & Judicial Department bawk Finance Department hian an en leh tawh hnuah nikum 2009, March ni 21 khan a rawn thehlut a. Law & Judicial Department chuan uluk taka a en hnuin nikum June ni 1 khan a pe let leh a, Finance Department-ah hian a awm mek a.

Tin, pakhat zawk, The Mizoram State Election Commission Bill, tih chungchang kha la en mek a ni bawk a. He Bill hi chu UD&PA Department atanga 29th January, 2010-a dawn a ni a, kan la en mek chauh a ni.

Tin, a zawhbelhna kha kan lo inrin loh lam deuh hlek te a kawkw bawk a, kan hriat theih ang angin Member zahawm tak kha kan han chhang ang a. Kim lo deuh a nih pawhin min lo hrethiam se. Dan siam leh tihdanglam chungchangah chuan Constitution kalh hrim hrim hian dan hi a siam theih loh a. Tin, dan awm tawh sa, Constitution hnuai siam tawh hi a la nung a nih chuan chumi kalh pawh chuan a siam theih bawk loh a. A chhan chu, Constitution kalha dan siam theih loh a nih tlat avang khan a ni.

Constitution kalha dan siam theih loh a nih avang khan Constitution kalh anga dan siam kha a awm lo tluk a lo ni a, Pu Speaker. Chuvang chuan a tlangpui thuin Constitution emaw a hnuai atanga dan siam ang kalh hian dan siam pawh hi tum mah ilangin a tih hleih theih tlat chuang lova.

Tin, Taxi an tlan chungchangah khan Labour dante hi a kalh em ? tih chungchang a rawn zawhna kha, a fak chuan hre thei lo mah ilangin a tlangpui thuin hetiang angah hian ram dinhmun atangte pawhin dinhmun a awm ve thei a. Mizoram angah hian miin Metropolitan area a "Kar khatah ni 7 chhungin nikhat a chawl ngei ngei tur a ni" tih ange hi dan ang chuan zuk tiin

sumdawngte pawh a then, “Inrinni ah in khar ang a, a then Nilaini ah in khang ang a” tiha remruatna hi tih ve fo thin nimahse, Aizawl ang city te-ah chuan a ngai lem lova.

Tin Taxi chungchangah khan chuan tuna kan intlan chhawk hriat theih mai ang chu, Transport Department lamte pawhin an hre chiang thei zawk ang a. Hetiangah hian sorkar hian policy a nei thei a. Sorkarin policy a neih a, a ram bik mila mamawh ang kha policy an “adopt” hi chuan mimal right emaw, eng ang dan pawh kha lo awm ta se, kan ram tana a that tlat zawk kha chuan dan kha tute emaw right kalh deuh hlek pawhin kan siam ve thei a ni tih kha ka han chhan theih tawk chin a ni mai. Ka lawm e.

S P E A K E R : Mipui tam ber duh dan chu a lal ber ang a, mi pahnih/thum duh dan kha chu a tlang fo loh chang a awm thei ang, tih ang zawngte pawha ngaihtuah a nih chu.

Tunah Starred Question No.30-na zawt turin Pu Lalduhawma leh Pu K. Liantlinga te zawhna a ni a. Mahse Pu Lalduhawma zawk i lo sawm ang.

Pu LALDUHAWMA : Pu Speaker, Food, Civil Supplies & Consumer Affairs Department Minister zahawm tak chhan atan ka zawhna –

- (a) Aizawl khawpui chhunga distributor te leh an area chhunga household connection leh thlatina cylinder an hmuh zat July, 2009–2010 inkarah ?
- (b) Cooking gas hi Mizoramah kan indaih tawk kan hmu em ?
- (c) Gag agent te hian nikum December atanga kumin February, 2010 thleng hian cylinder engzat nge an phurh chhuah tawh ? tih a ni e.

S P E A K E R : A chhang turin Pu H. Rohluna, Minister Food Civil Supplies & Consumer Affairs i lo sawm ang.

Pu H. ROHLUNA, MINISTER : Pu Speaker, Aizawl West-I bialtu zahawm tak leh Aizawl South-I bialtu zahawm takte zawhna chhanna chu –

- (a) Aizawl khawpui chhunga distributor te leh an area chhunga household connection leh thlatina cylinder an hmuh zat July, 2009-2010 inkar chu a thui deuh hlek a. Pu Speaker, Suakchhunga Gas Agency Household No. awm zat chu 7700 a ni a. July 2009 ah khan 12852, August 2009 ah 16805 a ni a. Commercial cylinder 50, September 2009 ah 7284 a ni a. Domestic cylinder ah

Commercial ah 40, October thla ah 11172 Domestic cylinder a nih lain 100 Commercial cylinder an la lut a. November ah 11806, tin, commercial cylinder 95, December thla ah 11738 commercial 110. January 2010 ah 9977 commercial 80, February thla ah 9663 commercial 90. Mizofed Gas Household No.10940 July thlaa an lakluh Domestic cylinder chu 9792, August ah 10008, September ah 7229, October ah 10761, November ah 10930, December ah 10334, January 2010 ah 8806, February 2010 ah 9992. Biakkungi Gas Household 5744, July 2009 ah Domestic 8845, commercial 70.

Pu LALDUHAWMA : Pu Speaker, a zia kha min pek theih tho chuan chhiar chhuah vek kha kan phut lem lo.

SPEAKER : A nih khi kan hun a tawp reng reng mai a. A zawhna siamtuin ‘a zia ka min pek theih chuan kan phut run chuang love’ a ti a. Han chhiar chhuah ralah chuan a englo viau a. Hetilai atang khan kan Member zahawm takten heng zia kha in rawn dawn hunah khan in la chhiar vek ang a. Tu agency nge ti tha deuh, tu Agency nge connection an neih zat sia ti tha lo deuh pawh in hmu ang a. Mizofed kha connection an ngah tehlul nen, an thlatin phurhluh kha a tam lo khawp mai, khangte pawh kha in lo hmu dawn a ni.

Pu H. ROHLUNA, MINISTER : Pu Speaker, nia, zawhna a nih miau avang khan kan han ti a ni mai a. Khatia min hriatthiam theih chuan a lawmawm ang a. A zia kin kan pe vek dawn tho a.

Tin, zawhna (b)-na kha a chhanna chu Cooking Gas hi mizoramah kan indaih taw k kan hmu rih lo, tih a ni a.

Tin, (c)-na chhanna chu Gas Agent theuh ten nikum December atanga kumin February 2010 thleng cylinder an phurh chhuah tawh chu hei pawh hi Annexure-II ah dah a ni a. A zia kin nakinah kan pe mai turah ka ngai a. Hei pawh hi min hrethiam turah ka ngai a. Kha kha ka chhan theih dan chu a ni e.

SPEAKER : Khaile, kan zawhna hun a tawp tlat mai, i duh taw k ang u. Nakinah Discussion hunah te pawh in la ngaih pawimawh chu kan la sawi lang zel ang a. Vawiin niah hian kan Member lo lang thei lo te – Pu Lal Thanhawla kan House Leader hi Delhi lamah Plan final turin a kal a. Tin, Pu P.C. Zoramsangliana hi damsam lohna avangin a lo kal thei lova. Brig. T. Sailo hi taksa chaklohna avangin a lo kal thei lo baw k a. Tin, hetah hian leh kha kan hmu a, kan House Leader-in a rawn zia k a ni a. “20th Marh, 2010 atang hian Delhi ah ka kal dawn a, Planning Commission Deputy Chairman hmu a, kum 2010-2011-a kan Annual Plan 22nd March, 2010-a final turin. Ka awm loh chhungin Pu R. Lalzirliana, Deputy Leader Congress

Legislature Party, Home Minister zahawm tak ni bawk hi zawhnate ka aia lo chhang turin leh House Leader ka nih anga ka tih turte leh Department-a ka mawhphurhna te lo kengkawh turin ka authorized e”, a rawn ti a ni a. Chuvangin, kan House Leader-ina a tih tur emaw, Finance Minister anga a tih tur emaw kha Pu R. Lalzirliana’n a ti dawn a ni.

Tunah hian Paper Lay turin Pu R. Lalzirliana, Minister zahawm tak lo sawm ilangin, a paper lay turte chu –

(a) The Mizoram Private Security Agencies Rules, 2009

(b) The Mizoram Grievance Redressal rules, 2009 an ni a. House ah rawn lay sela, i lo sawm ang.

Pu R. LALZIRLIANA, MINISTER : Pu Speaker, he House zahawm takah hian The Mizoram Private Security Agencies Rules, 2009 leh The Mizoram Grievance Redressal Rules, 2009 ka rawn chhawp chhuak e.

SPEAKER : A copy kha han sem ula. Tunah Financial Business ah kan kal ang.

Pu NIRUPAM CHAKMA : Pu Speaker, hei NREGA leh Rules te min pe a. NREGA paper.....

SPEAKER : Aw, kha kha a ni tur a ni a. Private Security Agency Rules leh The Mizoram Grievance Redressal Rules, khami pahnih tur kha a ni. A nilo kha member te kha pek palh in awm chuan a ni kha pek tur a ni.

Pu R. LALRINAWMA : Pu Speaker, a dik alawm hei, short tittle, commencement tihah khan, ‘This Rules may be called the Mizoram Grievance Redressal Rules, 2009 tih a nih kha.

Pu H. LIANSILOVA, MINISTER : Pu Speaker, hriat sual palh a ni, an pe dik ang che, kan dawn hi a dik hlawm e.

Pu LALTHANSANGA : Pu Speaker, hei min han pek ve hi phek 5-na leh phek 6-na hi a blank tlat mai a. A thenah hian a blank si lova.

SPEAKER : Member zahawm takte kha pe tha vat rawh u, a blank lo kha. Engati nge ni aw! Gazette copy a ni lawm ni in dawn ?

Engati nge sorkar Gazette copy meuh pawh chutiang chu a awm theih! E khai a !! Printing & Stationery lam mawh a ni daih tawh mai. Engpawhnise, Chair lam atangin ngaihdam ka'n dil ang che u. Kan Office lamte pawhin kan lo uluk tawh lo a ni ang, lo en vek tur kan ni a. Mahse khatiang khan a nih ang ang kha chuan pawm phawt mai ila. A kimin a chhiar theihin rawn thlak sak vek che u kan tum dawn nia. In ngaihdam kan ngai leh pek a nih chu.

Awle, tunah chuan Financial Business lamah kan kal ang a. Supplementary Demand for Grants for the year 2009-2010 hi finance Minister zahawm tak Chief Minister ni bawh a zin avangin Pu R. Lalzirliana, Home Minister zahawm tak a authorized a. Supplementary Demand 2009-2010 hi sawihova pass turin kan programme lamah chuan a lang a. Han pharh phawt mai teh se. Mahse, kan tih dan thin angin sawiho vak lovin pass mai ila, tih chi kha a ni a. Mahse, hei hi sawihova pass turin han dil phawt mai rawh se. Supplementary Demand kan Budget hluiah khan a bu-a thil tel vek a nih kha.

Pu R. LALZIRLIANA, MINISTER : Pu Speaker, Supplementary Demand for Grants for the year 2009-2010 hi helaia sawiho turin ka rawn dil e.

SPEAKER : Sawi tur ngaimawh deuhte kan awm em? Pu Lalduhawma leh Pu C. Ramhluna, mahse tawi te te sawi i tum ang aw. Ngaimawh laite khak kauh ila.

Pu LALDUHAWMA : Pu Speaker, tuna hemi Demand-ah hi chuan engmah sawi ka tum lova, nidanga kan lo tih thin ang khan 'thil kal tawh a ni bawh a', tia han pass kha a kalphung leh mai turah ka ngai a. A chhan chu Budget pangngai a nih avangin.

Ka sawi duh zawk erawh chu tun tuma Budget, kan Finance Minister-ina a pharh hi nikum Annual Plan size tiata duan a ni a, kan Plan size a la hriat loh avangin. Hmannia kan sawi ang khan 'Vote on Accounts' nen danglamna tak tak a nei lova. Kan Finance Minister hian a Speech-ah hian Chiang takin a rawn ziaak a. Nikuma Annual Plan size tiat khan kan rawn ti a. "Annual Plan final a nih hnuah chuan a punna chu Supplementary Grants angin ka rawn pulut leh ang", tiin a Budget Speech-ah hian a sawi a. Tuna kan Budget pass tur a hi nikum Plan size tiat lek a nih avangin kawng tam takah a rawn pung dawn tih hriat sa a ni. A punna chu heta sawiho loh leh vote si loh kha Supplementary-in kan dawng ringawt dawn ta a ni. Sum tam tak hmanna tur chungchang hi helaia a pass thei ten discussion chance kan nei dawn ta miah lo a ni. Chu chu a felhlelhna lai a ni a. Kan rawt duh leh kan dil duh che chu – Nakuma Supplementary Demand a lo kal hunah tal, hei hi a bik taka nikhat tal Supplementary Demand discussion atan hian allot a, chutianga tih hram dan chu min ruahman sak thei lo maw, special session neih te a rem loh pawhin ka ti a ni.

S P E A K E R : Aw, a lawmawm lutuk, hmanni ah pawh khan kan House Leader-in a sawi tawh a. “A tul a nih chuan special session hial te pawh kan ti leh mai ang chu”, a ti khan ka hria a. Nakum Budget leh a Supplementary-a sawihona mai lo pawh khan, a tul dan azirin. Ama’rawhchu, Budget pun dan azir khan tuna Annual Plan-ah pawh crore 1250 kha kan sawiho dawn a ni a. A lian tham viau a, a rawn belh leh a nih pawhin crore 250 bak hi chu sawiho belh leh tur vak pawh a awm a rinawm lova, crore 1250 kha kan sawi dawn a, a lian elh awlh viau a. Engpawhnise, House Leader khan hmanni ah khan thuchah chu a neiin ka hria. Ngaihtha takin i awm phawt mai ang u.

Pu C. RAMHLUNA : Pu Speaker, ka lawm e. Point pahnih khat lek a ni a. Hei hi harsa ni pawhin ka hre lova. Contingency Fund chungchang thu kha a ni a. Contingency Fund hi nikum ah khan 200 crore kha kum khat chungh atan khan grant theih turin Dan siam a ni a.

Kan enchhin a Pu Speaker, kumin chhungah hian Rs.207.37 crores lai mai an hmang tawh a. Rs.200 crores chauh dan ina a phal si laiah khan cheng vaibelchhia 207 aia tam chu nuai 773 velin Contingency Fund hi exceed a ni tlat mai a. Hei hi thil pawl lutuk a ni lo mai thei a. A chhan chu a hmangtu Department ten an recover leh zel a nih kha chuan kan Financial Management a tibuai lutuk lovah pawh a ngaih theih a. Mahsela, chu thil chu dan kalh a ni a, a dik loh dan chu 207 crores hi Annual Financial Statement ah pawh hian a reflect leh tawh si lova. Rs.200 crores ang chiah khan reflect-a a discuss hunah pawh khan Rs.200 crores ang tho khan reflect a ni bawh si a. Chuvang chuan AFS a pawh hi a sual ta hrim hrim tlat a ni. Hei hi dan bawhchhiatna a nih mai bakah kan Budget a pawh hi a buai ta a, a dik ta tlat lo mai a. Kha lai kha han sawi chhuah a tulin ka hria a.

Tin, Pu Speaker, thil han ngaih pawimawh deuh hlek ka neih chu, Medical treatment hi a sang em em mai a. Tunah hian crore 43.2 velin kumin chhungah Medical treatment atan pawisa kan hmang tihna a ni a. Hei hi kan Salary Expenditure atanga kan chhut hian 3.16% a kai daih mai a, a sang zualte phei chu hei Home-ah te phei chuan 720 lakhs an hmang a, 7 crores chuang a ni.

Medical Department ah te pawh hian 3.65 crore te an hmang daih mai a. Hei hi Head of Department te leh a Controlling Authority te tlema an fimkhur loh vang te pawh a ni thei ang em tiin ka ngaihtuah a. A Department chhungah pending bill te pawh a la awm teuh mai thei bawh a. Helai hi fimkhur deuh hleka en a va tha em, tih te ka rilru ah a awm a, ka han sawi chhuak duh a. Chutih lai chuan Pu Speaker, han vupui deuh ka duh Department a awm a. District Council hi pek an ni ve miah lo mai a, Medical treatment hi. Heti khawpa pawisa kan hmang tam chung hian 45 crores kan hmang chung hian, hei kan Member zahawm tak Pu Nirupama te pawh hi a ang loin ka hria a, a mak ka ti viau mai a, han ang se thain ka hria a. District Council ho chengkhath mah hetiang lai pawisa kan hmang chung si a, Medical treatment pek

an ni ve lo hi pawl ka ti viau mai a. Chu chu vawiin ah hian ka han sawi chhuak duh a.

Tin, lawmna pakhat ka neih chu Lumpsum Grant-in-Aid for Schools – High School leh Higher Secondary School atana pawisa cheng nuai zariat sawmsarih leh pahnih point 88 lakhs an dah hi lawmawm ka ti khawp mai, (Rs.872.88 lakhs) sorkar chungah lawmthu ka sawi a. Hei hi sorkar hmasa lam atanga thil lo kal tawh kha a ni a. Thingtlanga kan School hoten harsatna an tawh a, an beisei sang hle a, sorkar ah pawh ngenna an siam a. Vawikhat kha pawisa kan nei lo ti deuhva sawina kha a awm a, an lungngai hle a, mahse hei kan sorkar ina 872.88 lakhs a lo dah thei hi a lawmawm ka ti a. Chutih lai chuan Education Department hrim hrima 2580.77 lakhs Additional an han pe thei pawh hi a lawmawm a, hemi avanga hetiang a lo awm thei ta niin ka hria a, lawmawm ka ti a. Chuvang chuan kan sorkar chungah pawh hian lawmthu kan sawi duh a ni e. Ka lawm e.

SPEAKER : Hemi kan Supplementary Demand ah hian Contingency Fund kha Department-in an mamawh si a, an lo va pawt ta pawp pawp a. Contingency atang khan an lo va la ta tawp tawp a, kha kha heta tanga kan nam liam tawh atang khan an va chhung khat leh dawn a ni a. Amaherawhchu, figure kha Member ten remti kan tih hma huam chhung bak lo kalna awm erawh kha chu, nakinah Budget kan sawi hunah House Leader pawhin min ho ang a, chung lamah te chuan kan la ti ri leh dawn nia. Tunah chuan Minister Pu R. Lalzirliana passed dil turin i lo ko ang.

Pu R. LALZIRLIANA, MINISTER : Pu Speaker, tuna kan Member zahawm tak Pu Ramhluna'n a sawi kha kan chhang hlek ang a, sawifiah kan tum ang a.

Contingency Fund hi crore 200 dah a ni a, hei hi tuna Supplementary Demand-ah hian a hmanna lo awm tawh kha chu hnawhkha leh vek tur a ni a.

Tin, Medical treatment bill-ah hian Non-Plan-ah ringawt crore 50 hman a ni zawk ni awm tak a ni.

Tin, District Council hi Grant-in-Aid-a pek a ni a. Chuvangin helam atanga tih kher ngai lovin anmahniin buaipui tur a ni a, kha kha Grant-in-Aid-a pek a nih bakah khian Medical treatment chu tih nghal vek a ni tho tho tih kha ka'n sawifiah duh a.

Tin, Member zahawm tak ten engmah harsatna awm lova han ti tur khan min duh a, lawmawm ka ti khawp mai. Ka huphurh khawp mai a, kan Finance Minister ten hetiang ang thil hi an lo ti tawh thin a, kan lo ngaih pawimawh pui teh chiam lo thin a, han tih ve pawh ka thiam vak lova. Member zahawm tak ten ngaihnathiamna in lo nei thin a, lawmawm ka ti khawp mai.

Tuna kan Supplementary Demand hi 2010-2011, Budget pharh naah khan kan rawn pharh tawh a. Tichuan kumin 2009-2010 Budget Estimate-a tel ve lo, am'arawhchu hman ngai si, kan lo hman tawhte kha han regularize-na ang a ni mai a. Tichuan, chumi atan chuan Rs.642.81 crores hi Supplementary Demand for Grants atan hian kan han chhawpchuak kha a ni a. Tichuan, Supplementary Demand for Grants-a sum ruahmanna hi Member ten kan hriat a tulin ka ring a. Chutah chuan Annual Plan Scheme ah hian Rs.167.26 a ni a, Non-Plan ah Rs.335.15 crores a ni a. Centrally Sponsored Scheme (CSS) ah hian Rs.104.38 crores a ni a, Non-Lapsable Central Pool of Resources (NLCPR) ah Rs.12.58 crores a ni bawk a. Tin, North Eastern Area (NEC) ah Rs.23.44 crores a ni a. A vaiin nichina kan sawi tawh ang khan Rs.642.81 crores a ni. Heng sum mamawh belh te hi Rs.642.81 crores pharh chhungah hian Department thenkhat atanga Department danga sum va siamremna kha a awm a. Chu chu Rs.162.07 crores a ni a. Budget Estimate 2009-2010 ah sum dah tawh bak mamawh belh dik tak chu Rs.480.74 crores a ni e.

A hmaa kan sawi tawh ang khan heng sum, Supplementary Demand for Grants ah Rs.642.81 crores ah hian vote ngai lo charge expenditure kan tih, heng Assembly-a thenkhat te, Governor-a thenkhat te leh khatiang ang kha a awm a. Chu chu Rs.159.35 crores a ni a. House pawmpuia vote pui turin crore 483.46 rawn pharh a ni a. Chutih lai chuan sum hman phalna tura Chahbi Appropriation Bill erawh chuan Supplementary Demand for Grants pumpui crore 642.81 hi ruahman a ni a. Hei hi Member zahawm tak ten min pawmpui turin ka han dil a ni e.

S P E A K E R : Minister zahawm takin Supplementary Demand 2009-2010 pass a rawn dil a. Remti apiangin 'Remti' ti ula, remti lo kan awm em? Awm lo maw, a lawmawm e. Supplementary Demand 2009-2010 chu House-in lungrual takin a pass ta a ni.

Tunah Supplementary Demand kan han pass ta a, hman phalna Pu R. Lalzirliana, Minister-in 'The Mizoram Appropriation No.1 Bill, 2010' hi House ah Introduce i rawn dil a ngai. Tunah khan pass i rawn dil tawhin ka hre na a, mahse Introduce i rawn dil a ngai a ni.

Pu R. LALZIRLIANA, MINISTER : Pu Speaker, 'The Mizoram Appropriation Bill No.1, 2010' hi House ah Introduce ka han dil e.

S P E A K E R : Introduce a rawn dil a, kan phal mai em? Rawn Introduce sela, ngaihtuaha sawiho turin rawn move sela. A copy kha Member an la sem na che u nge? (Pu R. Lalzirliana : Sem tawh e) E, Introduce rawn dil rawh, kan sem tawh a nih chu. (Pu R. Lalzirliana : Ka rawn dil tawh e, Pu Speaker). E, dil tawh maw? Member te kha han sem rawh u le. Kha kha i rawn Introduce a ngai a nih chu, rawn sem mai rawh tikhan.

Pu R. LALZIRLIANA, MINISTER : Pu Speaker, 'The Mizoram Appropriation Bill No.1, 2010 hi House zahawm takah hian ka rawn Introduce e.

S P E A K E R : Le, han sem rawh u le. Nia, kan tisuat tampui lovang. Hei hi a ni mai a, sawiho tak tak ngai chuang pawh a ni lova. Chuvang chuan pass rawn dil nghal se a tha ang e.

Pu R. LALZIRLIANA, MINISTER : Pu Speaker, tunah khan kan rawn sawi tawh a. Supplementary atana pawisa tul a kha, chumia hman theihna tur Appropriation Bill a kha a ni a, a Chahbi a ni ber ang chu. Pawisa hman theihna Chahbi chutiang ang chu min pass pui turin ka rawn dil a ni. 'The Mizoram Appropriation No.1 Bill, 2010 hi House zahawm tak hian min pass pui turin ka rawn dil e.

S P E A K E R : Tunah chuan 'The Mizoram Appropriation No.1 Bill, 2010 Supplementary Demand a ni. Pass remti apiangin 'Remti' ti ula, remti lo kan awm chuan 'Remti lo' ti rawh u. Remti lo kan awm lo. 'The Mizoram Appropriation No.1 Bill, 2010 chu House-in lungruat takin a passed a ni.

Pu R. LALZIRLIANA, MINISTER : Pu Speaker, ka lawm e.

S P E A K E R : Tunah Financial Business-ah kan kal ang a. Annual Budget 2010, 2011 kan Chief Minister zahawm tak Pu Lal Thanhawla, Finance changtuin ni 19.3.2010 (Zirtawpni)-a House-a a rawn pharh tak a kha, a zir nan ni 2 aia tlem lo kan in pe a. General Discussion kan nei dawn tawh ang a. Kan Session Calendar-ah khan, hemi General Discussion atan hian ni 2 kan dah a, ama'rawhchu, kan hun a kal viau ta a.

Tin, dar 4:00 p.m - a bang tur kan ni tih kha hria ila. Tin, naktukah a wind up tu khan darkar chanve vel (a lo berah) a la turah ngai ila. Dar 3:15 p.m thleng sawihona nei thei turah inngai ta ila. Tichuan, General Discussion atan ni 2 han tih khan, Member tan minute 10 nge minute 15 kan inpek ang? Minute 15 a tam lutuk em? Minute 10 a tawh ang an ti a, heti lam atangin tawh kan ti mai em? Nge General Discussion kha a ni a, kan House Leader Budget Speech kha a chhah lenglawng viau mai a.

Dr. R. LALTHANGLIANA : Pu Speaker, ni 2 a ni bawh a, minute 15 kha a remchan loh pawn minute 10 kha ti ta ila. Engemaw thilah khata tang khan i control thiam tho a, minute 2 bawh vel kha chu Member tinte kha pek belh leh theih ni ta sela. Engemaw laklawh tak hi kan nei thei a. Thenkhat

erawh chuan minute 10 kha kan hmang lo thei bawk a. Khata tang khan i tih thiam riau thin kha a, a tha mai lawm ni ?

S P E A K E R : A nih chuan, minute 10 duh tawk ila. Minute 1 vel la awmin emaw, bell kha han ti ri ta ila. Tih tawi thiam kha tum ila. Chuta la tul ngang erawh chu inngaihnathiam ni sela. Opposition Group Leader te erawh chu Member pangngai te ai chuan hun kan pek rei deuh thin kha. Heti lai kan la khawpkham loh leh Demand-wise in kan la sawi dawn a. Chungah chuan hun pawh kan la nei zel turah ngai ila. Tunah sawihona tan dawn mai ilangin. Tunge han sawi hmasa dawn le ? Budget General Discussion sawi chak vak kan awm na nge ? Han sawi ru le, kan ngawi vung vung mai a. Pu Nihara kha a sawi dawn emaw ka ti a, a tho ta daih bawk si a. Sawi tur kan awm lo em ni ? Pu Rina pawh a sawi dawn emaw ka ti a. In in sawi pawp leh laklawh si ang a, nakinah khan. Tunge sawi hmasa dawn ? Pu Nirupam Chakma i lo sawm ang.

Pu NIRUPAM CHAKMA : Pu Speaker, ka lawm e. Hei 2010-2011-a Financial kuma kan hman tur Budget hi, kan Finance Minister zahawm tak, kan Chief Minister ni bawkin Plan figure kha la final loh a nih avangin, last year figure angin kan siam e, a ti a. Chuvang chuan tuna Plan hi hetia siam bak kha additional lo kal tur a la nih avangin sorkar hmalak dan tur te chu Budget a tharin a lang vak lo a, amaherawhchu, last year achievement enin sorkar kal dan hi strategy neiin a kal a ni tih kha ka sawi duh a ni. Tin, kan priority sector hi NLUP, kan Flagship Programme number one-a dah hi lawmawm ka ti a.

Pu Speaker, General Discussion a ni a. Ka sawi duh pakhat chu Planning & Finance Department hi enfiah a ngai a ni. An hnathawh hi hei aia chak leh zualin thawh a ngai. Entirnan – kan sum hman dan hi ‘last minute rush’ kan sawi thin kha, hei hi awm lo se Fund hi quarter tinah hman sak se a tha a ni. Fund release loh kha engemaw zat chu tun thleng pawhin a awm mai thei a. Chuvangin, achievement tak tak kan duh a nih chuan fund release chak a ngai a, hman thiam te pawh a ngai a. Chutilo chu last minute-ah fund an release ang a, tha mang lovin hnathawh hi a chhuak thin ang tih a hlauhawm a ni. Chuvang chuan, Finance Department hi, hei Computer Age a ni a, hnathawh hi a harsa vak lo a ni. Documentation tha takin an siam ang a, fund awmdan te, fund hman dan te, Department tina hman dan kha track a harsa vak lo a ni, tunhma ngaihtuah chuan. Chuvang chuan, Department-in quarterly-in report an pe a, fund release chungchangah problem siam lo se ka duh a ni.

Hei Planning hi mumal deuhin siam a ngai. Chumi Planning siam tur chuan Department tinah kum tinin Plan an siam a, amaherawhchu, an siam hun kha tlai ka ti, advance-in Plan kha siam tan se. Department Officer hrang hrang te, District level ah te, Sub-Division level ah te kal chhuak vekin, an Department awmdan te zir sela. Chuta hnathawh tur te pawh enge ka hmalakna tur te a hre thei ang a, an Plan te a fuh ang. Khatiang a nih loh chuan entirnan

– Parva te, Damdep ah te kan bial lamah te chuan Officer hi an kal mang lo a ni, tunah mai nilo, hman atangin a ni a. Enge kan dinhmun an hre tur a ni Officer te hian, kan sawi bak chu an hre lo. Chuvang chuan hei, kan hman dan hi kan hmang a, a tha a. Mahse Judiciously hman a ngai a ni. Chungte chu ka'n sawi hmasa duh a.

Tin, Planning Board te pawh hi strengthen a ngai a. Tuna kan Planning Board te pawh, Chairman leh Secretary bak a dang kan mamawh a ni. Pu Speaker, Planning Board a mumal loh chuan sorkar Plan hi a mumal thei lo a ni. Hei aiin chak leh zualin ti thei ila chuan kan sorkar hi a la chak viau ang. Chuvang chuan Plan Fund hman dan te, Non-Plan Fund hman dan te, Mizoram Government Budget pumpui hi. State sorkar ah hi chuan pawisa release mai a ni a, pawisa release tu a ni a. Ama'rawhchu, pawisa hman te hi Director level ah te, Division level ah te, Sub-Division level field lamah te ka hmang a. Chuvangin, supervision lam kha tha deuhin, hei aia tha hian tih a ngai a. Chuti a nih loh chuan kan pawisa hman dan chungchang te hi nakinah kan la ngaimawh leh si ang a, corruption kan duh si lova. Corruption awm theih loh nan pawisa hman dik theih nan supervision hi a that a ngai.

Entirnan – hei Education chungchangah te pawh khan inspection hi a awm that loh chuan zirna te pawh hi a kal sual thei a ni. Inspection chak leh tha awmna apiangah School pawh a tha ang. Kan bialah kum engemaw zat Parva High School hi inspection an nei ngai lo emaw ni chu aw! ka ti a. Bench te leh thildang engmah a awm bawk si lova. Keima MLA Fund atangin ka pe tawp a. An seal te pawh “Sazu in a ei” tiin ka hnenah an report a. Chuvang chuan hei tun sorkar ah chuan he khua hi an vanneih ka beisei a, Fund te pawh tlem kan nei ve a. An furniture tur te pawh MLA fund atangin tunah hian ka tih sak a. Chuvang chuan Pu Speaker, inspection a kal lo reng reng tih kha a chiang a ni. Chutiang bawkin District Office te, kan Sub-Division Office te tunah ka sawi vek thei lova. Mahse, Chawngte Sub-Division hman atangin a awmdan chu kan hria a, Office thenkhat te chu ka sawi thin a.

Entirnan - Industrial Sub-Division hi a hming chauh, tunah a hma aia tha turin kan ti a. Kum 10 chhungin khawiah nge ? Officer te pawh khawiah nge ? Staff te pawh khawiah nge ? Heng ang ho hi an awm. Chuvang chuan Aizawl ringawt hi Mizoram a ni lo tih kan hriat a ngai. District hrang hrang pawh develop a ngai a ni, Sub-Division hrang hrang pawh. Chutiang a nih chuan Mizoram sorkar hnuaiia Officer te hi Secretary level chin chunglamah a kai hunin engzat nge awm ? Hmanni ah pawh Home Secretary-in border a tlawh a, Parva thlengin a kal a, mipuiin an lawm lutuk, keini pawh kan lawm. Pu Malsawma hian a fang chhuak vek a, mipui pawh an lawm, pangpar te nen an hmuak a ni. Chuvang chuan Secretary te, Director te pawh tun laiin zin tam a ngai, first hand experience a ngai. Chutah chuan thawh dan turte an hria ang. Office-ah file khawihin Dawhkan atangin Mizoram Plan hnathawh chu a harsa viau ang, an tifuh lovang. Chuvang chuan Pu Speaker sawi tur tam tak a awm chungin hei kan sorkar kal dan chu Budget Speech ah pawh a sawi a. Governor's Speech ah pawh a chiang a. Policy Plan leh Policy Manifesto zul zuiin kan kal a. Nakinah a rah chu a chhuak mai turah kan ngai a. NLUP pawh

kumin ah a rang thei ang bera pek theih keima mimal chuan ka duh a. Minister pawh nasa taka tan la turin ka request duh a ni. Pu Speaker, hei hi ka sawi theih tawh nise. Nakinah Demand sawi hunah detail-in kan sawi mai ang. Ka lawm e.

S P E A K E R : A lawmawm e. Tunge sawi leh dawn. Pu Lalthansanga i lo sawm ang.

Pu LALTHANSANGA : Pu Speaker, ka lawm e. Hei kumin session lain chhiat te kan han tawh a, rilruah concentration a pek tam theih vak lova.

Hei kumin kan Budget 2010-2011 a tlangpui hi han en ila, a inang deuh tlangpui a. Chumi rual chuan hei Department 18 velah hian a kiam lampang hian kan kal a. Planning Programme-ah hian nuai 9859.23-in a pung a. Finance-ah hian nuai 5697.08-in. Tichuan, School Education-ah te tiang khan an pung deuh hlawih hlawih mai a, UD&PA ah pawh hian a pung deuh a. A tlangpuiin a dangah hi chuan a kiam deuh te pawh a ni deuh zel a, Art & Culture ah thleng mai hian an kiam a. Hei Art & Culture Department hian achievement ropui tak kan nei niin ka hria a. World Record – Cheraw ah te kan han nei a, a lawmawm hle mai a. Chutiang chuan kan Budget hi a size chu a ngai ni mahsela, a location-ah hian tlem tlem hi a dang deuh a. Chuvang chuan keini pawhin Resolution-ah khan ‘Keimahnih tawnga kan Acts leh Rules te pawh hi dah nise’ tih pawh kha kan han ti a ni a.

A bikin Art & Culture ah te pawh hian kan tawng leh kan culture hi a inthlung thui em em a. Chutiang chuan hetiang lampangah te pawh hian kan tlahniam mai ang tih te pawh hi a hlauhawm a. Tin, hmanni ka bial Hriangtlang ah ka kalin Sakuh hmun te hi a awm a. Kuhsi hi a tam khawp a hetilai hmunah hian, zanah chuan a hlauhawm khawp mai a. Bak puk te pawh khi a awmin kan hria a. Khatiang angte pawh kha humhalh dan hi awm se. Tourist attraction atan te pawh hian a tha hle awm mang e, tih te ka rilruah a awm a.

Chutiang deuh hlek chuan hei kan ram dinhmun hi han en ta ila. 2010 January, ni 1 atang khan kan ramah hian thihna mak tak tak hi a lo thleng a. January ni 1 khan inawkhlum an awm a, ni 3 ah an awm a, ni 5 ah khan Haulawng daiah accident a awm bawh a. Khatiang khan thihna mak tak tak hian kan ram hi a rawn deng reng mai hi tun dinhmunah hian kan ram hi engnge ni ta ang aw! tih hi ka rilruah a awm a. Chu chuan ka rilru a khawih em em mai a. Heti lampangah hian Police te pawh hian kan ti tha hle mai a, kan ram tibuai chi misual leh enge maw dan lo anga che te pawh kan man rang ang reng hle nachung hian, hetiang hian kan Budget te pawh hi a lo tlahniam ang reng hle mai a.

Tin, PHE lampangah, keini bial angah te hi chuan kan mangang a, kan sawi ngun hle mai a, kan Minister te pawh kan hrilh a. Chutiangah te chuan Harvest Water Tank te pawh kan uar leh dawn tih te pawh a an rualin Pumping System te pawh tih ni sela, tiin rawtna te pawh kan han siam thin a. Amaherawhchu, sorkar hian hetiang lam hi tha a la ti a nih chuan kan harsatna hi a la ngai deuh reng dawn a nih hmel a. Rural Drinking Water Supply ah hian Rajasthan thlaler vela ram tan pawh nikhat ah 30 liters water supply an hmu tur a ni tih a ni a. Mihringah phei chuan 40 liters tih a ni a. Chutiang ang tak maia he Prime Minister Programme ah pawh ngaihpawimawh a nih lai si hian keimahni ah hian kan VIP mirethei kan tih te hi eng angin nge kan hmangaih a, eng angin nge kan tih aw! tih te pawh ka rilruah a awm a. Hei kan question hi vawiin niah te pawh a lo chhuak hman mang lova.

Fisheries chungchangah te pawh hian MFDBA ina Sangha dil tanpuina dil tur han tihah te pawh khan V/C pass te leh periodical pats ang te pawh kha a pawm leh theih mang si lova. Khatiang kha thil awmdan a ni a. Kan mirethei te Aizawl hmun emaw, Office va dawr thei lo pawh hi Revenue Department hian a hmunah kal chilhin, an hmuh theihna turin LSC siam dan a awm ang em? tih te pawh hi rilruah an awm deuh a.

Tin, Economic Survey Report-ah hian han en ta ila. Annual Plan 2009-2010 ah te pawh hian Annual Plan size-ah khan Rs.1250/- vaibelchhia a nih lai khan kan actual expenditure kha chu Rs.221.25 vaibelchhia chauh a ni ta a ni. Third quarter-a lo lang kha a ni a. April-December thla 9 chhung hian kan pawisa hman hi Rs.221.52 vaibelchhia a nih si chuan, chu chu 31 December 2009 a lo ni ta a. Chumi atanga zuk chhut a, 30 December 2009 atanga tun 31 March 2010 ah hian hemi thla 3 chhunga kan pawisa hman leh tur kha chu vaibelchhe sangkhat chuang a la ni leh ta a ni. Kha kha lo ni ta sela, hei hi kan ramah hian corruption loophole awmna lai ni hian kan sawi tam em em mai a. He House zahawm tak maia kan hruaitu hmasa te pawhin nasa taka an lo sawi a rehna tur atan pawh, a letter of credit (LOC) te pawh introduce hial a, tilai ah pawh an lo kalpui thin tawh te han ngaihtuah khan, kan kal dan hi a dang chuang lem em ni le aw! 'Change' kan tih hi a awm em? tih hi ngaihtuah a ngai a. Quality expenditure hi Mizoram hian kan la maintain lo reng reng tih hi a ti Chiang hle in a hriat theih a.

Tichuan, 4th quarter ah khati zat pawisa hman tur a la nih si chuan engtin nge niang? Quality expenditure a awm si loh chuan kan ramah hian kan kal dan hi chu thlak a van tha em. Chutiang zawnga kan kal reng a nih chuan a hmaa harsatna ang tho khan kan la harsa leh dawn a niang a. Chuvangin Planning leh Finance te pawh hian vawiin ah hian an kal dan leh an rel dan hi chu change ngai lai a awm ka ring a. Chumi suggestion pe tur chuan mithiam ka nilo baw k a, khati lai te kha kal dan pangngai leh tih dan thina kan lo neih culture ang maia kan lo dah tawh te pawh hi thlak ngai hlein ka hria a. Chutianga kan thlak thei a nih chuan a lawmawmin ka ring a. Hei Untied Fund ah pawh hian vaibelchhe 400 leh point 7 ang te a ni a. Hei hi Department-in a duh dana a hman tur a ni mai thei a. Tied Fund ah pawh cheng vaibelchhe 849.83 a awm a. Hetiang te hi chu a hmanna tur felsa ang deuh kha a ni mai

a. Chuvang chuan kan ram dinhmuna kan pachhiat dan han en te, nichina ka sawi ang kum 2009 liam ta sela kum 2010 ah chuan Lalpa malsawmna leh hun thar zawkah kan chuangkai kan tih ang khan, beiseina nena vawiin niah pawh hian keimahni ram hnuk nu pawnfen hnuai khawih Budget chungchang kan relah hian a la dang chuang si loh vang emaw ni ang. Kum 2009 pawha lo thleng mek mai, tunge ni Tuikuala ruang an hmuh tak te, December thla ami January ah kan hmuh tak ang te khan.

Chutiang deuh hleka zuk tiha kha kum 2009 leh 2010 te pawh hi khati khan a kal chho leh ta zel mai ni tein a hriat avang hian he kan Budget Speech ropui takah hian engemaw thil thar tam tak awm mahsela, hemi ruala ka ngaihpawimawh chu engati nge kan Social Evil hi kiam lam aiin pun lam hi a rawn pan ta a, chhiatna rapthlak tak tak a lo thleng a. Hei ka bialah te pawh nimin piah lawk pawh khan In a kang a, engmah chuh hman lovin. Thiak tlangah te, Lengah te, kan bialah te pawh chhiatna rapthlak tak tak kan han tawk a ni a.

Tin, thil pakhat helaia ka'n sawi duh chu PHE lam te pawhin Pumping System an han introduced naah hian Planning ah hian an tifuh tawk lo nge ni, ka hre lo. tunah khur thar pump tur ang te a ni ta a. Electric-in pump tur a ni ta a, PHE in a khawl pawh kha Lungdar Office ah chuan a thleng vek tawh a ni. Khami pump na tur atana L.T line extension han tih turah pawh khan engmah Budget tih si loh khan a khawl pawh kha tikhan a awm mai a ni. A chhia a nih loh chuan a bo ang tih hi kan hlau a ni. Electric Department te engemaw deposit te siam vein L.T line kha extension-in siam ta sela, chutiang chuan pump ni ta selangin tui a hnianghnar thei ang a, khaw thenawmte tan pawh tui hnianghnar kha a awm thei dawn a ni. Chuvang chuan Planning ah te hian tun aia uluk a, tun ai hian thahnem ngaia kan kal te pawh a tha hle mang e, tih te ka rilruah a awm deuh hlek a.

Tin, Motor vehicle ah te pawh hian kan chhiah (Tax) lak hi provision siam turte pawh kha a awm dawnin ka hria a. hetih laia kan motor han pun chak dan em em hi engemaw kan tih hi chu a ngai a ni. A tute pawh hian motor neih vek te pawh hi kan tum niin ka hria a. Kan Member pui zahawm takte pawh hi motor lova kal dante pawh hi ngaihtuah ila, Pu Laloo Yadav te pawh kha Cycle-in a kal a nia, a Chief Minister lai khan. Public Leader kan nihna angin kan introduced deuh hlek a, 'simple living high thinking' a kan rilru ngaihtuahna te pawh hi awm a, chuti zawnga kan kaihhrui a ngai hle pawhin ka hria a. Kan ram mipui rilru hi a materialist tawh lutuk a, engkim mai hi a tha leh mawi, a awlsam, hetiangka kan kal nasat lutuk hian kan ramah hian suicide te pawh hi a tam phah a ni ang em? Engati nge maw a lo tih leh rikngawt mai chu le, tih leh thin hi kan rilruah te pawh a awm tam a. Chutiang chuan Pu Speaker, i veilam amite hian ngenna te pawh eng eng emaw ni kan han sawi a, chu chu ka sawi theih tawk nise, ka lawm e.

S P E A K E R

: Pu S. Laldingliana i lo sawm ang.

Pu S. LALDINGLIANA : Pu Speaker, hei Budget hi a har khawp mai a, thiam ang tawk tawkin kan han zir ve nawk nawk a. Thil pathum lawmawm tak tak awmin ka hria a, chu chu han tarlang ta ila.

Pakhatna ah chuan kan Budget hi Budget thaa ka hriatna chhan chu hei hi a ni. Receipt Budget hi. Hei hi tunhmaa la awm ngai lo a ni a. Hetiang a nih hi chuan sorkar thil tum leh sorkar rilru hi a lang Chiang viau mai a. Sum hman ringawt tum lova, sum lakluh nih a tumna hi, he Receipt Budget hian tichiangan ka hria a.

Entirnan – Receipt Budget hi en ta ila. Hetah hian Head pakhat 00070 tih hi a awm a, Other Administrative Service tih hi a awm a. District tina D.C tena sum an lakluh tur te, Mizoram House hrang hrang tih te, Rest House hrang hrang tih te hi a awm a. Hetiang a nih hi chuan Resources Mobilisation kawngah he Receipt Budget hian min tanpui dawn niin ka hria a. Hei hi thil lawmawm tak tarlan tur niin ka hria a.

Tin, a pahnihna ah chuan Annual Plan Size hre lovin tunah hian Renewal Budget pharh a ni a. Pu Speaker, i veilam amite pawh khan an han sawisel deuh na a, mahse hei hi thil lawmawm tak niin ka hria. Kan Finance Minister experience neih that zia te, a huaisen zia te leh ram a hmangaih zia a tilangan ka hria a. Hei kan hriat theuh angin tun kum kal mek, 2009-2010 ah pawh tum hnih vote of account-in kan kal a. Chumi hnu October thla tawp dawn lamah Regular Budget hi kan pass thei chauh a ni a. Hemi avanga development work-a nasa taka harsatna kan tawh zia chu keiniho hi a hre Chiang tute kan ni a. Tin, chumi piah lamah chuan Regular Budget kan la neih theih loh avanga sorkar kum tawp dawn lamah Administrative approval expenditure sanction a in chhekkhawm a, khami avang kha sum tam tak a in chhekkhawm a. Chu chuan eirukna kawng nasa takin a hawng thin a ni. Chung zawng zawng chu he Receipt Budget avang hian kan pumpelh thei dawn ni hian ka hria a. Hei hi thil lawmawm tak, tarlan tlak niin ka hria a, ka'n sawi lang duh a ni, Pu Speaker.

Tin, a dang lehah chuan kan Budget ah hian, M.R kan ti mai ang a, sorkar hnathawkte Medical Re-imburement chungchang hi dah lan a ni a. Hei hi hun hmasa lamah kha chuan a awm ngai lova. A chhan chu Finance Department lam tanga Centralised niin, quarterly base-in pawisa release a ni thin a. Sorkar hnathawkte leh an chhugte hian damlohna, manganna tak tak lo tawk pawh ni sela, rang takin sum a lak theih loh thin a, harsatna tam tak an tawk a ni. Tunah erawh chuan hei decentralized a ni ta a. Chutiang a lo nih tak si ah chuan sorkar hnathawkte leh an chhugte, damlohna avanga harsatna tawk te lo awm ta sela, awlsam takin mahni Department atang khan sum an la thei ang a, an enkawl thei tawh dawn a. Chu chu ka rawn tarlang duh hrim hrim a ni. Tin, Pu Speaker, kan Finance Minister zahawm tak Budget Speech kha kan en chuan thil sawi tur tam tak a awm theiin ka hria a. A tlangpui ka'n sawi pawr pawr ang a.

Pakhatna ah chuan NLUP chungchang thu kha a ni a. NLUP chu kan hre theuh a. Sorkarin kan ngaih pawimawh ber, kan priority No.1 a ni kan ti a. Kha kha a rawn sawi nawn leh chiah chiah a. Hemi chungchang thua tlem han sawi zau deuh ka duh chu, mi tam takin engati nge tun thlenga NLUP sem a la nih loh, Congress sorkar hian sem hi a tum tak tak lo em ni? Sum a nei lo em ni? tih te a awm thin a. A bik takin keini a programme neitu, a policy neitu te ai hian Pu Speaker, i veilam amite hi an hmanhmawh fo thinin ka hria a. Hemi chungchang thua hi chuan a programme neitu kan nih ang hian a hun takah, dik takin, hlawhtling ngei ngei turin kan rawn sem mai dawn a ni, tih kha kan sawi duh a ni.

Tin, hmanni khan sawi chhuah a awm tawh a Pu Speaker, Rs.2/-peka nuaikhat lak tih kha – kha kha kan sawi dan hi a ni ngai lo reng reng a. Keini chuan kan tum dan zawk, sorkarin a tum dan zawkah chuan he NLUP hmang hian a tul a nih chuan nuaikhat pawh a ni ang, a tul a nih phei chuan a aia tam pawh a ni ang. Mi harsa leh mirethei te, mahnia dingchhuak ve thei tawh lo te, khangte kha lei rawn rah tir a, khaweng hmuh tir kha sorkarin a tum mai zawk a ni.

Tin, a tlaina chhan pawh hi thil dang ni lovin, a hlawhtling lo palh ang tih hi sorkarin a hlauh avangin engemaw siam that leh ngai te, siam rem leh ngaite kha a awm avang khan tunah hian kan muang deuh hlek mai a ni, tih kha ka'n tarlang duh hrim hrim a ni.

Tin, hei Externally Aided Project tih te kha a awm a. hemi chungchang thua pawh hian sawi tur tam tak a awm a, mahse han tarlan chak awm deuh mai chu – He project hmang hian Aizawl khawpui kan harsatna em em tui chungchang te pawh keimahni Budget ei hek lovin, kum thum chhungin hei hi siam fel a ni dawn a ni, tih kha kan Budget Speech ah khan tarlan a ni a, hei hi thil lawmawm tak a ni a.

Tin, Power chungchang thua pawh hian sawi tur tam tak Pu Speaker, a awm a. Hei, thil nuihzatthlak ang reng tak chu – kan hnung lawkah khan MNF Unaute khan Mombati te kha an han sem a. Hei hi thil tul niin ka hre lova, mipui hi kan hmangaih tak tak a nih chuan tang tlang ilangin, kan ramin Power-a kan intodelh theihna tura sorkarin hma a lak mekna te hi thawk tlang ilangin, thil lo tih tawh in chhonzawm sak hi a pawimawh kan ti bawk a. Tunah hian Congress Party-in sorkarna a chelh mek a, Power chungchang thua hian he Party hian ram tan hmalak a tum tih te pawh hi ngun takin min thlir pui ta sela. Tunah hian nikum kan Budget Speech kan thlir let chuan kum 6/7 chhungin Mizoram hian Power-ah a intodelh chang pawh ni lovin, surplus a nei dawn a ni, tih kha kan Finance Minister zahawm tak Speech-ah khan a lang tawh a ni. Chumi bawhzui zel chuan tunah hian Tuivai – Megawatt 210 pe chhuak thei tur te, Kolodyn – 410 M.W pe chhuak thei tur te. Heng zawng zawngah hian kan sorkar hian chak takin hma a la mek a ni. Hei hi thil lawmawm tak a ni. Keini phei chu Pu Speaker, ka bial hi bial chhengchhe tak a ni a, hmun tam takah Electric eng hi an la chhi thei ve lo a ni. Chuvang chuan a nghahhlelawm hlein ka hria a.

Sports infrastructure chungchang hi tarlan loh theih niin ka hre lova. Kan sorkar hian kan thalaite talent hi a hre chiang a, kan House Leader zahawm tak hian a sawi thin a, kan thalaite hian chochhuah tham talent an nei a ni. Chumi bawhzui chuan kan Sports Minister chak tak nen hian hma an la dun ta a. Tunah Rajiv Gandhi Sports Stadium lungphum kan phum a, hna a kal ta mup mup mai a ni a. Kan thalaite tan chuan lawmna tur hlir niin ka hria.

Tin, chu chauh chu ni lovin ka'n tarlan chak em em mai chu kan Larsap zahawm tak thusawiah khan, he sorkar hi mipui hmaa a intiam ang chiahin Manifesto tihlawhtling chho zelin hma a la a ni, a tih kha a lawmawm hlein ka hria. Chumi dung zui zel chuan thalaite tan khawvel thar kan siam dawn a ni, tia kan lo intiam ang ngei khan kan Sports Minister chak takin hma an la chho ta a. Rajiv Gandhi Stadium te pawh tunah a riruung an hmuh chhoh theih ta a. Hei chauh hi a ni lo Pu Speaker, Lunglei lam Zobawk ah sawn State Sports Academy siam turin nuai vaibelchhe 34 hmanna tur ruahmanna tunah hian a kal mup mup tawh a ni.

Tin, khawthlang lam hmun hrang hrangah, Football Academy te, Hockey Academy te hawn a lo ni ta a. Hetiang hian kan sorkar hian mipui tan, kan thalaite tan a intiam ang ngei khan hma chak takin a la a ni.

Pu Speaker, a tawp bera ka'n tarlan duh chu – Trade & Commerce chungchang thu hi a ni a. Kan hriat angin India leh Myanmar sorkarin awmze neia in sumdawn tawna turin hma chak taka lak a ni a. Kum 2007 tawh khan Zokhawthar Land Custom Station hi sorkar kutah hlan a ni tawh a. Tunah hian Commission a la ni lova, Commission theih turin tunah hian ruahmanna engkim siam tawh a ni. Chuvangin sorkar hian nasa takin hma a la a, a tih tur zawng zawngte tiin tunah hian Border Trade kan tih Zokhawthar, composite LCS te pawh hi commissioned theih turin a chhawpchuak tawh a ni.

Tin, chu chauh nilovin Pu Speaker, chhim lampang tan pheih chuan thil lawmawm tak mai Bangladesh nena kan insumdawn tawn theihna turin tunah hian sorkarin chak takin hma a la a. Political level-ah chuan engkim tihfel a ni tawh a. Helamah India side-ah Kawrpuichhuah, Mizoram ah sawn tunah hian Integrated Check Post siamna turin hma lak mek a ni a. Tin, lawmawm takin Bangladesh sorkarin tunhma zawng zawnga an duh ngai loh, security problems avanga an duh ngai reng reng loh kha tunah chuan Political level-ah Thekamukh-ah ICP kan sa dawn a ni, an han ti ta a. Hmanni lawkah lawmawm takin kan Minister zahawm tak Pu Lalrinlana zuiin Dhaka-ah te pawh kan zu kal a. Prime Minister te hmu in, chumi piah lamah Chittagong Hill Tracts Affairs Minister te kan zu hmu a. Khatiang khan tunah hian ruahmanna chak takin a kal a. Heng zawng zawngte hi tihhlawhtlin a lo nih hunah chuan helaiah Zoram kawtchhuah kan tih fo thin, Silchar te pawh chhim lamah kan sawn pheih thei dawn niin ka hria a. Hetianga hmalakna a awm chho mek hi Pu Speaker, lawmawm hlein ka hria a. Chutiang chuan he Budget Speech atanga en pawh hian thil dang tam tak pawh sawi tur a awm a ni. Engpawhnise, a tawi zawngin kan Budget hi Budget tha tak niin ka hria, sawi tam vak ngai lo hian kan pass thei mai lawm ni, ka ti a ni. Pu Speaker, ka lawm e.

S P E A K E R : A lawmawm e. Tunge han sawi leh dawn le? In reh vung vung mai em ni? Wind up turin Minister kan sawm tawh mai dawn em ni? Tunge sawi dawn? Ding vat rawh u khai. Tunge sawi leh ang? Pu C. Ramhluna i lo sawm ang.

Pu C. RAMHLUNA : Pu Speaker, ka lawm e. Tlem han sawi ka'n tum ang a, inbuatsaihna ka nei tha thei lova.

A hmasa bera ka sawi duh chu Salary chungchang thu kha a ni a. Salaries-ah khan kan hmuh danin 10% increase-in an dah a. A pumpui ah chuan 30% increase angin a lang a. Chumi chu 6th Pay Revision-a Salary Component-ah requirement kha admit thei tura an beisei kha a ni a. Mahse, hei hi tih tak tak tumna a awm lo em aw, ka ti a. Hemi 6th Pay Commission Revision hi an hmang dawn tak tak a nih chuan 200% to 300% increase deuh vek a ni a. Chuvang chuan 30% increase emaw-a an lo dah hian engti kawng mahin an pay requirement hi a meet pha dawnin a lang lo tlatin ka hria a. Chuvangin kan sorkar hian 6th Pay Commission Recommendation hi tunah hian tih hlawhtlin an tum lo deuh emaw tih ngaihdaan ka nei deuh a. Khalai kha ka han sawi duh a. Tum tak tak nise chuan hei aia sang hi chu dah a tul dawn tih kha a chiangin ka hria a.

A dang lehah chuan nichina ka sawi kha Contingency Fund kha han belh leh lawk ka duh a. Contingency Fund hi kan Rules 7-ah khan kan en chuan Contingency Fund hi pek chhuah a nih chuan vote 2 an siam ang a, pakhat chu cheng chutiang zat chu Contingency Fund atan an rulh leh atan a ngai dawn a ni e, tih leh a pahnihna ah chuan scheme thar a nih chuan vote an siam hnuah pek chhuah a ni ang a. Chu chu a hma thei ang berin Legislative-ah an present tur a ni e, tih a ni a. Hei hi tun tumah hian Supplementary Demand a ni rawn tih a hi, tihfak hi a awm miah lova. Chuvangin kan Rules, Contingency Fund Rule hi an palzut deuh hleka hriatna ka nei a.

Tin, 7 crore an lo exceed-na a kha khawiah mah khan an reflect si lova, AFS-ah te khan. Budget a hi a chiang lo riau a hriatna ka nei a. Tin, Pu Speaker, Consolidated Sinking Fund hi kan Finance Minister khan a Speech-ah khan 16.50 crore hi kan dah ang tiin a sawi a. Mahse, hemi Annual Financial Statement-ah hian 16 crore chauh kha an dah si a. Hei hi a Statement leh AFS-a an dah a hi a in tally lo tlat a. Hemi Consolidated Sinking Fund a hi thil tul tak kha a ni a. Hei hi Reserved Fund a hi kan sorkarin a tul anga a hman tura a tih kha a ni a. Chuvang chuan helai in tally lo a hi min han hrilhfiyah theih chuan engvanga khatianga lo awm ta nge a ni? "I propose" a tih kha a proposal ang lo deuh khan dah a lo ni ta emaw ni aw! tih kha ka'n sawi chhuak duh a. Chu chu kan Finance Minister zahawm tak khan a wind-up naah khan min han hrilhfiyah thei sela, a thain ka hria a.

Tin, a dang lehah chuan Pu Speaker, tun tumah hian Performance Budget tha deuh mai, nangmahina thahnemngai taka i tih chhoh zel avanga an lo buatsaih hi min lo pe a, a lawmawm hlein ka hria a. Ka chhiar a, a

lawmawm khawpin ka hria a. Tin, Department hrang hrangina an thil tum leh an hnathawh dan pawh kha chiang tak khan an rawn tilang a, a detail chuan tun tumah chuan engmah sawi tur pawh awmin ka ring lo a. A chhan chu General Budget Session a nih avangin. Nimahsela, ka sawi duh chu hemi Performance Budget hi improvement nasa takin nikum atang kha chuan a awm niin ka hria a, a lawmawm ka ti khawp mai a. Mahse thil pakhat kan enchianin thil felhlel deuh a awmin ka hria a, entirnan – Agriculture Department hnathawh kha en ta ilangin, page 97-109-ah khan en ta ila, column 7&8 hi inhnaih deuhin an siam a, column 7 hi 2009-2010 tih kha a ni a, column 8 hi propose out lay of 2010 & 2011 tih kha a ni a. Column 9-ah remark column a awm a, remark column hi helaiiah hian engmah ziah kha a awm lo a. Chu chu column 7-a out lay 2009 & 2010 lo lang figure an dah hi a achievement kha a awm tawh silo a. Khalai taka kha kan duh lai ber kha a ni a. Out lay ringawt kha chu kan interest tho nain, kha kha engmah a indicate vak lova, Performance Budget a nih avangin performance leh achievement-a kha a next column-ah khan an awm ang a. Tichuan a piahah khan remark column-ah khan a short fall a awm a nih chuan reason for shortfall, percentage of shortfall te, a requirement kha lang leh tur kha a ni a. Chuvang chuan kan Performance Budget Pu Speaker, thahnemngai taka tih khan kan en vang vang hian chuti tehchiamin min zirtir lem tlat lo a ni. Department dang dang kan en pawh khan tiang deuh vek kha a ni a. Law and Judicial phei chu an uchuak deuh hlekin ka hria a. Phek 190-ah khan a langin ka hria a. 2011 leh 2012-a an target te kha a rawn tel vek mai a, engtin nge kha kha an hriat theih. Chuvang chuan Finance Department khan hei hi an enchiang lo deuh em ni aw! ka ti a. A hrim hrimah Performance Budget hi a tute mah hian kan la master lo deuh niin ka hria a, kei a sawitu ngei pawn ka master bik lova. Mahse han chhiar zau deuh chuan a lang deuh mai a. Chuvang chuan training hi pek that deuh hlek nita se, training atang khan engkim kha a hmuh chhuah theih bakah improvement tha zawk an neih theih kha a rinawmin ka hria a. Chu chu ka han tarlang duh bawk a.

Tin, Pu Speaker, thil lawmawm deuh pakhat chu kan Per Capita Income hi a tha ta viau mai a. Economic Survey en hian 2009-2010-a per capita income hi cheng 32634 a lo ni a. 2005-2006 atanga han chhut thlak hian a sang chho ta viau mai a, a lawmawm hlein ka hria a. 2006-2007-ah phei kha chuan Champhai leh Lawngtlai te kha a hniam pawl kan ni a. Tunah chuan chawhrualin kan sang chho ta viau mai a, 32634 kan lo kai ta a. Chuvang chuan kan living condition te pawh hi tha deuh hlek turah ka ngai a. National level-ah chuan Rs.4379 a nih laia Mizoram per capita income cheng singthum leh sanghnih za sawmthum pali (Rs.32,134) ni ta hi a lawmawm hlein ka hria a. Mahse, helai takah hian Pu Speaker, thil han sawi ngai awmin ka hria a, a per capita hi chawh rualin hei hi kan ni mai a. Mahse, thingtlang leh khawpui hi chu a inthlau hle dawnin ka hria a. Kan bialte kan en a, cheng singthum leh sanghnih han hlauh pha tur mimal hi an vang hlein ka hria a. Chuvang chuan kan per capita income distribution hi a pawimawh hle zawkin ka hria a, khalai tak kha sorkar tha chuan a en tur niin ka ngai a ni.

Entirnan – kan society-ah hian 10% vel hi chuan an per capita income hi cheng nuaikhat vel te pawh a han hawl mai thei a, chuan another

10% te chuan 40,000 – 50,000 te pawh a han hawl mai thei a. Mahse langin a tam zawk 60%-70% te hi chuan engti kawng mahin singthum leh sanghnih te hi chu kan per capita income hi a ni pha lo hrim hrimin ka hria a. Helai taka hi sorkar hian a en ngun a ngai hlein ka hria a. Aizawl khawpuiah mi an that viau laiin, thingtlangah te chuan tunah hian mi'n kut an dawh a ni ringawt a. A hmasa lama kan sawi tak ang khan kan sorkar hian mipuite thatna tur atan, miretheite tan sorkar kan siam e, kan tih lai si hian vawiinah hian enchiang ta ang ila, Zoram ah hian mipui, miretheite sorkar hi a la piang na nge aw! tih turin a awm tlat a ni. Kan sawi tak ang khan tui a awm lo a, light a awm lo a, kawng hi a chhe em em reng a, siamthat a ni lova vawiin ni thlengin.

Health Care Scheme ni sela, Health Care Scheme siam a la ni bawk si lo a, mipuiin vawiin ni thleng hian an la tuar a, chu chu kan dinhmun a ni a. Chuvang chuan kan sorkar hian hetiang zawng hian kan per capita income distribution hi chiang taka a en a, kal tha tur chuan khatiang zawnga hma a laka tan a khawh hi a tul hlein ka hria a.

Tin, pakhat lehah chuan ka'n sawi leh duh chu Pu Speaker, Taxes on Land Revenue hi, nichinah khan an sawi a. Deficit Budget kan siam a, 200 lakhs hi Land Revenue atan collect kan niin kan hria a. Mizoram ah hian chhungkua 1,20,000 vel awmah lo chhut ta ang ila, tunah hian chhungkaw pakhat atanga Rs.150 average ang a ni ta chauh mai a. Hei hi chiang deuh hleka en a, kan Land Revenue atang hian kan income hi kan tisang thei niin ka hria a.

Tin, Land Use Policy-ah khan nikumah 100 crore kan dah a, hei hi kan sawi lo thei lova. A chhan chu, thingtlangah kalin an lo sawi lo thei lo bawk si a. Chuvang chuan keini pawhin kan beng kan chhu ngawng thei bik lova. Mak ka tih chu, 100 crore kan dah si lai khan Revised Estimate-ah hian 448 lakh chauh a lo lang ta a. 9552 lakh a kha khawiah nge hman a lo nih tak, Land Use Policy hi sem ni si lo khan. Vawiinni hian chengkhat mah sem loh kha a la ni a. Nimahse, he pawisa 9552 lakh hi hman a ni tlat tawh si hi khawiah nge hman a nih? (Speaker : A Demand puiah phei chuan a la rawn lang lo mai thei a ni) Tunah khan 50 lakh a rawn lang a, chu chu token a ni lehngal dawn a. Chuvang chuan NLUP kan Flagship Scheme kan ti a, Mizoram mipuiho kan nghah tir thuap si lai hian cheng nuaikhat kan sem dawn a ni emaw, nilo emaw thudang ni ta se, NLUP hrim hrim la sem si loh laia 100 crore kan pass tawh si, 9552 crore chauh Revised Estimate-ah lang si, 448 lo hman tak si a hi enge a chhan, tih kha ka han sawi duh a. Mipuiten hei hi an thlir thup si a. Helam pang atanga kan lo sawi ve a nih pawhin Mizoram programme, kan sorkar programme a nih avangin kan sawi lo thei lova, min lo hriatthiam pawh a thain ka'n hria a. Keini pawhin in tihhlawhtlin ngei pawh kan duhpui viau che u a, NLUP ngat phei hi chu. In ti thei a nih chuan lawmawmah pawh kan ngai a. Mahsela, engmah la tih hauh si hma a, Rs.448 lakh lo hman si, mipui kuta pakhat mah la lut silo laite pawh hi vawiin niah hian kan sorkar hian ngun zawka in in bihchian chu a van tul em, tih kha kan han ngaihtuah pui che u a ni. Thingtlangah kan han nghak thup a, kawng enge min tih tir dawn? an ti a. Thenkhat phei chuan lo an vat lova, an trade thlan

kha a la chiang thei bawk si lova. Khatiang khan dinhmun hrehawm deuhah thingtlang mipui hi an ding tlat a ni. Chu chu kan vaia kan mawhphurhna a ni tlat si a. Chuvang chuan Pu Speaker, helai a hi chu chianguang deuh hlek zawka kan ngaihtuah a thain ka hria a.

In fimkhur a, Ruling Party te pawh a lehlamah chuan a tha kan tihpui tho si che u lai hian, kan mipuite khawngaihthlak lutuk chhanchhuak turin vawiin niah hian Flagship Scheme hi in tan hma thei deuh lawm ni? Kan mipuite hovin kal ngaihna an hre tawh lova. Engtin nge kan kal ang a, engtin nge hma kan lak ang tih an hre lova. Chuvang chuan hrilhfiatu an mamawh a, ka bialah phei chuan mi pakhat a zu kal lauh lauh thin a, vau leh hauvin a zu ti a. Nangni chu kan thlang lo ang che u, min vote lo, tih vel mai maiin a zu sawi a, khatiang chite kha an ni a. Chuvangin NLUP ah hian politics hi thuk tak a in kaihhnawih dawn a nih chuan kan hlawhtling lo ang tih pawh ka hlau ang reng khawp mai. Dik chiah chuan, “Min tih hlawhtlin puitu turte hnenah chauh lo chuan kan pe lo ang”, an tih a te pawh hi society hi tunah hian kan then dawn niin a lang a. Min tihhlawhtlin puitu tur an tih a te chu tunah hian mi taima tihna ah keini chuan kan ngai a. Taima hote chauh a nih chuan midang zawng zawngte kha chu mi thatchhia an tihna ah keini chuan kan ngai a. Chuvangin mi thatchhe awmin an awm ang a, engmah ti thei lo dinhmuna ding angin an inngai dawn tlat. Chuvangin kan tawng tam tak hi kan fimkhur a ngai tlatin ka hria a ni. Min tihhlawhtlin puitu tur mi taima kan thlang dawn tih ah kan ngaihpuoi che u a, midang erawh chu mi thatchhia NLUP pek tlak loh in ni a nih hi, tih hi mipui ngaihdan a ni dawn tlatin ka hria a. Kan society-ah hian inthenna lianpuoi, khaw chungah pawh invuakna leh in tih khawlohna a awm mai dawnin ka hria a. Chu thil hlauhawm tak dinhmunah chuan kan society hi NLUP avang hian a ding mek tih kha kan hriat tlan a thain ka hria a. Chu chu ka’n sawi duh a ni e. Ka lawm e.

SPEAKER : Le, khi minute ruk vel chauh a awm tawh mai a. Han sawi duh hram kan awm em? Anih leh House thu thu a ni mai a, kan meeting-na atanah chuan dar 1:00 kha kan chawlh hun a ni a. Minute 5 emaw a la awm a. Chu chu House khanin a laklawh deuh bawk a, i chawl rih phawt mai ang u, kan ti em ni? House duh danin kan kal ang Chair duh dan ni lovin. Tichuan minute 5 a awm a, a laklawh deuh bawk a, thu sawi nan minute 10 hman tur kha kan lo ti tawh a. Chutiang a nih si chuan kan chawl rih ang a, kan tihdan pangngaiin dar 2:00 p.m ah discussion kan chhunzawm leh ang. The House is adjourned.

2:00 P.M**Afternoon Session**

DEPUTY SPEAKER : Kan discussion kan chhonzawm leh nghal mai ang a. Chawhma lamah khan hei pali chauhin an sawi a. Tlai lamah khan kan inchuh leh si ang a. Tunah Pu Lalduhawma i lo sawm ang.

Pu LALDUHAWMA : Pu Deputy Speaker, ka sawi tur hi kan House Leader hian ngun deuhin min lo ngaihthlak sak in min lo chhinchhiah sak se ka duh viau a.

Pakhatna ah chuan MLA Fund chungchang hi tawite ka'n sawi ang a. Hei Estimate hi Rs.30,000, Rs.50,000 tih te lek lek siam a ni thin. Tunhma zawng zawng khan a Estimate leh MLA Fund kan pek zat kha a inang chiah chiah ngai lova. NGO te a dawngtu an ni deuh ber a. Anmahni pawl sumte pawh khan an lo chhonzawm ve thin avangin Estimate lamah kan buai ngai lova. Tunah District dang ka hre lova, Aizawl District bikah chuan Rs.50,000 kan pe a nih chuan Estimate kha Rs.50,000 chiah chiah, chengkhat pawn a tlem in a tam tur a nilo a siam tur an ti a. Chutiang chiah a nih loh chuan a Estimate kha an pe let leh a, an siamthat tir leh thin a, chu chu sum senna a ni zel a. Kha kha tunhma pawhin kan ti ngai lova, kan pek aia a tlem kha chuan a dik lova, a tam lam kha chu pawl awm lo tak a ni a. Estimate ang zat chiah chiah khera thawh tur pawh a ni chuang lova, a dawngtute khan anmahni sum in an chhonzawm vein an belhchhah thei a ni.

Tin, Estimate hi hmana GPC kan thut tum khan sorkar hmasa hun lai khan, 'thil tlem tham a ni baw k a, J.E ten an siam hi a taw k e, E.E te countersign hi a tul lo a ni' tih kan pass thlap tawh a ni. Mahse, tunah hian pass loh ang mai in E.E countersigned kha a la ngai char char a, kan mite E.E countersigned tir tur in an vir buai an vir buai mai a, an khawngaihthlak a ni. A countersigned-tu khan engmah a hriatpui chuang lo, a sign ringawt mai a, thingpui in mante pawh pek ve a ngaih chang a awm a. Fund tlem tham atanga khatiang tih tih kha a tul ka ti lova, kan bial mipuite theuh an zangkhai dan hi ngaihthuah a, Estimate siamtuin a siam kha countersigned ngai tawh lo tur in tih nise ka duh baw k a.

Tin, Second Instalment pek dan hi tunah guideline thar a lo chhuah tak avangin MLA ten Utilization Certificate kan siam sak chuan a draw theih ta mai a, a awlsam ta a, a lawmawm a. Khati a nih chuan MR Bill phhuahchawp kan ti lo thei lo vang a, form seipui mai an khai haw tir duai duai mai leh buangbar tak maia a siam thiam an han ruai lehte hi a tihtawp theih lawm maw ni le! Contract te pawh mi'n an thaw k a, an thaw k sup sup a, MR Bill an hlam duai duai hleinem maw le, contract work ang kha a ni ve tho si a. Step siam te, eng eng emaw in sakte kha a ni ve tho mai a. Chuvang chuan MR Form hi pe tel tawh lo sela, a buaithlak lutuk a, a actual chuang si lova, phuahchawp veka tih a ni tho tho a. Thenkhatah chuan keimahni'n kan lo buaipui vek ang

tih Office lamin an lo buaipui vek a, pawisa inpek te a awm bawk a ni. Chuvangin heng hi a tawp theih nan MR Form hi pe tel tawh lo sela, an zo a nih chuan, “Hei an zo tawh e, pek leh tlak an ni e”, tih certified-tu turin certified kha a tawkah ngai ila tih ka’n rawt duh bawk a.

Tin, One percent (1%) hi cut tawh loh tur a ni kan ti a, guideline tharah pawh kan telh miah lova. Amaherawhchu, Order a chhuak a, an la cut tho mai a. Tun Financial year-ah hian kan guideline hi a rawn chhuak hman si a, tun Financial year hi chu huap lo se kan ti dawn nge ka hre lova. An cut dawn a nih chuan uniformly-in Mizoram pumpuiah cut sela, District thenkhata cut a, District thenkhata cut loh kha a dikin ka ring lova, khang te te kha mipuite harsatna tawh mek a ni a. Dik tak chuan One percent te mai pawh hi Rs.25,000/- a ni a, tuikhur kawng step te chu a la siam ve theih tlat a ni. A tlem naa a uihawm ve tho tho mai a ni.

A dawt lehah chuan Privatization hi tute pawhin kan ngaih pawimawh tlan a ni a. Hemi kawngah hian kan ramah hmalakna mumal a awm lova. Hun hmasa ah te pawh Bamboo lamah te tam tak project a awm a, hlawhtling hmuh tur a awm lova. Chutih lai chuan helamah ke kan pen a ngaih nasat bawk si avangin, Hnahlan leh Champhai-a Grape Growers te khi kan rama Privatization lama hma latu tur leh entawn tlaka kalpui theih tur kan neih chhun nia ka hriat avangin, hemi chungchang hi han luhchilh ka duh a. Kum 2003 atang khan Grapes hi Commercial purpose atan kan ramah kan lo ching tan a. MLTP Act avang khan harsatna engemaw chen an tawk a, an che hlei thei lova. 2007-ah MLTP Act (Amendment) Bill he House-ah hian kan passed tak atang erawh kha chuan harsatna a awm ta lova. An society khi self help group engemaw zatah in siamin, chu self help group mal te te tena Mizoram Rural Bank atanga an loan lak Rs.90 lakh chu society-ah vawm khawmin chu chu a tulah an hmang a.

Tin, MIP atang khan Rs.75 lakh pek a ni bawk a. Chung sumte leh a dangte atang chuan winery din hi tumin consultant te, mithiamte ruaiin sorkar atangin Nodal Officer te ruatin Department te pawhin an phur pui em em a. Tichuan, a building te an zo vek tawh a. Chawkidar te, Manager-cum-Chemist te tunah thlatin hlawh neiin an chhawr tawh a. Equipment chi hrang hrang 14 lai nuai za chuang zet man an lei tawh bawk a. Champhai hnuaiah khian Grape ching hi chhungkua 500 an awm a, Hnahlan ah khian 234 an awm a. Tunah khian chhungkua 734-in eizawn nan an hmang mek a ni. Mi tam tak inngahna a tling a ni, thil chikhat ah chuan. Kumin ah hian 8000 qtls. Thar turah an inngai a. A rah khi Kg-ah Rs.35/- in an leisak a. Wine an siam hnuah chuan Bottle 1, 750 ml. ang chi hi Rs.150/- zela hralh chhuah an tum a. A marketing pawh anmahni ruahman danah chuan a production bakah an inpeih thawkhat hlein an in hria a ni.

Chutianga hma la thei, a hlawkna pawh tem ve thei dawn tana an inhriat lai chuan sorkarin Future Wine kutah pek a tum nia hriatna a lo awm ta a. Tin, MIP sum an lo lakte pawh ACB chhui tir an ni ta a. Tichuan, tunah khian kal ngaihna hre lovin luhai takin an awm mek a ni. Sorkar hmasa hun lai thil a ni a, society-a thuneitute pawh party lamah chuan Ruling nilo, party dangte

pawh an lo tam deuh a ni thei e. Thenkhat khawlai ngaihdan ah chuan, Ruling mi leh sa nih loh vanga harsatna insiam tumna ang lek leka ti ti te pawh hriat tur a awm a. Chutiang zawng chuan kan sorkar hian ngaihtuahna a hmangin ka ring hauh lova. Chuvangin he society chanchin hi sawifiah ngaiin ka hria a. Ram hruaitu, vawiina Ruling lama mite pawh hian hrechiang hle se ka duh a. MIP sum nuai 75 an lak dan hi House hian hrechiang se ka duh a. He nuai 75 hi Promoters Equity anga an pek a ni, Order tawite a inziak a ni. Promoters Equity chu engnge a nih? Joint Venture a awm a ngai a, chutah chuan ka lo tel ve ang e, heti zat hi ka rawn thawh ve ang e, tihna tur kha a ni ta a ni, Equity chu. Hei hi ka share chanve a ni, hei hi loan angin, a pung chuti zatin, a nih loh pawhin grant lo hmang ve rawh u, tiin Joint Venture agreement fel tak a awm tur a ni. He MIP nuai 75 pek chungchangah hian share sawi a awm lova, interest sawi a awm lova, Joint Venture agreement pakhat mah a awm bawk lova, valid document a ni lo hrim hrim a ni. Nuai 75 MIP sum kha an pe ve ringawt mai a, a society-in kan pawm e, kan la ang e an tihna, an pawm ve na pawh engmah a awm lo reng reng a ni. Condition pakhat chiaah a in ziak a, Term loan an lak hnu thlathum ah he MIP sum hi an rul leh tur a ni tih kha a ni tawp mai a ni. Tichuan, society chuan theih tawpin Term loan chu lak an tum a, an bei char char a. Finance Department-in an dang bet leh tlat si a. An sual vang ni lovin sorkar zawkin a pe duh lo kha a ni leh bawk si a. Vawiin thleng hian term loan chu an la ta lova. Hei hi valid document ah pawh lo ngai ta teh reng ila, term loan an lak hma hi chuan rulh loh tur a ni a, an lak loh chatuan phei chuan chatuana rulh loh tur a ni tlat a ni. Chuvang chuan kha sum kha an hman dan engkim a fel a, an hmang tangkai a nih ve tho si chuan an mawhphurhna kha a awm lova. Helaiia Rural Bank atanga Self Help Group anga an pawisa puk te lah chu a dik takin an la rul ve thlap bawk si a. Chuvangin kha nuai 75 MIP sum an lo ei kha an nihlawh ni mai awm tak a ni. Thlathum hnuah pek kir leh tih pawh kha, aw kan remti e, an tihna document kha a awm lo reng reng. A petu in a pe ringawt mai a ni. Chuvang chuan thil a lo felhlel deuh hlek a, an vannei ah te pawh ngaih sak mai kha a thain ka hria.

Hetiang deuh hlek hian Zonun Mat Ply chungchangah pawh Rs.2 crore pek a ni. Interest sawi a awm si lova, Joint Venture agreement a awm bawk si lova. Zonun Mat Ply hian Rs.1 mah a pe let duh lova, interest sawi a awm si lova. Sorkar share ve tur chengkhat mah a pe duh bawk si lova, a Fanghmano ei mai dawn niin a lang tlat a ni. Chuvangin tumhnih kan tih sualna niin a lang a, siam that theih pawh a ni tawh lova. Mi Law Court ah te kal se, sorkar lam zawk hian thiamloh kan chang dawn niin a lang tlat mai a. Tunah Mizoram ah corporation tam tak kan nei a, profit kan beisei laiin an loss char char mai a. Chuti chung chuan zaidam takin, ngaihnathiam takin sorkar chuan Budget ah kum tinin an ta tur kan la dah tang tang a ni a. Chutih laiin Grape Society ten a rah an ei ve dawn tan chauh tih laia kan tihbuai chuan a dik ka ring lova, kan Privatization Scheme ah hian ke pen hmasa leh example atan hman tlaka siam theih niin ka hria a. Food Park kan ti a ni emaw, source dang engvang pawhin chhawmdawl a tanpui ta zawk chi niin ka hria.

Tin, Joint Venture-a kal hrim hrim te phei hi chu anmahni pawhin an hnialin ka ring lova, Company tha te pawh zawng sela, agreement te sign

pui rawh se, sorkar pawhin hriatpui rawh se. Amaherawhchu, zuk control lutuk tur a ni lova, hnamdang kuta dah pheih chuan min exploit lovang, tih te pawh a sawi theih tak tak lova. Mizo kuta chhungkua 700 chuang eizawna lo awm chho mek hi tun stage-ah midang kuta hlan chi niin ka hre lo. A Wine siam chhuah lei tur pawhin sorkar ah a distributor ni turin an dil leh teuh tawh an ti a. Anmahni society-in an duhzawng an hralh chhuah tir ang chu maw le. Khatianga kan inrawlh zel dawn a nih chuan kan tichhe leh mai ang a, a privatize a nihna kha a awm dawn chuang lo reng reng. Chuvangin he thil hi a puitlin theihna turin kan sorkar hian theihtawpa ngaihnathiam in hma la sela. Society hotute pawh a tulah, engkimah zilh an tul leh zilh sela, koh a tul leh ko mai sela; a puitlinna tur lam erawh hi chu ngaihtuah pui a tul thlawt a ni. Chu chu ka'n sawilang duh a.

A dawl leh ah chuan Pu Deputy Speaker, kan leibat chungchang hi ka sawi duh a. Kan GSDP hi Mizoram ah hian Sector 13 atang chauhin kan thawk chhuak a ni a. Heta kan GSDP atana kan Expenditure te, kan input te, kan CFC Depreciation te kan paih vek hnuah khan Net State Domestic Product kha a lo chhuak ta thin a ni a. Chu chu population zata semin per capita income kan tih hi a lo chhuak thin tih kan hria ang. Tichuan, kan leibat hian kan GSDP atanga 75% hi fello tura ngaih a ni. Finance Commission hian 75% a pelh hian an haw em em a. Non-Plan leiba pheih hi chu an haw lehzual a ni a. Tunah hian Mizoram hi GSDP percentage atanga laka leiba nei sang ber kan ni, India ramah hian. 80% - 94% ah hian kan leibat hi a awm reng mai a, a zahthlak deuh hlek. India ram State dangte hi en rawh u, 20% - 30% ah an awm deuh vek ang. Leibat lamah hian kan dai thuk deuh mah mah a. Kum tam tak chhung lo in chherchhuan tawh a ni a. Hetah hian tunah ka dem chuang lova, theihtawpa tan kan lak tlanna tur a ni tih hi chiang ila.

Tin, kan GSDP ah hian a mihring chu Agriculture-ah hian 60% lai an awm chungin 14% chauh mai hi an rawn thawkchhuak a, heng atang te hian kan policy chu ennawn a ngai a ni. Agriculture Sector mipui 60% velin heti leka an thawkchhuak tlem anih chuan, sorkar hian ngaihtuahna thar kan hman a ngai, kan Budget pawh Agriculture Sector-ah hian kan dah tam a ngai tih hi a ti chiang hlein ka hria a. Tin, NLCPR hi kan tangkaipui em em a. Amaherawhchu, Central-a Ministry hrang hrangin an 10% Gross Budgetary Support atanga NLCPR atana DoNER a an chhunluh hma hian direct-in a dil theih a, direct-in a lak mawlh mawlh theih a. Hei hi direct hian engzat nge kan hmuh ve tawh tih hi wind up na-ah tihlan ve theih nise a lawmawm hlein ka ring a. Kan la hre vaklo anih pawhin tun atang hi chuan DoNER a an chhunluh hma ngeia Ministry concerned atanga direct-a dil kan uar tha ka tiin ka rawt duh ani.

Tin, NEC-in guideline thar a siam hi tha lo ka ti em em mai a. NEC hnuai tanpuina reng reng a Project Estimate 2 crore aia a tlem chuan pek loh tur an han ti tawp ringawt mai a. Chutah pawh inter-State interest ani tur ani an ti a. Kan rama kan inter-premier te hmalak ve na tur hei hian a dal nasa lutuk a. He NEC guideline hi NEC meeting-ah te pawh kan sawisel thei lawm ni ? Siam that leh kan rawt thei dawn lawm ni ? State dang hruaitute pawh

thurualpui tur kan hmu thei mai dawn lawm ni ? A har vak ka ring lova, hei hi kan sorkarin han ngaihtuah zui se kan thatna tur anih ka ring ani.

A tawp berah chuan Pu Deputy Speaker, kan ramah hian Budget hi draft stage-a a awm lai hian a changtu Minister rawn an hlawh lo hle in ka hria. Politician kan ni a, ram kalphung tur policy kan zam a, kan lo sorkar ta a, kan enkawl Department ten hemi te party hian ram an enkawl-na-ah enge an duh dan ? enge an duhloh dan tih pawh min rawn lo anih si chuan enge inthlan hian awmzia a neih ? Enge manifesto hian awmzia a neih ? Democratic Institution kha a khawih ani. Chuvang chuan kan Minister zawng zawng hi an hnuaiia Office ten a drafting stage-ah hian rawn hram hram teh se tih hi ka rawt duh a. Tin, Planning Department atanga 10% in tipung rawh u, 15% in tipung rawh u hman atanga tawh a tih reng ringawt mai. U.T. atanga kan kal dan ang ringawt a kan kal hi chuan sorkar inthlakhleng, kalphung thar kan tih ang tepawh hian awmzia a nei lovin ka ring a.

Tin, Work Programme te pawh hi tun ang hunah te hi chuan Department hian min han pe thei tawh sela, tih hram tum ve tawh sela. Annual Report te pawh hi han siam ve tum tawh sela a tha hle in ka ring a.

A tawp bera sawi leh ka duh chu Budget siam laiin Planning Department in an enpuina hnuaiia Department chan tur final a lo ni thin a. Chu chu Minister-in Demand ah a rawn pharh a, kan lo pass sak ta thin a. Chutianga Department sum tur a lo final tawh atang khan sanction an va dil leh thin a, chutah chuan Minister hian thu a nei lo lutuk a. Mahni pawisa Department ten an dil leh ziah a ngai a, Finance Secretary-in 'No' a lo tih chuan Minister pawhin tihngaihna a hre tawh reng reng lo. He kan kalphung hi chu a dik chiah em aw ka ti ani. Department in Budget kan final tawh chuan Department Secretary leh Director te leh Minister te hi Planning ah leh Finance ah engkim va dil kher lo hian engemw chin hi chu thuneihna nei ve sela, sanction ve thei sela. Finance Department mercy a awm reng mai hi chu ni lo deuh se a tha hle in ka hria a. Chutiang zawng tepawh chuan her thei ta ilangin, delegation of financial power te pawh ani tel ve mai ang tih hi ka ring a. Chung tepawh chu thahnemngaih thilah ka'n rawt tel duh a ni. Ka lawm e.

DEPUTY SPEAKER : Awle, tunge sawi leh ang le ? Ani kha Group Leader ani bawk a, minute 5 kan belh a, minute 20 a sawi a ni. Member dang sawi leh tur in awm em ? Awle, Pu B.Lalthlengliana i lo sawm ang.

Pu B. LALTHLENGLIANA : Pu Deputy Speaker, tuna kan Budget kan pharh tak hi han sawi dawn viau mah ila, nikum size a ni a, han en ngun lutuk tur awm pawhin ka hre lova. Amaherawhchu, Agriculture ah hian a punna hi a sang viau mai a, Revised Estimate Stage 2009-2010 ah Rs.6134.23 lakh a nih laiin tuna Budget ah hian Rs.6949.75 lakh a ni a. Hei hi NLUP vang a ni ang han ti dawn ila, NLUP atan khan token-in 50 lakh vel chauh a lo lang si

a. Engpawhnise, mipui tena an nghan Department, kuthnathawktu tena an nghan Department a nih avangin a tha turah han ngai phawt ila.

Tin, Sports ah hian a pung chho leh viau a, a pung chho viau han ti ila, 2009-2010 Revised Estimate ah khan cheng nuai 753.61 a nih laiin tunah hian 1661.80 a ni a. Engpawhnise, nikum Revised Estimate pha chiah lo mahsela, hun lo kal turah chuan a chho leh turah ngai ila. Heng Department, kuthnathawktu te leh kan thalai kan ngaihtuah em em te tana Budget lo pung ta hi a lawmawm hlein ka hria a. A changtu Minister a la tlangval bawk a, a inpekna avangte pawh a niin ka ring bawk a, a lawmawm ka ti a.

Amaherawhchu, A.R. Ground-a Rajiv Gandhi Stadium MNF Ministry-in a ruahman, Mualpuia sawn hi ka rin aiin a hmun laih hna, site preparation an thawk rei daih mai dawn a. Kumin working season ah pawh hian an la peih fel hman dawn lo niin a lang a. Contractor hian khawl lam mamawh chi a nei lova, Naga pakhatin Sub-Contract a thawh tir ni awm tak a ni. Chu pa chuan sawng lai vela civil awmte a rik rap zawngin a ti fo ni te pawhin report dawn a ni a. Chuvang chuan a hna hi chak zawka a kal theihna tur leh kan thalaite tuihalna chhawk zangkhai turin tun aia chak zawka hmalak theih nise a thain ka ring a.

Tin, Fishery, Sericulture leh Horticulture ah nikum pha lovin tunah hian dah a ni a, hei hi pawh hlein ka hria a. Fishery hi term kalta khan term puma ka lo enkawl ve a nih avangin hmu chiangin ka in hria a. Fishery Department hi Mizoram immediate-a kan intodelhna tur atan chuan Department pawimawh tak, tha tak niin ka hria a. He laiah hian nikum pha lovin tunah hian kan dah a, nikum Revised Estimate ah nuai 1056 dah a nih laiin tunah hian 612.20 dah a ni a.

Tin, Grant-in-Aid ah pheih chuan nuai 69 chauh mai dah a'n ni lehngal a. Hei hian Sangha khawitute tan harsatna tam tak a siamin ka ring a. Hei hi tun hunah a tih theih loh a nih pawhin Revised Estimate ah chuan thahnem deuha dah ni thei sela a thain ka hria a. Ka ngaih pawimawh em em thin chu Mizoram ah potential area tam tak a awm a, Bilkhawthlir chhuah lam leh tlak lam Zawlnuam, Tlabung thlengin Fishery atana potential a in zarpharh pheih a. Chu laiah chuan kuthnathawktu WRC nei tam tak an awm a. Chung hovin an tharchhuah chu tin 400, 500 vel te a ni a. Tin, Vai a tam zawkin an chhawr lehngal a, a in zata insem an ni. Nimin mitthi In ka kal naah pa pakhat chuan, i sawi fo thin kha ka'n ti ve chhin a, khutah Bairabi piah lawkah sawn lo ka nei a, tin 350 ka thar thin a. A pawisa-a ka chantir hian Rs.20,000/- pawh ka hawn ngai mang lova. Sangha dilah ka'n siam a, vawikhat kan sah a, Rs.3,00,000/- ka hawn chho ta mai a, a lo inthlau hle mai a. Chuvangin buh chingtute hian Sangha dilah let thei ta sela, tun ai hian Mizoram chu khitah kan awm thei dawn a ni, tih keimah ngeiin ka prove a, hei hi a tha dawn hlein ka hria a. Andra Pradesh ah mi tam takin Sangha khawi a hlawk a ni tih an hriat avangin an leilet te Sangha dilah an convert a, sorkar pawhin a khapna a chhuah hian nghe nghe a. Chutiang khawp chuan kan pi leh pute atanga kan chin than, hlawk si lo hi tun hunah hi chuan a hlawk zawk a ni tih a

chhiarkawp, a formula hote ni si hi engati nge tunah hian kan leilet potential tha tak tak, tui thatna hmun si hi Sangha dila leh tir hi kan hreh em em? Kan Minister zahawm takte leh a puitu, Parliamentary Secretary te pawhin khalai kha min lo chhinchhiah sak sela. Tun term ah hian chutiang chuan hmalak nise, tun term a tawp meuh chuan khawthlang lam Vairengte tlangdung leh helai Western Belt ah hi chuan hmasawna tak tak hmuh tur a awmin ka ring a. Chu chu ka sawi lang duh a.

Chubakah Sericulture hi a market ah agreement sign ngai lo, MoU sign ngai lo, zawn ngai lo, Vainu maktaduai telin lungawi taka Silk Sari an kaih duh chhung chuan Sericulture ah hian a market a chhe thei lo. Chuvang chuan tun Budget ah pawh nikum pha lova, Plan Budget-a lo lang hi pawh ka ti a. Sericulture te, Fishery te hi tun aia tih len nise, Mizoram hian hma kan sawn pui ngei ang tih hi kan sorkar lai pawha ka rin tlat a nih avangin tun hunah pawh hian sawi thain ka hria a, ka sawi lang duh a ni.

MLA Fund chungchang kha GPC ah kan ngaihtuah a, a pun dan tur chungchangah nuai 40 nise tih GPC-in kan pass a. Amaherawhchu, Sub-Committee-in a guideline leh thil dang chu lo en se, tih a ni a. Nuai 40 lo chhuak tura kan ngaih lain nuai 25 ah sum indaih lohna avangte pawh a niang a, a lo lang ta a. Tin, GPC ah nichina Aizawl West-I bialtu zahawm takin a rawn sawi ang khan a guideline kan siam a, a notification chhuak tlai deuh mahse, tun Financial year ah a lo chhuah hman avangin kan hriat dan a soal loh chuan Mizoram V.C. te an in hmukhawm a. 1% cut tur kha kumin chhung hi chu cut tlang nise, tiin an rel a, cut tlang an tum tih a lo lang a. Kumin kha keini'n kan rel dung zuiin cent percent mipui tan kan sem ral vek a. Khata tanga cut leh a nih chuan a tha theiin ka ring lova. Kan rilru ah pawh Champhai District ah MLA 5 vel kan awm a, 5 atanga 1 percent an cut chuan nuai chuang a ni. Kha kha work supervision leh stationery atan hman sen rual a ni lo tih kan hriat vangin cut loh nise kan ti niin ka hria a. Kan House Leader te pawhin min lo hriat pui sela. Tunah hian 5 lakh in a pung dawn a nih pawhin Budget puitling kan la hriat loh vanga la lang lovah ngai ta ila. Plan size kan hriat hunah a pung turah te Member te chuan kan lo beisei turah ngai ila. MLA fund hi dik taka kan hman tlan vek a nih vangin leh development atan tha tak a nih vangin ngaih pawimawh thain ka hria a.

Tin, NLUP hi kan sawi leh thin a, heti lam atanga kan sawi hian min hmanhmawh pui in ti a, kan hmanhmawh pui che u pawh a ni mai thei, ama'rawhchu, hei hi flagship a nih vangin kan ngaih pawimawh hle a ngai a, keini pawn kan ngaih pawimawh pui che u a ni. Tunah hian token-in nuai 50 dah a ni a, hetia pakla hisapa ka lo ngaihtuah mai mai hian, tuna kan Budget size kan hriat sa atang hian Plan size hre ta ila. A punna zawng zawng hi NLUP ah pawh chhung lut ta vek ila, a tam thei tawh lo hrim hrim niin ka hria a. Chuti laiah chuan Pu Deputy Speaker, I dinglama thute hian ngaihtuahna tak tak nena he thil hi an kalpui thain ka hria a. Cheng 2 pein nuaikhat kan pe ang che u, tih kan sawi ngai lo tih House ah pawh Pu Deputy Speaker, i dinglama thute khan an sawi fo thin. Amaherawhchu, hei hi an sawi a ni tih kan Chiang a, "kan sawi lo" an tih fo, an tawp theihna turin House Leader-in

hmun thuma a sawi C.D. ka write a ni a. House property ka pe ang che u ang a, tun chinah Rs.2 chawiin nuaikhat kan pe ang tih kan sawi ngai lo tih hi sawi tawh lo hram rawh u. Kha kha House property atan lo kawl teh u. Chuvang chuan House Leader ber ina a sawi tawh hi helaia Member ten, “Kan sawi lo”, tih hi sawi tawh lo ula thain ka ring.

Tin, nikum Budget ah cheng vaibelchhe za dah a ni a. Kumin ah token ah nuai sawmnga dah a ni a. Revise Estimate ah khan nuai 448 chauh a lo lang a, a bak Rs.52 crore leh Rs.52 lakh kha khawiah nge hman a nih? MIP – MNF sorkar ina a hman bang, Aizawl khawpui chhung vawk vulh tanpuina atana kan thei sem a, Congress Worker Bhawan General Secretary te, Unit hruaitu tena an duh an maka lak chhuah a; Rs.8120/-a sem tur 6000/- te, 3000/-te-a an duh ang anga an pe a, politics khelh nana an hman ang khan he cheng 100 crore pawh hi hman ral em ni? Kan House Leader zahawm takin 95 crore, 52 lakh an hmanna hi min hriattir thei sela a lawmawm khawpin ka ring a.

Tunah hian sorkar chuan naktuka sem mai tura sawi a nih thin avang khan Mizoram mipui hian hei hi an thlir ber a ni. Nikum December ah ka sawi tawh a. Hei hi in tlinpuina a ni, hemi avang liau liauva tling in ni. Heti zat Mizorama Assembly inthlan ah hetiang number hi party malin a la score ngai lo hi a lawmawm e. Chutiang score thei khawp in tlinna chu he NLUP hi a ni. Chuvang chuan nangni pawhin flagship in ti bawk a, uluk takin ngaihtuahna hmang ula thain ka hria. Keini pawhin kan ram intodelhna atan tak taka a policy in duan anga in kalpui dawn a nih chuan, chu chu kan support che u a ni. Mahse, a tuka sem mai tura inngai, a guideline leh thil engkim inpeih sa a in kal emaw kan tih laiin, tunah chhuanlam dawrawm te te hmangin tun hun in thleng a. Budget ah pawh token-a nuai 50 chauh lang ta mai han hmuh hian in kal zel dan tur hi kan ngaihtuah pui deuh che u a ni.

Hei hi chu kan sawi tawh ang khan in tlinpuina a nih avangin in tlakpui palh hlauh ang e, tih hi kan ngaihtuahna ah a awm a. Tawngkam thiama sawimawi chi pawh a ni lova. NLUP chu Kohhran ram atang te, Mizoram mipui hmun hrang hrang atangin engtikah nge an sem dawn, tih a ni reng. Nikum Budget Session ah zawhna ah ka zawt a, kan Agriculture Minister-in “October thla ah hi chuan sem hman kan tum ang”, tih kha min chhanna a ni. Amaherawhchu, a teuh lo nasa lutuk a, tunah Budget ah pawh a total amount pawh a lo la lang thei lo a ni. Budget size a punna zawng zawng hi dahkhawm dawn pawh ni ila, in kal tum ang hi chuan in kal thei lo hrim hrim, tih lai kha ka han sawi lang duh a ni.

Pu Deputy Speaker, Health Care chungchang hi tawitea sawi leh ka duh a. Health Care hi MNF sorkar lai khan kal chhoh pui a ni a. Mirethei tam takin dam nan an hmang chho a. Chu chu kan tih dan a guideline a kha thalo lai deuh a awm nia sawi avangin, a guideline te siamthat niin Member hnenah sem tawh niin ka hria a. Engati nge hetiang ang guideline siam fel tawh a nih chuan he Health Care Scheme hi kalpui a nih loh? Tun Budget bu-ah hian han en ila, pakhat mah token in dah pawh a awm bawk si lova. Chu chu engtin nge he sorkar hian kalpui a tum? Kan miretheite kan VIP an ni kan ti

a, ama'rawhchu, mirethei te hi kan VIP te an ni lo. Kan rapbet a, kan rapbet zel dawn niin a lang a ni. Pu Deputy Speaker, ka sawi zo tep. Thingtlang lam bialtu kan ni a, kan survey tam tak an awm a, MLA kan nihna angin kan hnenah an sawi a, tihngaihna a awm silo. MNF sorkar laiah chuan Opposition MLA te pawh khan Health Care Scheme min kawhhmuh a, kha sorkar khan a lo ti zung zung a, harsatna nasa tak kan chhawk a ni. Chuvang chuan he sorkar hian kalpui hram se, tih hi ka duh dan a ni.

Tin, kan Health Minister kal chhuak ta in, cheng vaibelchhe sawm Bajaj Alliance-a a dah chungchangte pawh hahipin kan sawi a, mi duham leh corrupt tawpkhawk angin kan sawi. Amaherawhchu, dah pung ringawt pawh kha cheng vaibelchhe nga, tukin a ka zawh chuan a tling chho mai dawn a. Kum thum chung dah a nih chhoh chuan cheng vaibelchhe sawm, a let interest a awm chho thei dawn a ni. Chutih lai chuan Bank-a kan dah, kan sawi ve duh miah loh kha engzatin nge a pun ve tawh? tih te pawh hi kan ngaihtuah naah awm sela. Kan Minister kal chhuak ta te archuk tui lova kan sawi lai hian, a leh lamah chuan sorkar hian pawisa tam tak kan hlep zawk a ni lawm ni, tih kha Pu Deputy Speaker, ka sawichhuak duh a ni e. Kalawm e.

DEPUTY SPEAKER : Awle, tunge sawi leh tur le? Aw, Pu Chawngtinthanga i lo sawm ang.

Pu CHAWNGTINTHANGA : Pu Deputy Speaker, ka lawm e. Hei, kan discussion ah hian i veilam panga thute khan thil hi an duh hmanhmawh hle mai a. An thahnemngaih naah ngai zel ila a tha maiin ka ring. Anmahni sorkar chhung kum 10 lai khan mumal taka chhunzawm tlak zel ni lova, an thil dinte kha a aia tha zawk leh chhunzawm zel tlak ni turin tuna sorkar, kan Chief Minister chak tak hruaina hnuai mi hian kum khat chungin din vek turin an beisei hi kan Chief Minister hi an lo va ring em em ve! Chuvangin, an chungah pawh lawmthu sawi kan ngai zawk nghe nghe in ka hria, Pu Deputy Speaker. An rin ang ngei hian, in beisei angin a rawn tihlawhtling vek ang tih hi kei chuan ka ring tlat a ni.

A dawt lehah chuan mirethei sorkar in inti a, miretheite in rapbet tih teivet mai hi, kan Governor Speech ah pawh khan thla 15 chauh a ni a, tunah hian. Amaherawhchu, an policy zawng zawng phur chhuak tur hian an step lak dan leh an kal danphung hi a dik tawk a. Healthy indication tunah hian a awm a ni, a ti kuau a. A hun hi a la reilo lutuk a ni tih te kha ngaihtuah a ngai hlein ka hria. Hei hi chu thahnemngaihna lam aiin eng emaw ti tia party anga sorkar khei tumna rilru a ni mai awm mang e, tih te pawh Pu Deputy Speaker, a ngaihtuah theih deuh a nih hi maw le.

A dawt lehah chuan kan Finance Minister zahawm tak Budget Speech kha a ropui tehlul nen han lawm der leh fak a hlawh miah lo deuthaww niin ka hria a. Duhkhawp lohna hliir an rawn chhakchhuak a, a pawl khawpin ka hria. Ka lo hmuh ve dan chuan kha Budget Speech-a lo lang te kha thil ropui

tak, lawmawm tak te niin ka hre deuh tlat mai a. Kha Budget Speech ah khan 2010-2011 13th Finance Award period nen a rawn in nang a, chuang chuan a vanneihthlak e, tih te pawh kan hmu. Tichuan, Central Resources atanga devolution transfer State Sorkar a lo kal te kha 12th Finance Commission ah 83.84% ni kha 84.88% ah a lo chho tih te pawh hi a lawmawm lama sawi ve hi a tha hlein ka hria a, lawm tlak a ni, tih ka han sawi a ni.

Tin, chubakah Central Sorkar in Fiscal Responsibility and Budget Management Act, a duang a, State sorkar pawhin hman tura a duh angin kan State sorkar ah pawh tunah hman a ni a. Chumi bakah kan State sorkar in theihtawpa hma a lakna avangin Financial Management ah leh Budget Management ah pawh hian hma a sawn chho hle a. Tichuan, fiscal deposit pawh 12th Finance Commission chhung ringawt pawh khan 2% in a tlahniam ve tawh a ni tih Budget Speech-a lo lang te hi lawmthu sawina tlak niin ka ngai a ni. Tin, chu mai chu a ni lova, Pu Deputy Speaker, kan State cum source revenue 2.12%-in a chho tawh bawh a ni. Chuvingin kan State hian tianga zawi zawia hma kan sawn chhoh zel chuan, Tax revenue te pawh lak belhna tur scope tam tak kan nei chho dawn a ni tih economic lam thiam mite chuan in hriat ka ring a. Heng zawng zawng zawi zawia budget deficit nei fo mai, fiscal deficit nei fo mai, kan mangan pui em em su hniam tura kan thanlenna lo kal zel hi he sorkar remhriatna ni pahfawmin, chutiang zela hmachhawp a min kalpui zel tumna thute kan han hmuh hian a lawmawmin ka hria a; Zoram mipuite tan pawh lawm tlak leh chhinchhiah tlak niin ka hria. Chuvingin, kan Finance Minister leh kan sorkar hnenah hian lawmthu tawite in ka han sawi a.

Tin, kha Budget Speech ah khan Drinking Water Supplies and Sanitation tih kha. Mipuite hnena drinking water supply pek hi ngaih pawimawh ah kan nei zel dawn a ni, tih lo lang kha a lawmawm ngawt mai. Hei hi an ngaih pawimawh zia chu tunah pawh nasa takin a lang tawh a. Sorkar hmasa hun laia harsatna tam tak karah tunah hian hna te chhonzawm zelin, harsa taka sum te pawh khawkhawm zelin, hna chhonzawm zel a niin Aizawl Water Greater Supply Scheme Phase-II pawh theihtawpa chhonzawm zel a ni, tih te hi mipuiin kan hai lo.

Tin, chumai bakah, scheme hrang hrang hmangin Central tanpuina te nen hei hi chhonzawm zel tum a ni tih a lang a. Tin, thingtlang lamah te pawh National Rural Drinking Water Supply Scheme hmangin khua zawng zawng hi 2012 ah chuan khaw te ber thlengin tui thianghlim pek vek a, cover turin tunah hian an bei zel a ni. A lawmawm khawp mai. India sorkar hnenah lawmthu kan sawi a pawimawh rualin hetiang theihtawpa chhonzawm zel tumtu sorkar thahnemngai tak, mipuite hmangaihtu kan nei hi a lawmawm a ni tih nachang kan hriat hi mipuiten kan mawh niin ka hre bawh a ni. Amaherawhchu, hetah hian thil han hriat ka duh chu, he Drinking Water Supply Scheme hnuaiyah hian khaw tin mai kha theihtawpin an han ti a, PHE Department ten hmun thenkhatah hna an han thawhna ah chuan fully covered village tiin an han puang a. Hna dang thawh leh rih tawh loh tur, hmatiam kal zel tur niin an in sawi. Chutih rual chuan global warming avang te leh eng eng emaw vangte pawh a niang, kan ramngaw kan thiah darh nasat luat tuk avangte pawh a ni mahna.

Zawi zawiin kan tuihna te hi a lo kang chat zo ta a. A tira tuihna tha em em te pawh kha tuihna awm lovin a kang chat zo tawh a. Tuilak tha nia kan ngaihte pawh kha tuilak hman tlak loh a ni zo tawh a. Fully covered village an tih pawh kha fully uncover village ang maiin a awm tawh a. Zoram thingtlang khua chhim leh hmar, chhak leh thlang a miten harsatna hi an tawh mek a. Chuvangin tangrual ila, opposition pawh ni ila, ruling party pawh ni ila, sorkar pawh niin sorkar hi chak tak taka he problem (natural adversity) kan tawn mek a hi ngam thei tura tangruala sorkar kan tih chak hi a pawimawh em em zawk a ni, tih kha ka han sawi duh a.

A dawt lehah chuan a speech dangah khan ‘road network remains the most important economical life line for the State’ a ti a. Hei hi tuna kan sorkar chak tak hian a ngai pawimawh em em a. He State level Budget atang ten, Central Budget atang te in leh Centrally Sponsored Scheme atangte pawhin Mizoram pumpuia khaw tin, thingtlang khaw tin, kil ber te pawh kawngpuiin a pawh vek tura an hmalakna te leh National Highway, World Bank hnuiaia siam te leh NABARD hnuiaia kawng an beih mekte pawh tunah hian chak takin chhuzawm zel a ni. Kawngpui tha kan nei a, chhim leh hmar, chhak leh thlanga kan khawpui te kawngpui tha in min connect tawh a. Thingtlang khuate pawh min connect vek a nih mek lai hian lawmthu kan sawi tur a nia. Amaherawhchu, Pu Deputy Speaker, i phalna angin khilai hmarchhak ah te khian vanduai bik nia in ngai an awm a, chu chu han sawi ka duh a ni.

Manipur atangin Tuivai a lo luang thla a, chu Tuivai chu Manipur atangin Mizoram ah a rawn luang lut a, tlangdung pakhat Phuaibuang, Khawlian, Tlangnuam leh Daido tlangdung a kual te te a, Manipur lamah a luang lut leh daih a. Mizoram lama opening engmah awm lovin khi lui Mizorama lui chhengchhe ber leh lui lian ber te zing ami khian ‘Tuivai kualkhung’ tiin hming a hnutchhiah ta a. A mipuite khi Tuivai kualkhung, Zangkhua bungbut hnan tia miten an sawisak thin an ni nghe nghe a ni. Tunah khian population sangruk/sangsarih zet an ni a, Zoram khawvel an dah chhuahna tura an kal nan Tuivai kan lova kal theihna reng reng a awm lo. Tunah hian PMGSY scheme hnuiaiah kawngpui chu a tlang ve ta ruak mai. Mahse kum 3 a liam ta, kum 4-na a kal mek, Tuivai lei khi dawh tura hmalakna mumal awm lovin a ram ta emaw tih mai turin sorkar hmasa khan min hnutchhiah a. Tuna kan sorkar tharah hian kan PWD Minister chak tak thahnem ngaihna azarah nasa takin hmalak a ni. Lei (bridge) dawhna tur Fabricated Irons pawh pakhat mah thleng ngai lo kha, tun kum kal ta chung khan Truck load 5 (nga) zet a thleng chho tawh a, hmabak thui tak chu a la awm. Tunah khian khilai tlangdung population mipui 6000-7000 vel khi an tah hla a ni ta. “Engtikah nge mi malin kan kal ve ang”, tih hi. Chuvangin a rang thei ang bera tun thal chung ngeia Lei hi min dawhkai sak an duh a, chu chu an tah hla a ni tih ka han sawi duh a ni.

Tichuan, he Budget Speech-a lo lang ang khan Budget puitling a la ni lova, Plan pawh la finalized a nih loh avangin kan Plan size a nihna ang tak hi reflect theih a ni rih lo. Tin, chumai bakah a hnuah Centrally Sponsored Scheme te pawh tam tak a lo la chhuak leh dawn a. Chung zawng zawng a location siam hunah kan sorkar chak tak hian khilai amite leh hmun hrang

hrang, thingtlang khaw kil amite harsatna 2 (pahnih) kan han sawi – Tui leh kawng leh Leidawh chungchangah hian min han hre reng a, fun allocation min siam sak a, chak taka hna thawk turin sorkar ka han ngen a. Chutiang tur chuan kan beisei tlat a ni, tih ka han sawi duh a ni e. Ka lawm e.

DEPUTY SPEAKER : Tunge sawi leh ang le, Pu K.S. Thanga i lo sawm ang.

Pu K.S. THANGA : Pu Deputy Speaker, ka lawm e. Damlohna avangin ka inbuatsaih tha thei vak lova. Amaherawhchu, vawiin ah hian sawi tur nei niin ka inhria a. Nichina kan ngaihthlak ang khan i veilama thute hi vanduaina riau hi an nei a, thil tha an hmu thei lo thin a. Khawvelah hian a tha lam hmu thei miah lo mai hi vanduaina chikhat niin ka hria a. Mahse, a then erawh kha chu a tha lai sawi tur hriat loh vang ni lovin, thil dang tul zawk sawi tur tulte an hriat vang ni thovin ka hria a. Chu chu a hmasa in ka'n sawi duh a.

He kan Budget hi kan ngaihthlak leh kan hriat vek angin kan Budget pumpui a la ni lova. Chief Minister tunah hian Delhi ah kan Plan dinhmun te sawi turin a la awm mek a. Chutah chuan hemi baka belhna hi chu kan la sawiho leh dawn a ni tih pawh kan hria a, kan ngaithla a. Chuti chung chuan tuna ruahmanna chin chin angah pawh hian Mizorama kan sorkar kal tawh zawng zawnga thil kan la hmuh ngaih loh hi a thleng thar reng mai a. Chu chu kan Chief Minister leh Finance Minister ni bawh hian he ram hi awmze neiin kalpui a tum a ni, tih a tichiang em emin ka hria a. A pawimawh hmasa berah chuan kan ngaihthlak tawh hemi kan receipt Budget 2010-2011 hi Mizorama la awm ngai miah lo a ni a. Hei hian chawhma lama Member zahawm tak ten an sawi tawh ang khan, sorkarin pawisa a hmuh ang ang hmang zo veka ei zo duak duak ringawt ni tawh lovin, thawhchhuahna lamah pawh tan lak a, ram mipuite hi mihring tak tak anga chher leh kaihhruai a tum a ni, tih a tilang chiang hlein ka hria a. Chuvang chuan Mizoram sorkar kan hmuh tawh zawng zawng ina a la tih loh, a la neih ngai loh receipt Budget kan nei a ni. Chu chu ropui ka ti em em mai a, sawi chhuah nawn ve tulin ka hria a.

Tin, hei Performance Budget 2009-2010 leh Work Programme 2010-2011 rawn buatsaih tel a ni a. Hei hi kan en thwak thwak a, a lawmawm ka ti a. Hemi kan Performance lo neih tawh te rawn tihlan a nih bakah kan Programme te, heng hi thil awlai lo tak a ni a. Mahse, Mizoram mipuiin MLA leh MLA lo te pawhin khawi hmunah pawh sorkarin engnge hmalak a tum tih hi vawiin ah chuan Department hrang hrangah he lehkhabu an keu hian kan hmu thei a. Tin, helaiah hian hna an lo thawk tawh a ni, an hnathawh hi engnge a an tih te pawh tunah chuan Mizo mipuiten an hre thei tawh ang a, thil ropui tak, vawiin ah hian thil thar kan hmu chho mek zel a. Chuvang chuan clean and efficient, thianghlim leh chak taka sorkar kal a, tin, langtlang

(transparent) tura a inbuatsaihna kha vawiin ah hian he Budget ah hian a rawn langin ka hria a, chuvangin ropui ka ti a ni.

Hei sorkar hmasa lam hmalakna te pawh hengah hian ziah lan a nih avangin a rawn lang ve a. A then tan chuan zahthlak te pawh a ni ang tih a hlauhawm a. Hna, pawisa hmanna ni si, sorkar hmasain pawisa tam tak a lo hmanna ni si, a taka hmuh tur awm lohna te pawh vaiin ah chuan hmuh tur pawh a lo lang ta a. Chuvang chuan tuna sorkar lo kal leh zel turah chuan thil engkim hi langtlang a nih tawh avangin awmze nei lova khatiang anga pawisa dah a nih si avang leh hmangral si, a tak awm silo ang kha chu thil hlauhawm tak a ni dawn a. Chu chuan he sorkar hawihher leh he ram mipui tena an beiseina, Kohhran te leh ringtute tawngtaina chhanna a taka lo lang a niin ka hria a. Chu chu ka sawilang duh bawk a ni.

Tin, thil lawmawm tak chu External Aided Programme hnuaiyah scheme leh project lian tham tak tak ruahman a ni a. Hei hian he sorkar chak leh hmalak nasat zia a tilang hlein ka hre bawk a ni. Chuvang chuan vawiin ah hian khang a chi hrang hrangah pawh khan he sorkar nihphung hi a langin ka hria a. Chung chu ka sawi ri ve hrim hrim duh a.

Tin, 13th Finance Commission report kan hmu a. Mizoram tana sum leh pai lo lut tur kan hmabak a, development atana hnathawhna tur atana sum leh pai lo lut tur a tam zia te hi a hretu chu kan zavai hian Mizoram mipui zawng zawngte hi kan ni. Hengte hi kan Chief Minister, kan Leader ni bawk, Finance Minister ni bawk ina India sorkar ah pawh thil ti thei leh mi chak a ni tih 13th Finance Commission report atang pawh hian thil chiang tak a lang a ni, tih kan hriat tlan vek a nih avangin ka sawi ri ve leh hrim hrim duh a.

Tin, NLUP hi kan sawi fo a. An sem lovang, hetiang hi thil tih theih loh a ni titute hi hmanhmawh leh kan sem loh hlaute an nih hi. Lehlamah chuan he sorkar an rin zia leh anmahni tih theih lohah beiseina an neih zia tilang chiang em emtu niin ka hria a. Chutih rual erawh chuan vawiina an thlaphanna hi thlaphanna tullo niin ka hria a. He sorkar hian a thutiam hi Mizoram mipui huapa a tiam reng reng te hi tih loh a la nei ngai lova. Sorkarna a lak apiangin mipui hmaa a thutiam, rampum huapa a thil sawi te hi a tihlawhtling a. Chuvang chuan NLUP pawh hi tihlawhtlin a ni ngei ngei dawn a. Chuvang chuan i veilama thute kha lo thlaphang lo turin kan han chahin kan han ngen ve duh hrim hrim tih kha ka sawi duh a.

Tin, General discussion a ni bawk a, Performance te leh khatiang a han sawi kaina remchang kan duh lai lai kan hawl tel bawk a. Tun sorkar kallai mekah pawh mipuite tana beiseina eng lo lang chiang em em mai chu, Agriculture Sector-ah pawh hian nasa takin sorkarin, sorkar hmasa ah te India ramah a nih ka ring a;p kuthnathawktu farmer harsa zawkte tan 75% khawl leina Power Tiller-ah te. Tractor-ah te pe in cheng nuai 500 chuang lai tunah hian sem chhoh mek a ni a. Sem bawh tep a ni a, a thenin an la tawh nghe nghe a. Hengte pawh hi 75% subsidy mechanization atan farmer-ten an thawh an

dawn 25% chauh an dawn hi India ram State hausa zawkte pawhin thil tih theihloh tluka an ngiah a ni. Chu chu Miizoram sorkar hian kuthnathawktu, rinawm taka thawktute hi chu dawmkan a tum a, an eizawna te pawh hi siam chhoh a tum a ni, tih a tilang chiang em em a. Power Tiller leh Tractor hi a nih anga siam zawh vek hnuah pawisa ruahman chian ringawt pawh hian tha thar anga chhutin tha thar sing sarh chuang Mizoram ah kan neih belh dawn tihna a ni a. Tuna kan hnathawktute bakah hian tha thar sing sarh chuang kan neih belh dawn a ni. Chu chu Agriculture lamah pawh hmasawna nasa tak a thleng dawn a ni, tih a tichiang a. Chu chu kan buh leh bal tharah pawh malsawna a thlen ngei ang tih pawh a rinawm a ni.

Vawiin niah Agriculture lama kan than mek laiin, Fishery lamah te pawh khan Agriculture land ei hek lo hian Fishery-ah pawh hian kan Minister te hian tun aia nasa zawka kan ram sum hnar a nihna hi an hmu hle in ka hria a. Kan ram sum hnar siamna tur atan pawh ruahmanna chi hrang hrang, kan ram atangin Silchar ah te, Tripura lamah te kan ram Sangha tam tak hi a chhuk thla a, mi ram atangin eitur kan la a, sum kan la bawk a. Khati ringawt maia kan awm ang lo deuh khan vawin ah hian Fisheries atang pawhin thawhchhuah tum hian hmalak a ni tih te pawh kha kan thiante hian an lo hriat tha in ka hria a. Chutiang chuan wawiin niah hian an hmalakna chi hrang hrang kan Sport lamte pawh hi han sawi ka duh a.

Hman niah khan Party pakhat chuan Lammualah Indoor Stadium kha an sa leh thei dawn lova, chuang chuan Chief Minister-in Lammual kha chei leh a tum thu te leh tunlaia Sport Minister hmalakna Artificial grass tih te, Chief Minister-in Lammuala inkhel en ho hma a a puan a kha a han chhang hmanhmawh. Mahse, tunah pawh hei kan Sport Minister chak tak hmalaknain, khulai Mualpui Stadium chu an ti ngei dawn a. India rama kan mi pawimawh UPA Chair person Pi Sonia Gandhi-in a lungphum pawh arawn phum ta a. Chutih lai chuan Lammual mai bakah kan thalaite duhsakna avangin Ramhlun Sport Complex-ah te pawh Artificial grass kumin hian phah an han tum ta a ni a. Kan thlai infiammi te pawh tunah hian anmahniah beiseina thar a lo awm leh ta a. Mizoram ah pawh hian kan thlai infiammi tena kum khat an pawisarawn hawn luh hi cheng nuai 300 chuang te a lo ni ve a. Chung chu hmasawna zel a ni. Minister-in a kalpui tumte pawh hi ropui ka ti a. Thil dang tam tak sawi karah chu chu ka zep zawk duh bawka a ni.

Tin, lawmawm ka tih em em chu Pu Speaker, a hminga ka bial ve ah hian kan sorkar hmalakna hi a langsar hle mai a. PWD enkawlina hnuai ah World Bank Project hi sorkar hmasa ah khan kum 10 chhungin kum 25 ve tawn tawn kha black top tih a ni a. Chu chu kum 10 chhunga an hmalakna a ni, tun sorkar tharah hian chak takin PWD Minister leh Chief Minister ni bawkin hma a lak avangin tunah hian Lunglei thleng deuhthaw in a black top a. Km 4/5 vel chauh tunah hian black top loh a ni tawh a. A vaiin Km 70 vel chu a ni. Chumi awmzia chu sorkar hmasain kum 10-a a thawh ai khan tun sorkar kum khat emaw chhung hian a Km pawhin a tam zawk em em a ni.

Chutiang chuan vawiin niah hian kan hnathawh dan a inthlau hle mai a. Hmanni phei chu kan thian pakhat Lunglei atangin a lo phei a, darkar 4 chhungin Aizawl hi ka rawn thleng phei a ni, a ti a. Tunhmaa darkar 7 chuang motor-a tlan ngai thin kha a ni a. Chu chu he sorkar chak tak mai hian hman lakna te a ni a.

Chutiang chuan hmun hrang hrangah hmasawna tam tak a awm a. Chu chu vawiin niah he House-ah hian han sawilan a tulin ka hria. Pu Deputy Speaker, han sawi dawn chuan he sorkarin hmasawna, ram leh mipui tana inpekna nena a thawh hi a tam a, kil tinah hian ram mipuite vawiin ah hian an phur a, he sorkar ah hian beiseina an nei a, mipui mai ni lovin kan Opposition Member zahawm tak takte pawh hian beiseina an nei ve a ni tih an tilang thin hi lawmawm ka ti a. Chung chu ka'n sawi ve a ni. Ka lawm e.

DEPUTY SPEAKER : Midang sawi leh tur kan awm em ?
Dar 3:05 a ni a, Dar 4:00 thleng hi kan programme a ni a. Pu T.T. Zothansanga i lo sawm ang.

Pu T.T. ZOTHANSANGA : Pu Deputy Speaker, ka lawm e. Hei vawiina kan hun hi mitdel sai dek ang deuh kan ni a. Kan hmuh chiah loh kan sawi khawm dawn a ni. Amaherawhchu, kawng leh lamah chuan Planning Commission-in March thla chawhnu lamah sawiho tura a lo tih avangin tiang hun hi tupawh sorkar ila kan tih dan tur a ni a. Chuvang chuan kan inhrethiam awm e.

Hei, NLUP chungchangah khan ka rilruah thil pakhat a lo lang a. Lazara thi kha nili lai a ni tawh si a, a bula awmte kha an lo mangang hman tawh a, ama'rawhchu, a la tlai lo a ni. Kha kha vawiin khan kan hrechhuak a, Isua kha a hun takah a thleng a ni. Hei, vawiin ah hian sawi tur a tam khawp mai a, a englai ber nge kan sawi ang tih pawh ka chiang hlei thei lova. Nichinah Hrangturzo bialtu khanin Bihar kha a awt deuh khan ka hria a, "Thirsakawr-a kal han zir teh u", te kha a ti a, Pu Laloo-a hun lai kha a'n sawi chhuak a. Ni e, Laloo kha Japan mithiam hovin an rawn kawm a, Japan hovin "Kum hnih kan kutah in ram development hna hi min pe ula, Japan ram angin kan siam ang che u", an han tih khan Laloo-a kha a ngawi vang vang a. "In ram pawh kar khat min pe ula, Bihar ah kan siam ang", a ti e, an ti a. Bihar State an an lo tum nge maw ni ka ti deuh.

Nichin khan Health Care Scheme chungchang kha an rawn sawi a, kan hun hmasa khan kan Chief Minister remtihnain kan Health Minister khan cheng nuai vaibelchhe sawm kha, vaibelchhe hnih pung tur khan Fix deposit-in an dah tih kha a ni a. Roreltu hmasate kha lo sorkar zawm leh dawn ta sela, an chhonzawm dawn lo niin a lang chiangin ka hria.

Tin, ka'n sawi tel hram duh chu – 2008 kum tawp khan kan in thlang a, 2009 emaw 2010 emaw ah in thlang ta ila, kan ruling ho kha chu a

lo inchuk khawlo viau hman ang em aw! ka ti. A chhan chu pute thil tih nalh lo ang reng deuh kha anmahni lamin an rawn thai chhuak an rawn thai chhuak mai a, an lo innak na hle mai tih te a lang chho zel a.

Champhai bikah pheii chuan Chief Minister bial kan ni a. Term hmasa-a kan Health Minister te, kan Forest Minister te, kan PHE lam Minister ten kan Chief Minister-in min tiam ang apiang min hlawhchham tir zat zat mai a. Chuvang chuan a hun takah Inthlanna hi kan lo nei em ni aw, ka ti a. Co-ordination tha kha an lo nei chiah lova. Tunah Opposition-a an han awm takah hian sawi tur chu a tam leh lawi si a ni.

Kan hmalakna zingah hian sawi tur kan neih chu, kan Parliamentary Secretary pakhat khan a han sawi tawh a. Hmanni lawkah Champhai ah Irrigation/Agriculture hnuaiyah Power Tiller 54 zet min pe tawh a. Champhai zawl khi Mizorama phaizawl zau ber a ni a. Tunhman chuan Lawi nen lo kan nei thin a ni. Lawi kan veng a, “Her rawh, Pa Mawi”, kan ti thin a. Khatiang vela insawh insawh kha kan ni a. Mahse, ram a lo changkang a, ram a lo thang a, khawvel hmasawna nasa tak karah kan awm a. Chutah chuan ranvulh te a lo rem tawh lova. Tichuan, kan hotuten khitah fing thiam takin Power Tiller min rawn pe ta a, kan lawm khawp mai. Tunhman atangin Agriculture lamah hian sorkar hrang hrangten hma an lo la nasa tawh thin a. Tlangram lo neih te, terracing te, eng eng emaw kan han ti thin a, tunah khian Irrigation field ah pawh nasa deuhin hna kan han thawk leh mek dawn a ni a. Champhai chu a bikin kan lawm a ni. Power Tiller min pek te, tui tha tak tak, ruahmanna fel fai tak tak kan sorkarin a hmalakna khi min rawn hmuh pui thei hram ulang chuan kan Aizawl West bialtu te pawh kha ka sawm che u a ni. Champhai College te kha chu ni e, in lo hriat chuan a lawmawm e. Chu chu Irrigation leh Agriculture lamah khian nasa takin hma kan sawn dawn a ni tih kha kan han hria a, ka lawm khawp mai.

Tin, MLA fun chungchangah kha chuan nichina Pu Duha, Aizawl West bialtuin a rawn sawi ang kha a ni a. Champhai khian harsatna neuh neuh kan han nei a. Khalai te kha chu kan hotute khan an lo ti leh turah ka ngai deuh hlek a. Kan harsatna tawh khi chu la sawiho turah pawh ka ngai deuh a ni.

Privatisation chungchang kha Mizoram ah hian a hrim hrimin khilai winery a ni emaw thil dang hrim hrim pawh ni sela, Privatisation hi khawl hmanga kan ti tak tak dawn a nih paawhin, power lamah kan la intodelh loh lutuk avang hian harsatna kan la nei hrim hrim a ni. A bik takin Champhai lamah pheii chuan power lamah kan la hniam em em mai a. Tunah hian kan hotu te, winery hotute leh hmun dangah pawh in set up tum mahsela, eng industry hnuaiyah pawh ni sela a la tih theih tak tak lo a ni. Tuna kan winery ah pawh khian second hand dawrah kan lei a, tha deuh deuh nia kan hriat, kan han hawn a, In ah chuan a lo fual leh duai ang si kha a ni theiin ka hria. Belhchian ngai deuh hlek chu a ni ve a ni. Ral atang hi chuan a thu thiam zualin helaiah kan hotute bengah an rawn sawi a. Hneh deuhin an rawn fah a,

tahchuan a lo mam pur lo thei lo a, kha kha an lo ring lo thei si lova. Mahse, en chet chetin a chhe chet chet tih kha a ni ve bawk a ni.

Sangha khawi chungchang kan tih, kan Tuipui East bialtu zahawm takin a rawn sawi te kha a tha khawp mai. Sericulture hi Champhai ah khian a prone area kan ni a. Hei Sasawthing tha duh deuh mai kan nei a, Thingtheihmu te khi a tha duh a, kan hotuten hma an la rawn la chho zel turah ka ngai a. Ka rilruin, “An va hrechhuak tlai ve”, ka lo ti deuh a ni. Tunah hian kan hotuten chak takin hma lak an tum a, ruahmanna te an nei chho zel a. Khulai ah khuan anni pawhin Inspector mita min lo thlir mai lo khan a thatna angte chu kan Minister te pawh han rawn thiam ta sela, ram tana theih tawp chhuah kan nihna laiah hian tangho ila, Mizoram hi kan siam ang.

NLUP chungchangah in tlak phah kan hlau e, tih ang deuh kan an sawiin ka hria a. In kal zel dan tur kan ngaihtuah pui che u, tih kha an sawi bawk a. Theihtawpin kan hotuten an ngaihtuah a, hma an la chho zel ang a, min lo ngaihtuah pui a nih pawhin kan hnial thei lova, an ngaihtuah a ni mai. Zoram mipui tan, rethei ten lei rem a rahna ngei tur khan kan hotuten an ngaihtuah mek a. Chutah chuan kan famkim lohna laiah te min finchhuah turin ka sawm bawk a ni.

Ninchina ka sawi ang khan tam tak han sawi ka tum lo a, han sawi leh ka duh a chu – kan sorkar hian crore 31 Police Station, Border Area-a sakna tur atana a rawn dah hi tha ka ti khawp mai a. Kan Speech phek 8 naah khan a awm a, kha kha a ropui ka ti. Tun hmam State kan nih atangin hun a lo kal zel a, sorkar hrang hrang kan inpuhna tam ber leh ram hmangaih taw lo anga kan inpuhna tam tak kha chu kan Mizoram hi a hek chak lutuk a, hnam dangin min neih khalh min neih khalh a. Tin, midang, neitu ni lo an phur lutuk a tih leh kan ram humhimna chungchangah hian inpuhtawwna hi a nasa tawh thin a ni. Chutah chuan BSF leh thil danga innghat mai lovin border area hmun ngeiah hian mahni mi ngei kan MAP te an duty dawn a ni tih ka hriat hian ka lawm khawp mai a. He kan ramin harsatna a lo tawh thin, ramri hrula helho an ni emaw, tu tuten emaw kawhmawh an lo bawl thin ang zawng zawng kha he Outpost kan din hunah chuan a reh ang tih ka ring a. Helai ah hian a hnam hmangaihtu tak takten sorkar-na an chang ta a ni lawm maw ni le, an hmalakna hi a ropui riau mai ka ti a ni.

Tin, a tawp bera ka sawi duh leh chu tunah hian Sainik School kan han nei leh dawn a, hei hi ropui ka ti. Hei India ramah hian kan awm chhung chuan Sipai hi eizawwna ropui ber a ni reng dawn. Tunhma chuan Manipur aiin Mizoram in Sipai kan nei thahnem zawk daih thin a. “Mizo Sipai chu huai pawh an huai a ni”, an ti thin. Amaherawhchu, Manipur ina Sainik sikul an han nei atang khan ka pha ta lo riau mai a. Mizoram in Sainik sikul kan nei ve loh avang hian harsatna kan tawk a. Chuvangin a sipai community ang zawng pawhin Manipur saw kan pha lo nasa tawh a ni. Tunah kan hotuten hetia felfai taka vaibelchhe 50 Sainik sikul siamna tur atana ruahmanna an han siam hi ropui kan ti a. Ruahmanna takah chuan crore 80 vel niin ka hria. Hei hi a first installment chauh a la ni lehngal a ni. Chuvang chuan lawmawm ka

ti a. Sipai lut tur hian Lammuala in kohkhawma tlana tlin theih a ni. Amaherawhchu, hetah zirlai pawl 2 pawl 3 an nih atangin Sainik sikula luh chhoh zar zar chuan chance a tha bik em em a ni. India ramah leh Mizoram ah hna a vang tawh a, helai hna vanna tam tak karah hian kan nau te tam tak he Sainik sikulah hian kalin Sipai ah an lut thei dawn a ni, tih kha ka han hriatin lawmawm ka ti hle a ni. Ka lawm e.

Pu K. LIANTLINGA : Pu Speaker, ka lawm e. Hei, vawiin ah hian kan Budget General Discussion kan nei dawn a. Sawi tak ang khan vote on Account chu a ni lo deuh a. Budget puitling ang chuan kan han kalpui a. Chuvang chuan vawiin ah hian sawi tur awm vak pawhin a lang lova. A hma, a ngai ang deuh kha a ni mai a.

Tin, kan Finance Minister Budget Speech kan hmuh pawh khan thil thar em em hmuh tur a awm lova. Sum leh pai hman tur erawh chu a awm dawn a. Chuvang chuan 'A lawmawm e' tih kha a ni mai.

State changkang leh hmasawn te tih dan anga kal ve hi tha viauin ka hria. State hmasawn ten an kalpui danah chuan, khawi atang hian nge sum leh pai kan chawh luh ang? Revenue source hi ngaihtuah a ni thin a. Chu chuan Central Budget pharh te pawh hi engtin nge ni ang, thil man a to/tlawm dawn em? tih te ngaihtuahin kan lo thlir a ni a. Estimate Revenue ah hian State owned Tax Revenue ah hian Rs.118.26 crore, a ngai ngawr kha a ni mai a. Tin, Non-Tax Revenue ah hian Rs.166.37 crore kha beisei leh a ni mai a. A vai belhkhawm khan cheng vaibelchhe zahnih leh tlem (284.63), i ti mai ang, khatiang kha a ni a. Chuvang chuan a dang kan han sawi tak zawng zawng kha chu Central grant, khawi atang emaw a hmuh, a thlawna inpek mai a ni a. Khami ni lo khan kan State hian enge Revenue kan neih theih ang, khawi source atangin nge kan tih ang, Tax te hi khawi atangin nge kan lak ang, engtin nge niang kan intodelh dan tur hi, tih ruahmanna hi a langin a hriat loh a. Heti lai, a tawp lama han thlirna ah pawh hian Excise te, Vat, Land Revenue, Stamps and Registration leh thil dangte atanga kan tih khan tlem te te tih a ni ang, tih hmasawn hret tum a ni ang, tih vel chauh kha vawiin ah hian pharh a ni.

Central atanga kan hmuh Grant hi chu Grant a ni mai. Keimahnintodelhna tur leh State-in ke kan penna tur leh hma kan lakna tur atan hian sawi a tam lo hlein ka hria a. Hei, tunah Department 18 laiin an Budget an pha lova, a ngai angah khan kan Budget pawh vaibelchhe 1250 leh Non-Plan ah khan 2134.66 chauh kha a ni a. Tichuan, leh lamah Supplementary Budget ah khan nuai 64280 a lo awm a. Mipuiin an lo nghahhlelh leh an beisei em em ang chi, entirnan – NLUP ang te pawh kha tunah hian la tih ni si lovin hetiang sum hi kan hmang zova. A tirah khan Agriculture ah crore 105.05 kha dah a ni a. Lehlamah hei ruling party ten in duh hmanhmawh an han ti tak na a, thil hi hmanhmawh loh theih pawh a ni lova. Cheng nuaikhat sem tih te kha chu December, 2008-a pek tura inthlanna-a tiam a ni tawh a. Tunah hian kum 1 leh thla 3 a kal tawh a ni. Chuvang chuan kan hmanhmawh a ni lova, mipui hian

lo nei lovin harsatna tawkin, beiseiin, lumtea thlir taka an thlir hi heti em ema muangchan pui tur pawh a ni lova. Heti lamah trade selection chungchang thuah te harsatna an siam a, party induhsakna in an kal a, harsatna tam tak a thleng a ni. Tunah hian a nih leh NLUP hi Congress Policy a ni em ? 8th December, 2008 hma kha chuan Congress Policy a ni. Amaherawhchu, vawiin ah hian in policy nge sorkar policy ? Chu chu inngaihtuah a ngai a ni. In Policy kha sorkarna in chan hnuah chuan State Sorkar Policy a ni, mipui maktaduai khat te ta a ni, in ta bik a ni lo, tih kha in hriat a pawimawhin ka hria. Chuvang chuan a selection chungchang thuah te hian engatinge Selection Board in siam a, engatinge party induhsak nan in hman ? Mipui nu leh pa dinhmunah ding ula kan duh a, chung avang chuan vawiin ah hian ka sawi duh a ni. Kan hman tur a ni lo, a hlawhtlin pawh a hlawhtling ang, hlawhtling tur pawn kan beihpui ang che u, a tha lamah chuan hma kan sawn tur a ni. Amaherawhchu, induhsak bikna, Nepotism atan hian hmang suh u. Chuvang chuan he kan Budget pawh hi ngun taka thlir a ngai a ni.

Tunah pawh hian cheng vaibelchhe sangthum/sangli kan pass leh dawn, kan Budget ah hian a awm dawn, inta a ni bik lo a, mipui ta a ni. Mipui maktaduai khat te ta a ni, tih hi kan Ruling Party te leh Treasury Bench ami pawh hi ka hrilh duh a ni, mipui hriatah ka sawi duh a ni. Mizoram sorkar policy a ni tawh, adopt tawh a ni tih hi vawiin ah hian mipui tlang hriat a ni a, Chuvang chuan helai hi ngun taka kan ngaihtuah ngai niin ka hria a. Tin, chutih lain eng emaw insawichhiatna te pawh a awm thei, tihsual palh awm thei a ni.

Health Department chungchang ka sawi duh a. Rs.6.50 crore (cheng vaibelchhe ruk leh maktaduai nga) bo kha hei kan Minister pawhin ti hian a sawi a. February ni 11, 2010 ah Aizawl Post-a tarlan dan chuan NRHM sum Rs.6.50 crore (cheng vaibelchhe ruk leh point nga) bo chungchangah hian Congress sorkar pawh hi a lu a hai hle, a ti a ni. Kan han chhui let hian cheng vaibelchhe sawm sanction na chauh kan hmu a, cheng vaibelchhe ruk leh maktaduai nga awmna hi kan hmu zo lo a, Central sorkar ah kan zawt fiah mek a ni, a ti a. Pawisa rawn pek a nih hnu pawh hi 31st March, 2007 a ni, a ti a. Chuvangin, cheng vaibelchhe ruk leh maktaduai nga bo kha ka zawn hmuh sak duh che u a ni. Vawiin ah hian hei hi Aizawl Post-a chhuak a ni a. 11th Feb., 2010 ah khan in la hmu lo a nih chuan, hetah hian a hmuhna lehkha ka chhiar ang a, ka'n zawn hmuh sak ang che u, a lawmawm dawn khawp mai. A subject ah chuan 'upgradation of Civil Hospital in Champhai District' I am directed to refer to your letter No.G.20011/10/2006/NRHM/MSHS(SPMSY) Dated 29th Feb., 2009 on the subject noted above, and to say the following :- An amount of Rs.16.50 crores has been approved for the State Civil Hospital Aizawl during 2007 & 2008 and 2009. It may be noted that Rs.10.00 crores was sanctioned/released during 2006-2007, while Rs.6.50 crores has been approved for release through the SPIP during 2009-2010 tih a ni. Chuvang chuan he pawisa hi tunah hian 2009-2010 ah hian State Programme Implementation Plan ah a rawn pe dawn a ni tih kha a sawi a ni. Chuvang chuan hei hi thenkhatah chuan intih hmingchhiat tum nan te pawh thil awm thei a ni a. Kan sorkar pawh hian sum leh pai chungchangah hian a fimkhur tawk a ngai hlein ka hria. Mi tul

lovah a intih hmingchhiat theih a, a inmahpuh theih bawk a. Chuvang chuan fimkhur a ngai hlein ka hria a ni. A dang kha chu sawi vek lo mai ila a thain ka hria, tun dinhmunah chuan.

Tin, ka sawi leh duh pakhtah chuan, Human Resource Development hi a pawimawh ber mai a, development hna kan thawk tak tak dawn a nih chuan. Mihringte hi kan in developed loh chuan infrastructure ropui tak tak pawh nei ila, tihngaihna a awm chuang lova. Chumi changkanna atan chuan Scholarship Board hi separate-a dah tumna te pawh a awm niin ka lo hria a, a lawmawm hlein ka hria. Thalai singhnih/singthum in kan Governor Speech ah pawh khan scholarship an hmuh dan te, tin, stipend hrang hrang hmangin zirlaite kan Department-in a chawm a, cheng vaibelchhe 20 chuang hi kumtin zirlaite tan hman a ni. Amaherawhchu, ka hriat sual loh chuan hemi scholarship hi separate-a dah chungchangah hian Chief Minister Secretariat atanga khai tur ni awm tak te khan an sawiin ka hria a, memorandum pawh Cabinet-in an pass tawh niin ka hria.

Amaherawhchu, hmasawna hi kan ti tak tak dawn a nih chuan, Foreign rama zir tur leh India ram chhunga zir turte tan pawh hmasawna tur kan ti tak tak dawn a nih chuan, kan ram sorkar pawh hian ngun taka a ngaihtuah a ngai dawn a ni. MBSE (Mizoram Board of School Education) ang deuh hian a dah hrang dawn a nih pawh autonomous body-in legislate ila, he House ah ngei hian a Act siam ila, Rules fel tak siamin President leh Secretary te engkim siamin Budget Head pawh awm sela. Amaherawhchu, Nodal Department erawh chu a ngai a ni. Higher Technical Education Department chu a Nodal Department ah a awm chuan a tha a ni mai a. School Education hnuaiyah MBSE tha taka a function ang hian, Nodal Department, Higher & Technical Education Department hnuaiyah hian tha takin function sela a thain ka hria. Ka hriat sual loh chuan Scholarship Board Secretary pawh hian Secretary, Higher & Technical Education Department hnenah joining report a pe ni awmin ka hria. A that dan tur berah chuan memorandum mai ni lovin, legislate ngei ila, autonomous body-in awm sela, President te leh Board Member te awmin mumal takin kal sela. Chutiang a nih loh chuan sorkarin a duh ang anga thil a siksawi chuan mu leh mal awm lovin kan ti a nih chuan a tha lova, thil tha duhna ah hian hmanhmawh lutuk chi a ni lova.

Amaherawhchu, mumal taka kan siam chhoh kha a ngaiin ka hria a. Chutiang ang kawng hawi zawng pawh chuan waviin ah pawh hian kan House hian tan la turin kan Minister te leh ruling lamte pawhin khatiang ang hawi zawnga rilru kan siam kha a ngaiin ka hria a. Chungte avang chuan waviin ah hian uluk taka thil ngaihtuah a ngai a ni. Kan Budget chu nakinah chuan lo pung deuh pawh ni sela, thalaite hmasawna tur ang tak tak atana ke pen tur hi chuan tan lak a ngai a. Chutiang chuan tunah hian hemi kan Budget atanga an han dah chhohvah pawh hian, entirnan – Higher & Technical Education hi chu a pung lem lo a ni, tunah pawh hian. Hmasawna tur atana pawimawh ber a chu zirna lam hi a ni tih kan hriat theuh ka ring a. Chungte avang chuan thahnemngai taka tan la turin leh NLUP chungchang thuah pawh hian kan sorkar

hian fimkhur deuhin, a tihhlawhtlinna tur zawnga ngaihtuah ni ta sela thain ka hria. Induhsakna te leh engemaw hleihluak tak te awm lova thil a kal a, ngun taka Tlumtea thlir taka an lo thlir hi tihhlawhtlin theih ni sela a thain ka hria. Chung chu vawiin ah Pu Deputy Speaker, ka sawi theih ni mai teh se. Ka lawm e.

DEPUTY SPEAKER : Awle, Member ten kan thusawi han tihfiah nana engemaw lehkha kan chhiar duh a nih pawh khan, Chair phalna kan la dawn nia. Awle, tunge sawi leh dawn le ? Sawi tur kan awm tawh nang e ? Awle, Pu Zothangliana i lo sawm ang.

Pu H. ZOTHANGLIANA : Pu Deputy Speaker, ka lawm e. Kha i veilama thuten kan sorkar Flagship Programme NLUP min ngaih pawimawh pui zia an rawn sawi nasa a, lawmawm ka ti a. Chutih rual chuan kan sorkar min kaihrui te, kan hotu te, kan Leader Pu Lal Thanhawla leh a Council of Ministers te hi experience pawh nei tha ve tawk, India ram pumpui han thlir pawha zahpui awm lo an ni tih hi an theihngihl palh emaw ni aw ! tihna ka nei a. Entirna atan chuan sawitu hnuhnung lam ina an sawi ang deuh a, party programme leh policy leh sorkar policy inkhaidiat chhoh dante hi kan hotute hrilh hrep an ngai an han ti te kha, anni te, keini tena experience kan la neih loh vang zawk a niin ka ngai deuh a.

Ka'n sawi tum a chu kan hotute hian sorkarna min lakpui hma kha chuan party policy a nih zia te an hria a. Tunah NLUP ngai pawimawh tak mai sorkar a lo din takah chuan party policy ni tawh lova, sorkar policy a nih zia te hi hrilh nawn an ngai lova, an hre chiang em em a ni. Zoram pum tana a that dan tur angin ruahmanna an siam a, a tak takin an kalpui chho mek a ni tih hi ka han sawi chiang thar ve leh duh a.

Tin, Member zahawm tak tak thenkhatte khan party, engemaw bik induhsakna hleihluak a awm palh ang e, tia hlauhthawn thu an han sawite pawh kha an thahnemngaihna, he NLUP hi mirethei te, kuthnathawkte khai chhuahna atana hmanraw tangkai leh hlu tak mai, a bak beisei leh chuang tur a awm tawh lo a ni tih min hriatpuina avang a ni tih kan hriatthiam rualin, chutianga anga induhsakna hleihluak a chu a awm dawn lova. Kan hotuten a party chhungah a ni emaw Congress Legislature Party ah a ni emaw, puipunna hmun dangah pawh min zirtir dan leh min kaihrui dan chutianga ang chu a ni reng reng lova, hlauhthawn tur a awm lo. Zoram pum tana a that dan tura kalpui a ni dawn a ni tih hi ka sawi duh a. Tun apanga engemaw tizawnga Nepotism a awm ni awma an han sawi ngawt a te kha an rinthu mai a nih loh chuan eng evidence mah hi a la awm lo a ni tih pawh a chiangin ka hria a, ka sawilang duh a ni.

Tin, mirethei VIP an ni ang ti siin, an va han VIP si love, rahbeh an ni zawk lo maw ? tih ang zawnga ngaihdan rawn sawi te pawh kha an awm niin ka hria a, Member zahawm takte zingah. Amaherawhchu, a thu mai ni

lovin a tak a hi zuk en chiang hlawm ta ila a thain ka hria a. Entirna pahnih khat lek han sawi ta ila. Han ti ngial ila, keini bial ve lamah chuan IAY kan tih, mirethei chhumchhia te, hmeithaite In sak tanpuina kan tih hi Ministry hmasa hunah khan, kum 10 chhung khan khawtin ah pahnih te, pathum te a tam lamin pali/panga ten an dawng a. Tun sorkar thar a lo pian tak hnu erawh hi chuan kum 10 chhunga an sem zat aia tam khawtin ah kan hotute hian an sem tawh a ni tih hi an hriat a, kan hriat tlan a thain ka hria a. Chu chuan enge a entir kan tih chuan tunhma khan engvangin nge IAY a taka sem theih a tlem, a chhan ka hre lova. Engpawhnise, tuna sem tam theih a nihna chhan chu engkim hi a langtlang ta a. Mirethei te hi sorkarin tih tak takin a hmangaih a, chuvangin thup then, hupbeh then awm lovin a za vaiin kuthnathawktu te, mirethei dawmkan ngai te tan pho chhuahin a awm a, tarlan a ni a, dawn tir ngei a ni bawk a ni tih hi a chiang ka ti a ni.

Tin, Pu Deputy Speaker, Minor Irrigation hi Department pawimawh tak mai a ni chho a, a ni chho zel dawn pawhin a lang a. Minor Irrigation hian chhim lamah te, chhak leh thlang, hmar lamah te nasa takin hma a la a, a la mek zel a, a lawmawm ka ti a. Keini bialah pawh mahni hriatchian lam a nih avangin han sawi zel ila. Minor Irrigation ah hian term hmasa hunah apwh khan pawisa a tam hle a ni tih hi chu kan hria a ni. Amaherawhchu, hetah a sang ber atanga a hniam ber village level-a MR-a an rawih thlenga engemaw ti zawnga inthlung thla vek an nih vang a ni em, chu ka hre lova. Mahse, keini bialah bik chuan chu an awmdan a ni a, chungte avang chu nge ni, a chhan taka chu ka sawi fak thei lova. Engpawhnise, pawisa a tam ang huin a taka hnathawh a awm lo hle a ni. Tun sorkar tharah erawh chuan hun reilote chhung hian a tak taka hnathawh a ni a, kuthnathawktu te, lonei mite pawh an lawm thlawt a ni. Chu chu keimah pawh hian a takin ka mitin hmun tam tak chu a hmuh pawh ka hmu nghe nghe a ni, tih te ka sawilang duh a.

Tin, nichin khan Health Care chungchangele leh nimin lamah te, hun hmasa lamah te School hrang hrang dinhmun sang zawka hlankai, vawiina sorkarin chhunzawm harsa a tih anga sawi rik te a awm a. A dik theihna chin pawh a awm ang. A chhan chu sorkar hmasa khan by hook or by crook-in power hi chang tlat mai ila, a dik emaw dik lo emaw thuneihna hi han chang leh phawt mai ila chuan a tlachawpin kan kal dawn nia tih policy kha an dinpui nia a lan tlat avangin a ni. Inthlan dawn hmasa kum 2003 inthlan hma lawk khan School 80 chuang zet mai dinhmun sang zawkah an hlangkai a. Chu chu inthlan an han hmachhawnah khan sorkarna te an han chang zui ta a. An zawngchhang a niang chu, tun inthlanpui lo awm leh tur hma lawkah khan School 300 vel zet mai phuahchawpin an hlawh pek dan tur pawh engmah provision awm chuang lovin, sorkar dan ang pangngai pawh zawm chuang reng reng lovin dinhmun sang zawkah an han dah leh thuai ringawt mai a. Kan dah thuai ang a, mipui an lawm ang a, min vote tling ang a, min vote tlin leh hunah chuan chhuanlam eng eng emaw kan siam ang a; kan tihlawhtlin zui loh pawhin a pawl lo an ti nge ni, kan sawi vek thei lo. Engpawhnise, chutianga ngaihtuahna seng awm fahran chuan thil an han ti leh ta a. Mahse, mipui an lo a reng tawh bik lova, sorkarna chu tlachawp, phuahchawpa kal zel turin anni kuta hlan an lo remti ta lova, tunah hian mumal zawka sorkarna a kal theihna

turin Congress party chu sorkarna chantir a lo ni chho ta te hi a lawmawm ka ti a ni.

Health Care chungchangte an han sawi leh thin a. Nichin ah kan Member zahawm tak pakhat khan a hriat dan a sawi a. Bajaj Alliance-a vaibelchhe sawm, a pung uma mipui thatna tur ngaihtuah ni awm taka dah nia a rawn sawi pung ta zat a kha cheng vaibelchhe nga a ti tain ka hria a. Mahse, nimin tlaia an hotupa ber ka zawh fiahna ah chuan chutiang ang zat chu a tling awzawng lo a ni, tih ka sawi chiang duh a. Kan hriat dan a in ang lo palh te pawh a ni ang e. Chumi rual chuan, khatih hun laia kan hotupa ber Health lama min enkawltu pa ber, tu leh fate laina hnai zual tak tak tena commission-a an pawisa dawn zat a chu Rs.1.2 crore commission ah an dawng a ni. Chutiang ang te chu kan thil lo kalpui thin dan a nih avangin Health Care a te pawh hi Mizo mipui tena kan mamawh a nih bawk si avangin, hun reilote atana mipui lawmna ringawt ngaihtuah lo hian a tlo zawk theih dan tur, rei tak kan ram ina a tak taka a hman theih dan tur kawng dapin kan hotute hi an hmanhlel a; ruahmanna tha zawk an chherchhuak mek a ni tih hi, he House zahawm tak kaltlangin Zoram mipuite ka han hriattir thar leh duh bawk a ni.

Hei, kan Budget chungchangah hian sawi tur a tam khawp mai a. A hmasa bera ka'n sawilan duh zawk a chu kan Leader zahawm tak, kan Chief Minister leh Finance Minister ni bawk ina a rawn sawi ang khan Central sorkara Public Expenditure Review Committee-in vawi tam tak State sorkar hrang hrang hnena suggestion a lo siam angin kan Budget a hi kum khat chhunga a hmawrbawkna lamah emaw, a engemaw hun laia bawk fal riau a, pawisa hman vekna awm thin hi ram tan a tha lova. Chu mai piah lamah chuan corruption atana remchang awm theihna a nih avangin heng hi tihbo hram hram tur a ni, a tih ngaipawimawhin leh ram tana that zawkna tur a nih avangin tunah hian kan Plan size hrechiang lo mah ilang, Budget puitling pharh a hi a tul a ni, tiin kan hotupa berin a rawn chhawpchhuak hi a tha em em a; a thlawpawm hle a ni tih ka sawi thar duh a. Eptu lama kan hotu lam pawhin chu chu an hrethiam a, a hmam lo inrawn te chu ni sela a tha leh zual tur tih mai kha a ni a. Hei hi hmalam hunah pawh kan kal dan a nih chuan kan State sorkar sum hman dan pawh hian awmzia a neiin, rah tha a chhuah leh zual ang tih pawh ka beisei a ni. Sawi duh ka ngah hle a.

Nichina kan Member zahawm tak pakhatin a rawn sawi tawh kan Tax chungchangte pawh hi sawi a tul ka ti a. An rawn sawi thuak thuak nain thual nawn chiang leh zual deuh ta ila.

12th Finance Commission khan kan Tax base chungchang a project min estimate sak chu 1.1 a ni a. Amaherawhchu, a tak taka han chhutchhuah hian 2.12 a ni a. Chumi awmzia chu min project sak aiin a let deuhthawin kan dinhmun a tha tihna a ni. Chumi in a ken tel tak chu kan hotuten tul leh tha nia an hriat a, ram mipuiina kan zo chho ve zel dawn nia a lan bawk chuan kan Tax base pawh hi, kan chhiah lak theihna base hi kan zauh zel thei a. Tin, a rate sang zawk pawhin pek theihna chance kan nei tha em em a ni tihna a ni a. Chu chu thil lawmawm tak a ni a, a tul em em bawk a. Kan hotuten an

sawi thin ang khan Fiscal Responsibility and Budget Management Act te pawh India sorkar laipui hi chuan a ngai pawimawh em em a. Chumi dungzui chuan Zoram pawhin Mizoram Fiscal Responsibility Act, 2006 leh Rules te pawh a lo siam tawhin kum 2007 atang khan hman a lo ni a, a lawmawm hle a. Chungte avang chuan tun dinhmunah chuan kan Fiscal deficit te pawh nikum lam ngaihtuah chuan tlemin a lo tlahniam ta a, a lawmawm a ni. He kawng tha leh kawng dik zawh tul tak mai kan zawh zelna tur hi chuan kan sorkar hotute an pawimawh rualin Opposition lama kan Member zahawm tak takte pawh an pawimawh em em a. Mipui inzirtirna kawngah kan tanrual a ngai a. Kan hotupa-in a sawi ang khan, a tul a nih chuan kan kawngren pawh tih chip deuh a, kan ip deuh te pawh a ngai dawn a, kan insumkar deuh te pawh a ngai dawn a, an insumkar te pawh a ngai dawn a ni.

Thil pakhat chauh sawi ta ila, Buhfai kan mamawh nasa em em a, Buhfai leina ah a figure chiah ka sawi thei lo nain, economic cause-a kan lei nawn leh mimal hnena kan pek chhuahna inkar hi a sang em em mai a. Chuta State sorkarin a sum hloh a chu cheng vaibelchhe 10 vel kum khatah a lo ni zel mai a. Hengte pawh hi kan ngaihtuah chian a, tih dan kawng thar tha zawk dap te pawh a ngai em em a ni.

Hetianga Central sorkarin FBI Act siam thar tura kawng thar zawng tura min kalpui chhoh theih chuan Department relief a pawh hi, leiba min ngaihnhathiam tur a pawh hi 75.1 crores a tling a ni. Chutiang a nih avangin Central sorkar duh dan ngaih pawimawh a, a tul tlat a nih chuan keimahni pawh hi kan inhreka mipui pawh kan inzirtir tam hi a tul em em a ni. Tunhma-a arte khingbai a waviin ah hian nuam phawt mai ila, chan tha chang phawt mai ila, thil ti chawpin hril rawh se, ti ang policy kha chu kan kalsan ngam a hun a. Kan Budget present danah pawh hian a lo lang chhuak te hi a lawmawm ka ti a. Mipui tihlawmna ngawr ngawr pawh hi kan pute hian duh ta se, tun aia mipui tana lawmawm tur hian kan Plan size ah ringawt hian ruahmanna a siam thei dawn a, chu chu kan hria a ni. Amaherawhchu, chutiang ringawt ni lovin Pu Speaker, kan hotute hian mipui tihlawm ngawr ngawrna tura siam chu Budget chhungah hian, Plan size chhungah pawh hian a har hauh lo a ni. Chu chuan khuarei ah thil tha tu tan mah a thlen dawn chuang lo a ni, tih kan hotuten an hriat chian em em avangin Budget hi control a ngai a. A kawng dika khalh a ngai a ni tih hria in mipui lawm zawng ber tur ringawt ngaihtuah lovin, Budget tha leh puitling, rinngam tlak tun tumah pawh present ngam a rawn ni leh ta hi a lawmawm ka ti tak meuh meuh a ni.

Engpawhnise, State specific need ah hian thil tha tam tak a lo lan rualin keini chhimlam ho saw dawmkan ngai leh zual bik kan ni a. Autonomous District Council pathum te tan infrastructure development atan cheng vaibelchhe 25 ngawt mai a lo lang te hi a lawmawm ka ti a. Tin, Fire & Emergency Service lam tih changtlun chhoh kan mamawh zia te pawh hriain cheng vaibelchhe 20 lai mai ruahmanna a lo awm te pawh hi a tha, a lawmawm ka ti tak meuh a. Tah pawh hian hei Mizoram khawpui ber mai chauh nilo, Lunglei ah te leh hmun dang dangah mamawhna a sang em em a. Lawngtlai ah chuan Fire tender neihchhun a te chu a hluiin a rintlak tawh loh hle mai a. Heng

atang te pawh hian min tihchangtlun sak theih ang tih ka beisei hle a ni, tih kha ka sawi duh a, Pu Speaker, ka lawm e.

S P E A K E R : Le, a lawmawm e. Hei, a rei tawlh tawlh a, kan tui dawn tan e. A ngaihnawm tawlh tawlh tawh dawn a ni. Naktuk lam pheii chu a ngaihnawm khawp ang. Tunge han sawi leh dawn le? Awle, Lt. Col. Z.S. Zuala i lo sawm ang.

Lt. Col. Z.S. ZUALA : Pu Speaker, ka lawm e. Hman nia UPA sorkar Chairman Pi Sonia Gandhi ina Rajiv Gandhi Stadium a hawn khan, ka lo chhinchhiah chu, pawisa lampangah harsatna a awm lovang tih kha a sawi a. Hengte hi thil tha leh 'change' ropui tak niin ka hria a. NDA sorkar chung zawng Delhi lampanga an hotute lo kalin, harsatna in nei em? Harsatna in nei lovang, kan rawn puhruk ang tih t e a awm ngai kan hre lova. Tun sorkar tharah hian India rama sorkar hotu berin harsatna in nei em? Harsatna in nei lovang, min rawn ti duh te kha thil tha ah chuan ka ngai a, a thlamuan thlak hle a ni.

Tin, Budget Speech Finance Minister-in a tih hi a ropui a, thil thar a tam mai a, change te pawh a awm hlein ka hria a. Ropui hlea ka ngaih chu 'Newly signed contributory Pension Scheme', hei revolution a tling dawnin ka hria a, kan pension pek danah hian. Tunah chuan hei kan hria a, pension payment chungchangah hian sum tam tak a kal a. Hetiang scheme hi kan hotuten an rawn chhawpchuak ngam ringawt pawh hi huaisenna a tling a, ngaihtuahna tam tak an sen hnuah an rawn ti a nih ka ring a. Hetiang scheme hi Central-a Department tam tak khuan an follow dawn niin a lang a. Tin, Synod pawh hian hetiang hian kalpui an tum a, hengte hi thil thar leh ngaihtuah tham leh challenging tak niin ka hria. Hei hi a ropui hlein ka hria.

Tin, chulo lehah chuan Bru Repatriation hi sorkar hmasa atang khan engchen nge an lo chaih tawh ka hre lova, reife kha an lo chaih tawh a, kan misa te ngei ngei refugee camp-a awm rengte tan hi chuan Jubilee dar a ri hi a ni ringawt in ka hria. Hei hi a ropui khawpin ka hria.

IR Battalion 5 (panga) kan nei a, hei hi sorkar hmasa atanga kan rochun te kha an ni a. Hemi te Deployment hi kan ngaihtuah a thain ka ring a.

Mizoram ah chuti takin Law & Order problem kan nei lova, 5th IR Battalion din dawn hian State pawna deployed theih tura tih an ni a. Kan hriat angin Gorkha sipai brigade 2 British sorkarin an ramah a (deploy) ruai thin a, engemaw lai atang khan (brigade) khatah an tla thla tawh an ti a. Khatiang deuh khan kan sipai huaisen, Mizoram sipai huaisen te hi pawn lamah hian zuk duty se, khatah khan kan income leh kan police te tana employment tha tak a ni ang. Hei hi a thain ka hria a, kan battalion 5 (panga) ah te hi chuan 50% te hi chu pawnlamah hian deploy thei reng mai ila a tha maiin ka hria. Tin, IR Battalion pawna kal tur, kal ngam meuh lo, kal hreh hote pheii hi chu ban hial khawpa vau a thain ka hria. Hmanah khan kan Chief Minister khan Passing out

ah khan a sawi tawh a. Chutiang zulzui bawk chuan kan Home Minister hian a ti a. Mizo tlangval te hi engatinge pawn lamah kan kal chhuah ngam loh ? Tunhma in 2nd World War ah kan tlangval tha ber ber te Indona ah an kal a, ram hming an ti tha a. An lo haw a, Mizoram sorkar ah nihna pawimawh tak tak an chelh te kha kan thalaite hian an zir chhuah a ngaiin ka hria a. IR Battalion pawn lama deploy hi a thain ka hria.

Tunah pakhat pawn lamah an awm a. Hemi te pawh hi duat an thain ka hria. Heti lama kan hotute pawh hian a theih chuan han visit leh zauh thin se, kan thalai tan pawh moral busting an tih ang chi tan a thain ka ring.

Finance Minister tan te hian a luhai thlak hlein ka ring a. Co-operation PSU, kan Co-operation hi a tam zawk hi chu a vai mai hian hlohin an kal a ni a. Co-operation tum danah chuan profit making a nih loh pawhin Public Service tal ni rawh se, tih principle hi a awmin ka hria a. Kan Co-operation te tun anga lost-a an kal zel chuan engchen nge kan in chhawm chhoh dawn ? Hei hi kan sorkar hian uluk taka a ngaihtuah ka duh a. Nakin zela kan burden ni tur hi chu tihthlak ngam pawh a thain ka ring. A management pawh hi a thente hi chu han enchian chuan management tha lo tak takte a awm a. Entirnan – Ginger Dehydration Plan te kha 47 lakh-in lei a ni a. Hun kal tawh chu a ni chungin a example ah han sawi ka duh a. Chu chu an han install a, hmang lovin, trial pawh tih theih loh chu 2001 khan auction-in khami ah Rs.55,000/- in an ti ral leh ringawt mai a. Hetiang anga kan Co-operation kan sawisa dawn a nih chuan public ah kan insawi fihlim zovin ka ring lo. Assistance towards Ex-Servicement World War-II Financial Assistance te tunah hian an enhance a, khangte kha a lawmawm hlein ka hria.

Tin, Food subsidy ah hian kan deficit phah nasa hle a. Hei pawh hi a remedy a awm thei ang em aw ! tih te.

Hei, leilet hmun WRC hmun tam tak kan nei a. Mizoram inchawm thei khawp report te pawh a lang a. Heng kan leilet hi enkawl tha ila, intensive farming-in ti ta ila. Tin, henga kan thar te hi phai lama vai kan rawih te pawhin hawn thla thin lo se. Vai rama hralh tam takin an ching a, helamah an rawn hawn chho duh lova. Hengte hi a tih dan a awm lawm ni ? Phai ramah hralh a nih loh a, Mizorama Rice thar chhuah reng reng Mizoramah kan consume tur a ni, tih ang te in kal ta ila, tam tak hi chu. Food subsidy ah hian kan thawl phah mai awm mang e aw, tih te ka rilruah a awm a. Hei hi kan sorkar hian a exam mek turah ngai ila.

Tin, chulo lelah chuan Mizoram House te hi kan profit hmuh tur ang te kha an rawn ziak chhuak a, a lawmawm khawp mai a. Mizoram House te pawh hi a maintenance leh enkawltu zir hian an standard te pawh a chhia in a tha a. Mizoram House thenkhat chu a tha khawp mai a, an maintain tha a, an discipline pawh a tha a. Amaherawhchu, khatiang kha a ni vek lova. Hengte pawh hi enkawl a, inspection neihte hi a tha mai awm mang e aw, ka ti a. Kan Mizoram House te hi standard leh maintenance tha deuha enkawl theih te pawh hi a thain ka hria.

Kan Supply Minister tan te pawh hian luhai thlak tak takte pawh a awm a. Gas problem hi kan sawi nasa a, heng agency thar te pawh hi an han hawng a, zawi zawiin kan tha chho zel a. Amaherawhchu, thil pakhat ka'n han observe theih hi chu black-a hralh hi a tam deuh hlek tih a ni a. Hengte pawh hi engemaw kawng zawng tak chuan miretheite kan VIP kan ti a, connection hmu phalo pawh hi an khawngaihni an han pe ve mai thin ni te pawh hian ka hria a. Chuvangin hengah te pawh hian Opposition te pawh khan min lo ngaithiam se, kan VIP te treatment kan han pe ve a ni mai a. Chuvangin Gas problem awm te pawh hi kan VIP hote kan han sem nasa ve deuh tih lamah khan min lo ngaih sak se. Connection nei kher lote pawh hian an la ve a, heng avang te pawh hian a shortage hi a nasa tih thawm te pawh kan lo hria a. Engpawhnise, heng hi chu kan sorkar hian a sort out dawn a, hei zawi zawiin kan tha chho zel tih hi chu a chiang a.

Tah hian thu tlem han sawi ka duh a. A bik takin nichinah khan Sainik sikul kha an sawi a. Sainik sikul hi chu han sawi loh ringawta kalsan hi chu ka ui deuh thin a. Nichina kan Member zahawm takin a rawn sawi kha ka thlawp a. A rawn sawi chhuak kha a lawmawm ka ti a. Chung chu ka sawi theih chu ni mai rawh se. Ka lawm e.

S P E A K E R : A lawmawm e. Hei, kan hun a lo zo dawn tep ta a, a lawmawm hlein ka hria a. Member te kan thu taima khawp mai a. Dr. R. Lalthangliana kha a pang a nuam lo deuh hlek a, a laklawhah haw min rawn dil a, kan phalsak a, a chhuak ta a.

A sawitu lote pawh kan thu thap reng mai a, a lawmawm khawp mai. Medical Team ho kha vawiin niah khan an lo kal a, MLA te medical check-up min rawn neih sak a, a lawmawm khawp mai a. A zatve aia tam kha chu kan han in check-up in ka hria a. Tichuan, naktuk ah hian an lo kal leh dawn a, vawiina la remchang lote kha naktuk ah chuan tih tum ila. Tin, naktuk kan sawi lawk thei lova, vawiina kan sawiho dan boruak atang hian naktuk ah te pheih chuan nileng lo te pawhin kan zo thei mai thei a. Chuvang chuan sawti lamah la in check-up leh tur te pawh kha thurawn te pawh in pe nualin ka hria. Naktuk chawhnu lamah te emaw nidangah te pawh khatiang pawimawh takah te chuan House-a in chawlh tir, khami va in entir chhung chu hun in pe thei turah ngai ila. In check-up vek turin kan request duh che u a. Awle, vawiin ah sawiho naah Member 12 in kan sawi a, a ngaihnam khawp mai. Amaherawhchu, ka duh aiin ka la tang lovin ka hria. A ai khan la tang leh zual hlawm ila chuan a ngaihnam leh zual dawnin ka la hria a ni. Thahnem ka lo ngai viau a ni. Awle, tunah chuan dar 4:00 pm a lo ni ta a. Vawiina kan hun chu a lo zo ta a. Naktuk 23.3.2010 (Thawhlehi) zing dar 10:30 ah kan thukhawm leh ang a. Kan General discussion kan chunzawm leh ang. Chumi hma chuan kan chawl rih dawn a ni.

Meeting is adjourned. (4:00 P.M.)